


საქართველოს სსრ-ის საგარეო ურთიერთობების საქართველო



1

საქართველოს სსრ-ის საგარეო ურთიერთობების

თბილისი — 1984



ჭვარი ვაზისა — შემკული მოციქულთა სწორის წმიდა ნინოს თმით. 17 ს.


ძლიერებაო ჯვარო ვაზისაო,
დაგვიცუე და დაგვიფარე ჩვენ



ქრისტი
ანსის

დაიბეჭდა უწმიდესისა და უნეტარესის სრულიად საქართველოს კათოლიკოს-
პატრიარქის ილია II ლცვა-კურთხევით








ფ. მეფე თაჲარის ტახტზე აღსვლის 800
წლისთავისადმი მიძღვნილი წირვა სიონის
საკათრიაჲო ტაჲარში

...და ესე ენაჲ შემკული და კურთხეული
სახელითა უფლისაჲთა,
მდაბალი და დაწუნებული,
მოელის ღლესა მას მეორედ მოსლვასა უფლისასა...

„ქებაი და ღიდებაი ქართულისა ენისაჲ“, ძველი ქართული ხელნაწერი.



სიხონ შთა



წმინდა ეკატერინეს მონასტერი

**ლოცვა, რომელი ვთქვი მე ცოდვილმან და
მდაბალმან ილია II, კათოლიკოს-პატრიარქმან
სრულიად საქართველოსა, ღმიდასა სინის მთასა
ზედა, სადა მოსე ღინასწარმეტყველმან
ღმრთისაგან მიიღო ათი მცნება**

მამაო ჩვენო, — დიდება შენდა!
ძეო ღმრთისაო, — დიდება შენდა!
სულო წმიდაო, — დიდება შენდა!

**ყოველდღიად სახეგაო, ერთარსებაო, ზემოთმოდო და განმგებელო
ორსაგ სამყაროთაო, — დიდება შენდა!**

ვითარ ვსთქვა ქება მე უღირსმან და გლახაკმან შემკობად შენ-
და; გონება ჩემი და გული ჩემი ვერ შემძლებელ არს გამოთქმად
დიდებისა შენისა. გარნა გვედრი, მიითუალე იგი, ვითარცა უმეცა-
რი სიტყუა ყრმისა მშობლისა მიმართ. ბაგითა ჩემითა მით ცოდ-
ვილითა, ღმერთო ჩემო, შენ შეგლალადებს ერი ჩემი შენს მიერ შე-
ყვარებული.

უფალო ჩემო, შენ გიგალობენ სერაფიმნი და ქერუბიმნი, მთა-
ვარანგელოზნი და ანგელოზნი, ურიცხვნი ძალნი ზეციური. მე რა
ვთქვა, როგორ შეგასხა ქება? ან რა საქმენი გიჩვენო, ოდეს ღვაწ-
ლითა თვისითა განბრწყინდენ წინასწარმეტყველნი, მოციქულნი,
მოწამენი, მღვდელმთავარნი, ღირსნი მამანი და ყოველნი სხვანი
წმიდანნი შენნი?

ვითარ სახელ გსდვა? არა უწყი. დამიდუმდა ენა ჩემი წინაშე
დიდებისა შენისა. ვიცი ოდენ, რომ ჩვენთანა ხარ და არა განგვე-
შორები, რომ ხარ დაუსაბამო და უსასრულო სიყვარული, რომ თბი-
ლა შენთან და გარეშე შენსა არა არს ცხოვრება ჩვენი.

წმიდაო, წმიდაო, წმიდაო უფალო საბაოთ, სავსე არიან ცანი
და ქვეყანა დიდებითა შენითა! დიდებაა შენი, ვითარცა სიყვარუ-
ლი შენი, დაუტევნელი შენში, ეფინება ყოველსა კმნულსა შენსა;
და ჩვენც მდაბალნი ზიარებულნი მადლსა შენისა დიდებისასა ვმა-
ღლდებით უფალო, ვიწმიდებით, მამაო ჩვენო.

მსგავსად წმიდისა მამისა ჩვენისა იოანე ოქროპირისა, მე,
ცოდვილი მონა შენი, ილია II, ყოველთა ქართველთა სახელით
ვზმობ: „დი დ ე ბ ა შე ნ დ ა ყ ო ვ ლ ი ს ა თ ვ ი ს“, გადიდებ შენ,
რომელი ყოველგან ხარ, რომელი ხარ ჩვენთან და რომლისა წი-
ალშიც ვართ ჩვენ. გადიდებ შენ, რომელმან სავანედ თვისსა აღირ-
ჩიე გული ჩვენი და მუნითგან გვსწავლი და გვწურთნი, ვითარცა ას-
წავებდი მოსეს და ელიას ქორების წმიდასა მთასა ზედა.

გადიდებთ შენ და გმადლობთ შენ, მოწყალეო, რამეთუ გვქმენ
მსგავსად შენდა, რამეთუ მოგვანიჭე ენა ქართული და რწმენა ჭეშ-
მარიტი, სიყვარული ღმრთისა და სიყვარული მოყვასისა, მოგვფი-
ნენ ნათელი გონებისა და ჭეშმარიტებაა მეცნიერებისა:

გარნა რაა არს ჭეშმარიტი? აღამის მოდგმა დასაბამიდან ეძი-
ებდა მას. ერნი მრავალნი ჩვენზედ ძლიერნი მოსწყდნენ და აღიზო-

ცნენ პირისაგან მიწისა მის ძიებაში. ჩვენზედ მოიღე მოწყალეობა სახიერო და გამოგვიცხადე თავი თვისი. და ოდეს კაცობრიობას მოუვლინე ძე შენი საყვარელი, უფალი ჩვენი იესო ქრისტე, შენის კურთხევით, შენის წყალობით ერმა ჩემმა ისმინა მისი, შეისისხლხორცა მცნებანი მისნი შენგნით ბოძებულნი, სიყვარულით იტვირთა უოელი მისი ტკბილი და ტვირთი მისი სუბუქი. ამისთვის გმადლობთ შენ. გმადლობთ შენ, რამეთუ მოძღვრავდი და მოძღვრავხალხსა ჩემსა, ატარებ რა მას გზითა მით შენითა იწროითა, ვითარცა ატარებდი ერსა ისრაელისასა უდაბნოთა შინა.



გმადლობთ მამაო უფალო, რამეთუ გვრწამს და აღვიარებთ, სულსა წმიდასა შენგნით გამომაეალსა, სულსა, რომელი ყოველგან არს და ყოველსავე ალავესებს მადლითა შენითა; რომელი არს უძლურთა მკურნალი, დაცემულთა საყრდენი, ნაკლულევანთა სრულმყოფელი. გმადლობთ შენ, წმიდაო სამებაო, აღმავესებლო ჩვენო ძალითა შენითაო.

და კვალად გმადლობ შენ, ღმერთო ჩემო, იმ მრავალთა წყალობათათვის, რომელი გარდამოავლინე თავსა ზედა ჩემსა, რომე დამადგინე მოძღვრად ერისა შენისა ივერისა. ხოლო ოდეს მონა შენი ცოდვილი ღირს მყავ ხილვად წმიდისა მთისა ამისა და თავყვანისცემად ღიდისა სიწმიდისა მისისა.

„ითხოვდით და მოგეტეს თქვენ, ეძიებდით და ჰპოვოთ, ირეკდით და გახვედით თქვენ“, — ბრძანებს მაცხოვარი და იტყვის ესე: „რასაცა ითხოვდით მამისაგან სახელითა ჩემითა, გვეოს თქვენ“. მამაო სახიერო, გვეედრები სახელითა ძისა შენისათა, ნუ განეშორები ერსა ჩვენსა, შეცოდებათა გამო ჩვენთა; მოგვიძიენ ვითარცა მამაჲ მოიძიებს ძესა თვისსა წარწყმედულსა; შეგვიწმენდევ ურწმუნობაჲ, გულფიცხოებაჲ, ამპარტავნებაჲ, შური და ვერცხლისმოყვარებაჲ; გეაჯებით, აღხოცენ ცოდვანი ჩვენნი და განკურნენ სულნი ჩვენნი ვნებულნი. მოგვმადლე სარწმუნოებაჲ ჭეშმარიტი, სიყვარული უძლეველი, ძალი წყლისა და ძლიერებაჲ ცეცხლისა, აღვგავსე მადლითა ყოვლადწმიდისა სამებისა; სარწმუნოებასა და სიყვარულსა შინა შენსა, განამტკიცე მთავრობა ჩვენი; გვაკურთხე მშვიდობითა, უფალო, მოგვფინე სული სიწმიდისაჲ, თავმდაბლობისაჲ და მოთმინებისაჲ.

განამრავლენ შვილნი და შვილთა შვილნი ჩვენნი, გული წმიდაჲ დაბადე მათ შორის, სული წრფელი განუახლე გვამსა მათ შინა.

აკურთხე გვირგვინი ქორწინებულთა და სიყვარულითა განამტკიცე კავშირი მათი; ცოდვანი სიჭაბუკისა და უმეცრებისანი შეუდევ და ნათელ ჰყავ მომავალი მათი.

სრულასაკოვანთა მიმადლე გული ბრძენი და მოწყალე, გონება საღი, რათა გიცნან შენ და აღასრულონ ნებაჲ შენი.

მხცოვანთა წილნი აკურთხენ სიმშვიდითა. განამრავლენ მოდგმა მათი; ცხოვრება მათი სათნო ჰყავ, რათა უმფოთველად შეერთონ საუკუნეთა.

გვეედრები უფალო, განუნათლე გონება მეცნიერთა, მწერალთა და ხელოვანთა ჩვენთა. დალოცე საქმე მათი, რათა იქმნას ნაღვაწი მათი საკეთილოდ ქვეყნისა, რათა შრომითა თვისითა გემსახურონ შენ, ემსახურონ ერსა შენსა ივერისასა.

დალოცე ჩვენი მშრომელი ხალხი, ყოველი მაშვრალი და ტვირთმძიმე. ჩვენთა ღიდთა წინაპართა რწმენა, სიყვარული და სიწმიდე მიანიჭე მათ.

ღმერთო, განამტკიცე და განამდიერე, ჩვენი წმიდა სამოციქულო ეკლესია და მღვდელმსახურნი მისნი, ყვენ იგინი ნათელ ერი-

სა, ადაღინე ტაძარნი და მონასტერნი ჩვენნი და შეგვეკრიბე საფარველსა ქუეშე შენსა.

გარნა რა ვთხოვო, უფალო, მათთვის, რომელნი უარგყოფენ შენ, რომელნი ვლენან გზასა ცთომილთასა? გეაჯები, შეიწყალენ იგინი, მოაქციე და მრევლსა შენსა შეუერთე; „რათა იყოს ერთ სამწყსო და ერთ მწყემს!“.

მერმეცა გევედრები ღმერთო, რათა მოიხსენო სასუფეველსა შენსა სულნი ქართველთა მოღვაწეთა სინის მთისათა; გევედრები, რათა მოიხსენო მეფენი და დედოფალნი ჩვენნი, მამამთავარნი, კათოლიკოს-პატრიარქნი, სამღვდელო და სამონოზვნო წესით აღსრულებულნი, პატრიოსანი შრომით დაღლილნი, აღმშენებელნი ტაძართა და მონასტერთა, ბრძოლის ველზე მოწყვეტილნი და ყოველნი შვილნი შენნი ქართველნი. დალოცე სავანენი ზეციურისა საქართველოჲსა, შეუხდე შეცოდებულთა და იხსენ ტანჯვისაგან, მოჰფინე მათ ნათელი შენი და სიყვარული შენი.


მუხლმოდრეკილი აღვაველენ ლოცვებს, უფალო, მშვიდობისათვის სოფლისა, რათა სუფევედეს ქვეყანასა ზედა მშვიდობა და კაცთა შორის სათნოება: მამაო წმიდაო, გეაჯები, შეისმინე ლოცვისა ჩემისაჲ და დაგვიფარენ ჩვენ!

დასაბამო და მიზეზო ყოვლისაო, არსთაგანმრიგეო, სავსე დიდთა წყალობითა შენითა კვალად ვხმობ: „დიდება შენდა, უფალო, დიდება შენდა! დიდება შენდა შემოქმედო ჩვენო, მწყალობელო ჩვენო, დიდება შენდა! დიდება შენდა ღმერთო ერისა ჩვენისაო, რომელმან დასწერე სახელნი ჩვენნი წიგნსა მას ცხოვრებისა კრავისასა!

„მე ვარ ანი და ჰომ, იტყვის უფალი ღმერთი, რომელი არს და, რომელი იყო და, რომელი მომავალ არს, ყოვლისა მპყრობელი“ (გამოცხადება 1, 8) მოვედ ჩვენთანა, უფალო, და გვაცხოვნენ ჩვენ ღმერთო ჩვენო, ამინ!



მუვიდობა ყოველთა



ვიყუარებოდათ უკითხათას

საპარტიველოს ეკლესიის დელეგაცია ეგვიპტეში

ალექსანდრიისა და სრულიად აფრიკის პაპისა და პატრიარქის, უნეტარეს ნიკოლოზ VI მიწვევით, 1984 წლის 5—17 (18—30) მაისს, ეგვიპტეში ოფიციალური ვიზიტით იმყოფებოდა სრულიად საქართველოს კათოლიკოს-პატრიარქი, მისი უწმიდესობა და უნეტარესობა, ილია II და მისი თანხლები პირები: ურბნელი მიტროპოლიტი კონსტანტინე (მელიქიძე), პროტოდიაკონი ხეთისო შალიკაშვილი და საპატრიარქოს საგარეო განყოფილების მდივანი ბორის გაბუა.

5 (18) მაისს, ქაიროს აეროპორტში დელეგაციას დახვდნენ: ალექსანდრიისა და სრულიად აფრიკის პაპი და პატრიარქი, უნეტარესი ნიკოლოზ VI, ბაბილონის ეპისკოპოსი პეტროსი, ტამიეტის ეპისკოპოსი ტიტოსი, ალექსანდრიის პატრიარქის პირადი მდივანი გეორგიუს პიტიდისი, საპატრიარქოს წარმომადგენლები და სხვა ოფიციალური პირნი. დელეგაციას, ასევე დახვდა მოსკოვისა და სრულიად რუსეთის პატრიარქის წარმომადგენელი ალექსანდრიისა და სრულიად აფრიკის საპატრიარქოში, დეკანოზი დიმიტრი ნეცებაევი, რომელიც ეგვიპტეში ვიზიტის მთელი დროის განმავლობაში თარჯიმობას უწევდა და თან ახლდა საქართველოს ეკლესიის დელეგაციას.

დამხვდურთა შორის იყვნენ, აგრეთვე, სსრ კავშირის საქმეთა დროებითი რწმუნებული ეგვიპტეში ედმუნდ შახნაზარიანი და საბჭოთა კავშირის გენერალური კონსული ნიკოლაი კომისაროვი.

იმავ დღეს ილით, სრულიად საქართველოს კათოლიკოს-პატრიარქი ილია II და ალექსანდრიისა და სრულიად აფრიკის პაპი და პატრიარქი ნიკოლოზ VI და მათი თანხლები პირნი ალექსანდრიაში გაემგზავრნენ.

ალექსანდრიაში ჩასვლისას, სასტუმრო „მეტროპოლითან“ სტუმრებს შეხვდნენ: ალექსანდრიაში ბერძენთა სათვისტომოს თავმჯდომარე ბატონი პანაიოტის სულოსი, საბერძნეთის გენერალური კონსული ბატონი

იოანე ზეპბოსი, გენერალური კონსულის მოადგილე ქალბატონი ანა პასარი და საბერძნეთის სათვისტომოს წარმომადგენლები.

ბატონმა პანაიოტის სულოსმა სტუმრებისა და დამსწრე ოფიციალურ პირთა პატივსაცემად გამართა სადილი. საღამოს, ალექსანდრიის საპატრიარქო ტაძარში, მისმა უნეტარესობამ ნიკოლოზ VI და მისმა უწმიდესობამ და უნეტარესობამ ილია II გადაიხადეს დოქსოლოგია — მცირე პარაკლესი, რის შემდგომაც პატრიარქმა სტუმრები თავის რეზიდენციაში მიიღო. რეზიდენცია საპატრიარქო ტაძრის ეზოშია. იგი დიდებული შენობაა. აქ თავდაპირველად ბერძენ ქალთა და ვაჟთა სასწავლებელი ყოფილა. ამ დროს, ეგვიპტეში 200 ათასზე მეტი ბერძენი ცხოვრობდა, მაგრამ მალე ბევრი სამშობლოში დაბრუნდა, სასწავლებელი დაიხურა და მის შენობაში საპატრიარქო მოთავსდა. დღეს-დღეობით ალექსანდრიაში ცხოვრობს სამი ათასამდე ბერძენი, ხოლო მთელ ეგვიპტეში 7 ათასამდე. მიღების შემდეგ სტუმრები მისიძნძლის თანხლებით ალექსანდრიის სანაპიროს დასათვალიერებლად გაემგზავრნენ.

მეორე დღეს, საქართველოს ეკლესიის დელეგაციამ დაათვალიერა ალექსანდრიის საპატრიარქოს ბიბლიოთეკა და მუზეუმი, რომელიც დაარსებულია 982 წელს. ბიბლიოთეკაში 40 ათასზე მეტი წიგნი და ხელნაწერი ინახება. აქ დაცულია მღვდელმთავართა ძველი შესამოსლები, მიტრები, ბარძიმები, შანდლები, ხატები და სხვა საეკლესიო ნივთები.

შემდეგ დელეგაცია გაემგზავრა წმ. საბას სახელობის მონასტერში (წინამძღვარი მიტროპოლიტი სიმეონი). იგი აშენებულია IV საუკუნეში, იმ ადგილას, სადაც ქრისტეს დაბადებამდე იდგა აპოლონის ტაძარი, აგებული ალექსანდრე დიდის გენერლის პტოლომეუს ლავისის მიერ (შემდგომ პტოლომე I, ეგვიპტის იმპერატორად წოდებული). მომდევნო საუკუნეებში იგი თანდათან გაიზარდა. დღეს კი მონასტერი სხვადასხვა შენობათა დიდ კომპლექსს წარმოადგენს, რომელთაგან ყველაზე ბოლოს, ალექსანდრიის ახლანდელი პატრიარქის — ნიკოლოზ VI დროს აშენდა ფილოსოფიის სკოლა და საავადმყოფოს შენობა.

მონასტერში დაცულია ბევრი სიწმიდე და მათ შორის ქვა, რომელზედაც წმ. ეკატერინე აწამეს და თავი მოჰკვეთეს. მუზეუმში ინახება ალექსანდრე დიდის დროინდელი ბერძნული და რომაული კერამიკა, მცირე ზომის ქანდაკებები და მონეტები, რომლებიც მის ტერიტორიაზე გათხრების დროს იპოვეს.

მონასტრის დათვალიერების შემდეგ სტუმრები მიძინების სახელობის მართლმადიდებელ ეკლესიას ეწვევნენ, სადაც მღვდელმსახურება არაბულ ენაზე სრულდება.

დღის 1 საათზე, მისი უწმიდესობა და უნეტარესობა ილია II და მისი თანხლები პირები ალექსანდრიის გუბერნატორმა გენერალ ფაუზი მააზმა მიიღო თავის რეზიდენციაში. — „...მე თქვენს მობრძანებას ვთვლი, როგორც ღვთის დიდ ლოცვა-კურთხევას“ — თქვა მან. საბასუხო სიტყვაში, სრულიად საქართველოს კათოლიკოს-პატრიარქმა დიდი მადლობა გადაუხადა გუბერნატორს მიღებისა და სტუმართმოყვარეობისათვის და აღნიშნა ის ისტორიული ურთიერთობა, რომელიც ალექსანდრიისა და საქართველოს შორის იყო. „ეს ურთიერთობა კვლავაც გრძელდება და იმედი გვაქვს მომავალში უფრო მეტად განმტკიცდება“-ო. პატრიარქმა საბასსოვრო საჩუქრები გადასცა გუბერნატორს და მადლობა გადაუხადა ალექსანდრიის საპატრიო მოქალაქის მედლისათვის, რომლითაც გუბერნატორმა დააჯილდოვა იგი. მიღებას ესწრებოდნენ: ალექსანდრიის პაპი და პატრიარქი ნიკოლოზ VI, ალექსანდრიის გუბერნატორის მოადგილე, გენერალი გალალ ჰამდი, ალექსანდრიის პატრიარქის მდივანი გეორგიუს პიტიდისი და სხვა ოფიციალური პირნი.

მიღების შემდეგ, ალექსანდრიის ბერძენთა სათვისტომოს თავმჯდომარემ, ბატ. პანაიოტის სულოსმა ხმელთაშუა ზღვის სანაპიროზე მოაწყო სადილი ბერძნულ რესტორან „აბუჯი“-ში.

7 (20) მაისს, კვირას, ალექსანდრიის პაპმა და პატრიარქმა ნიკოლოზ VI და სრულიად საქართველოს კათოლიკოს-პატრიარქმა ილია II ერთობლივი წირვა აღასრულეს ალექსანდრიის საპატრიარქო ტაძარში. წირვის დასრულების შემდეგ ორმა პატრიარქ-



საქართველოს დიდებუ, საბანინის გამოცემით.



ალექსანდრია. მისი უწმიდესობა და უნეტარესობა
ილია II და უნეტარესი პაპი და
პატრიარქი ნიკოლოზ VI.

მა ოფიციალური სიტყვით მიმართა ერთ-მანეთს.

სრულიად საქართველოს კათოლიკოს-პატრიარქმა სამახსოვრო საჩუქარი გადასცა მის უნეტარესობა ნიკოლოზ VI. წირვაში მონაწილეობა მიიღეს მიტროპოლიტმა კონსტანტინემ და პროტოდაიკონმა ხეთისო შალიაშვილმა. საპატრიარქო ტაძარში წირვას ესწრებოდა ალექსანდრიის გუბერნატორის მოადგილე, გენერალი ვალალ ჰამედი და სხვა ოფიციალური პირები.

წირვის დასრულების შემდეგ პატრიარქის რეზიდენციაში გაიმართა მიღება და ოფიციალური სადილი სისტუმრო „მეტროპოლი“ რომელსაც ესწრებოდნენ: ალექსანდრიის გუბერნატორის მოადგილე, გენერალი ვალალ ჰამედი, საბერძნეთის ვიცე-კონსული ანა პასარი, საბერძნეთის სათვისტომოს თავმჯდომარე პანაიოტის სულთისი, სირიის სათვისტომოს თავმჯდომარე ანტუან სუკერი, ეგვიპტეში სსრ კავშირის ვაჭრობის წარმომადგენლობის წარმომადგენლის მოადგილე ვილენ ბონდარევი, ალექსანდრიის საპატრიარქოს წარმომადგენლები და სხვა ოფიციალური პირნი. სადილზე ოფიციალური სიტყვა წარმოთქვა ალექსანდრიის ბერძენთა სათვისტომოს თავმჯდომარემ, ბატ. პანაიოტის სულთისმა, რომელმაც ფართოდ გააშუქა ის მეგობრული ტრადიციები, რომლებიც ბერძენებსა და ქართველებს შორის არსებობდა საუკუნეების განმავლობაში. მან აღნიშნა, თუ რა დიდი მნიშვნელობა აქვს ორი ქვეყნისა და ერის ურთიერთობის უფრო მეტად გაღრმავებისათვის საქართველოს კათოლიკოს-პატრიარქის ამ ვიზიტს.

შემდგომ სიტყვა წარმოთქვა ალექსანდრიის პატრიარქმა. სიტყვის ბოლოს მან გამოთქვა რწმენა, რომ მეგობრული ურთიერთობა საქართველოსა და ალექსანდრიის ეკლესიათა შორის აუცილებლად გაღრმავდება და განმტკიცდება მომავალში.

სრულიად საქართველოს კათოლიკოს-პატრიარქმა გულთბილი მადლობა გადაუხადა კველა დამსწრეს სტუმართმოყვარეობისათვის და თქვა: „...ჩვენს შორის მეგობრული ურთიერთობა დაიწყო ჯერ კიდევ პირველი საუკუნეებიდან, მაგრამ განსაკუთრებით განმტკიცდა თქვენი პატრიარქობის წლებში. თქვენ, თქვენო უნეტარესობავ, ეკუთვნით არა მარტო ალექსანდრიის ეკლესიის, არამედ მთელ მსოფლიოს, რადგან ასრულებთ მოციქულებრივ მოღვაწეობას მსოფლიოს ერთა დაახლოების დიდ საქმეში“. უწმიდესმა ილია II მადლობა გადაუხადა ეგვიპტის მთავრობას იმის გამო, რომ მას მიეცა საშუალება ამ უძველესი კულტურის კერძოებულ მიწაზე ჩამოსულიყო.

სალამოს, სრულიად საქართველოს კათოლიკოს-პატრიარქი მოსკოვისა და სრულიად რუსეთის პატრიარქის წარმომადგენლის დეკანოზ დიმიტრი ნეცვეტაივის მიწვევით, უნეტარეს ნიკოლოზ VI ერთად, რუსულ, ალექსანდრე ნეველის სახელობის ეკლესიას ეწვია.

8 (21) მაისს, ორი პატრიარქი და მათი თანმხლები პირნი ქაიროში გაემგზავრნენ. საქართველოს ეკლესიის დელეგაციამ დაათვალიერა ქაიროს ეროვნული მუზეუმი, სადაც ფართონა ხანის ცივილიზაციის ფასდაუდებელი ნიმუშები ინახება და მათ შორის, ტუტანხამონის საქვეყნოდ განთქმული სამარხი განძი; მუზეუმში ფართოდ არის წარმოდგენილი ეგვიპტის მთელი ცივილიზაციის განვითარებადი საფეხურები. თავისი კოლექციით იგი უნიკალურია მსოფლიოში.

დელეგაციამ დაათვალიერა მოპამედ ალის მეჩეთი, რომელიც კონსტანტინეპოლის წმ. სოფიის ტაძრის ასლს წარმოადგენს. ტაძარს სამივე მხრიდან „ელ გავბარას“ სასახლე ეკვრის („ძვირფასეულობათა“ სასახლე).

მეჩეთი და სასახლე ციტადელის შიგნით იმყოფება, რომელიც 1171 წელს ააშენა ეგვიპტის ხალიფა სალადინმა. ციტადელი ქაიროს აღმოსავლეთ ნაწილში მდებარეობს. მას „მეკადრათა ქალაქს“ უწოდებენ. აქ შუა საუკუნეების ეგვიპტის მმართველთა და დიდებულთა საფლავები და მავზოლეუმებია. ამ ადგილას მამულეთა მრავალი საფლავია, რომელთა შორის, შესაძლოა ქართველებიც განისვენებენ.

9 (22) მაისს, სრულიად საქართველოს კათოლიკოს-პატრიარქი ილია II და ალექსანდრიისა და სრულიად აფრიკის პაპი და პატრიარქი ნიკოლოზ VI მათი თანმხლები პირებით საბჭოთა კავშირის საელჩოს რეზიდენციაში მიიღო სსრ კავშირის საქმეთა დროებითა რწმუნებულმა ეგვიპტეში ბატ. ედმუნდ შანაზარიანმა.

მიღების შემდეგ საქართველოს ეკლესიის დელეგაციამ დაათვალიერა გიზის ცნობილი პირამიდები, სფინქსი და წმ. გიორგის სახელობის მონასტერი, სადაც ალექსანდრიის პატრიარქთა საფლავებია. საქართველოს კათოლიკოს-პატრიარქს მონასტრის სიძველეთა ფონდიდან საჩუქრად გადასცეს წმ. გიორგის ხატი. ეს არის ის ადგილი, სადაც იმპერატორმა დიოკლიტიანემ აწამა წმიდა გიორგი.

იმავ დღეს დელეგაცია ეწვია 40 სებასტიელი მოწამის სახელობის ეკლესიას (II ს.), ღვთისმშობლის სახელობის ტაძარს და დაათვალიერა ქალაქის სხვა ღირსშესანიშნოები.

10 (23) მაისს, სისტუმრო „რამზეს პოლტონში“ საქართველოს კათოლიკოს-პატრიარქის პატივსაცემად გაიმართა ოფიციალური სადილი.

მის უწმიდესობას სიტყვით მიმართა პატრიარქმა ნიკოლოზ VI. მან თქვა: „...დიდი სიხარულით მოგვსალამებთ თქვენო უნეტარესობავ, ბატონო ილია, ი დიდი სიხარულით, რომელიც თქვენმა აქ მომხარებაში მოგვევარა ჩვენს. დამოკიდებულება, რომელიც არსებობს ჩვენს ეკლესიებს შორის, უფლებას გვაძლევს ბევრი ვთქვათ და ვი-

ლაპარაკოთ. მე პირადად რამდენჯერმე ვესტუმრე თქვენს ეკლესიას და ვიკარებინე, თუ რა ერთგულია ქართველი ერი მართლმადიდებლობისა... თქვენის ეპისკოპოს ქალას გვმეტყვებს და იმედს გვიმტკიცებს, რომ კვლავაც გაგრძელდება ის ძმური ურთიერთობა ჩვენს ორ ეკლესიას შორის, რომელსაც უკვე მრავალი საუკუნის ისტორია აქვს“.

სალამოს ორი პატრიარქი და მათი თანმხლები პირები ეწვევნენ წმ. კონსტანტინეს სახელობის ეკლესიას. იგი აშენებულია 1914 წელს. ტაძარს აქვს სამი ტრაპეზი: წმ. კონსტანტინესა და ელენეს, მოწამე ნესტორისა და წმ. ალექსანდრეს სახეზე. 1938 წელს, მისი უნეტარესობა ნიკოლოზ VI ამ ეკლესიაში დიკანონდ მსახურობდა.

გარეთ, ტაძრის კედელზე დამაგრებულია მემორიალური დაფა, რომელზედაც ამოჭრილია ბერძენთა სახელები, ვინც მეორე მსოფლიო ომში დაიღუპა. 40-იან წლებში, როდესაც ნაცისტურმა გერმანიამ დაიპყრო საბერძნეთი, ბერძენული არმია რეფორმირებულ იქნა და ეგვიპტეში მცხოვრებ ბერძენთა საერთო მობილიზაცია მოხდა. ათასობით ბერძენი დაიღუპა ელ. ალამენისა და დასავლეთ უდაბნოში, სადაც ბრძოლები მიმდინარეობდა. მათგან, ვისი სახელიც მემორიალურ დაფაზე იყო ამოკვეთილი, ბევრი ალექსანდრიის პატრიარქის მღვინის, ბატ. გეორგიუს პიტიდისის, მამინ ლეიტენანტ პიტიდისის, მეგობარი იყო, რომელთა გვერდით ისიც იბრძოდა ნაცისტ დამპყრობელთა წინააღმდეგ.

დღევანდელ ბერძენთა სათვისტომოს ისტორია ეგვიპტეში იწყება მოპამედ ალის მმართველობის წლებიდან, რომელიც მაკედონიდან იყო წარმოშობით. მეორე მსოფლიო ომის შემდეგ კი იწყება ბერძენთა ემიგრაცია ეგვიპტიდან. 1952 წლიდან ეგვიპტეში დაბადებულ ბერძენებს არა აქვთ მოქალაქეობრივი სტატუსი, რამაც თავის მხრივ გამოიწვია მათი რიცხვის შემცირება.

მისი მაღალყოვლადსამღვდელოესობა დამიანეს, სინის, ფარანისა და საითის მთავარეპისკოპოსის მიწვევით, 12 (24) მაისს, სრულიად საქართველოს კათოლიკოს-პატრიარქი, მისი უწმიდესობა და უნეტარესობა ილია II და მისი თანმხლები პირნი სინის მთაზე წმ. ეკატერინეს მონასტერში გაემგზავრნენ.

სინის ცენტრალური ნაწილი გრანიტის მთებისაგან შემდგარი დიდი პლატოა, სიოდანაც ცას ებჯინება მოსეს (ბიბლიაში ქორების მთა), ეკატერინეს, სერბალისა და უმ შემარის მწვერვალები და მდალია ქედები. ესაა ადგილი, სადაც იზრავენ 33 საუკუნის წინ ცხოვრობდნენ.

სინის სანაპირო ქალაქების გარდა, ამ უკაცრიელ და პირველყოფადი სილამაზის ნახევარკუნძულზე აქა-იქ ცხოვრობენ ბედუნიები, რომლებიც ძირითადად, მომთაბავე ცხოვრებასა და მესაქონლეობას მისდევენ და წმ. ეკატერინეს მონასტრის ბერები. სინის სახელწოდება მოდის მთავრის ქალღმერთის სახელისაგან „სინ“, რო-

მელსაც თაყვანს სცემდნენ უძველეს დროში სინის უღბანოთა მცხოვრებნი. სინის ნახევარკუნძული მოწყობა სხვა ღმერთების თაყვანისცემისა. მათ შორის, ელ-ელეონის (უმადლესი ღვთაებისა), რომლის მჟადაგებელი მადიანის მღვდელი იათამი იყო. მას ჰყავდა 7 ქალიშვილი. ერთი მათგანი, ეგვიპტიდან გაქცევის შემდეგ, მოსემ შეირთო ცოლად. აქ გაატარა მოსემ ორმოცი წელი და აქ გამოეცხადა ღმერთი შეუწყველი მაცელის სასწაულის სახით. უბრძანა მას, დაბრუნებულყო ეგვიპტეში და მიეყვანა იზრაელის ძენი ქორების მთასთან, რათა თაყვანი ეცათ მისთვის. 50 დღის შემდეგ მათ მიაღწიეს ქორების მთას და საითის მთავარბისკობსა — 10 მცნება. II საუკუნიდან დაწყებული, ქრისტიანი ბერები სახლდებოდნენ ქორების მთის მისადგომებზე, ფარანისა და საითის თაზისებში.

ორ პატრიარქსა და მათ თანმხლებ პირებს ფარანში დახვდა მისი მალაყოფილად-უსამღვდელოესობა და მათ — სინის, ფარანისა და საითის მთავარბისკობსი. ფარანის ტაძარში აღდგენილი ლოცვის შემდეგ დელეგაცია წმ. ეკატერინეს მონასტერში გაემგზავრა. მონასტრის ეკლესიაში ორმა პატრიარქმა და მთავარბისკობსმა ერთობლივი ლოცვა ჩაატარეს.

12 (25) მაისს, დღის 5 საათზე სრულიად საქართველოს კათოლიკოს-პატრიარქი, მისი უწმიდესობა და უნეტარესობა ილია II, პროტოდიაკონი ხეთისა შალკაშვილი და საპატრიარქოს საგარეო განყოფილების მდივანი ბორის გაგუა, წმ. ეკატერინეს მონასტრის ორი ბერის — მამა პავლესა და მამა ილიას თანხლებით წმ. სამების ეკლესიის ძველ აღმართს აუყვან, რომელიც წმ. მოსეს (ქორების) მთის მწვერვალზე მდებარეობს. წმ. ეკატერინეს მონასტრიდან გზა ციხიდან კლდეში 2300 მეტრის სიმაღლეზე აღის. წმ. მოსეს მთა, ან როგორც მას ეძახიან, „წმიდა მწვერვალი“, მონასტრის სამხრეთით მდებარეობს. იმპერატორმა იუსტინიანემ ამ მთის მწვერვალზე აღაშენა ეკლესია, რომელიც მიწისძვრის შედეგად დაინგრა. 1934 წელს ძველი ეკლესიის ნანგრევებზე აშენებულ იქნა ახალი ეკლესია. მონასტრიდან მთის მწვერვალისკენ არსებობს ორი ასასვლელი. ერთი წარმოადგენს კლდეში გამოკვეთილ 4 ათასამდე საფეხურს, აშენებულ ბერების მიერ VI საუკუნეში. ეს უფრო მოკლე, მაგრამ ამავე დროს, უფრო ძნელად ასასვლელი გზა; მეორე, აშენებულია ეგვიპტის მთავრობის მიერ IX საუკუნეში, უფრო გრძელი, მაგრამ ნაკლებ სასიფთოთა. ორი ათასი მეტრის სიმაღლეზე ეს გზა საფეხურებს უერთდება. მისი უწმიდესობა ილია II ფეხშიშველი ავიდა მთის მწვერვალზე, თუმცა, ეს არც ისე იყო. მწვერვალისკენ იშლება შესანიშნავი, სულწარმტაყი პლატოს ხედი, ცაში ასევეტილი მწვერვალებით.

სრულიად საქართველოს კათოლიკოს-პატრიარქმა ეკლესიაში ჩვენი ერის პარა-

კლისი გადაიხადა. უკან საფეხურებით დაბრუნდნენ. საფეხურებზე იმპერატორ იუსტინიანეს მიერ აშენებული ორი თაღოვანი კარიბჭეა. მისმა უწმიდესობამ ისევ ფეხშიშველად ჩამოათავა ეს კიბეები წმ. ილია წინასწარმეტყველის ეკლესიამდე, რომელიც თითქმის შუა გზაზე მდებარეობს. ეკლესიაში პატრიარქმა ისევ ერის ლოცვა აღაღვინა (როგორც ისტორიული წყაროებიდან ვიცით, წმ. ილიას ეკლესია ქართველებს აუშენებიათ).

საღამოთი, სრულიად საქართველოს კათოლიკოს-პატრიარქმა და მისმა თანმხლებმა პირებმა დაათვალიერეს მონასტრის ფერისცვალების სახელობის ეკლესია, აშენებული 540-იან წლებში ივერთის არქიტექტორ სტეფანოზ აილისიოსის მიერ. ეკლესია ბაზილიკის ფორმისაა.

მონასტრის კარებზე იკითხება ბერძნული წარწერა:

„ესე არს ბჭეა უფლისაი, და მართალნი შევლენან მას შინა“

(ფსალმუნე. 117:20).

მონასტერში ინახება 2 ათასზე მეტი ფასდაუღებელი ხატი. მათგან 12, ყველაზე ძველი და იშვიათი, განეკუთვნება VI საუკუნეს და შესრულებულია ენკაუსტიკის ტექნიკით. ხატების დიდი რაოდენობა ადრე ბიზანტიური პერიოდისა (VI—X საუკუნეები) და შესრულებულია ბერძნული, ქართული, სირიული და კობტური სტილით. მონასტერში დაცული ხატების უმრავლესობა კი მიეკუთვნება XI—XII საუკუნეებს. დასავლეთ ეკლესიის ხატები ძალიან ცოტაა; მათგან აღსანიშნავია წმ. ეკატერინეს გოთური სტილით შესრულებული ესპანური ხატი, დათარიღებული 1387 წლით.

13 (26) მაისს, საქართველოს ეკლესიის დელეგაციამ დაათვალიერა წმ. ეკატერინეს მონასტრის ბიბლიოთეკა, რომელიც ვატიკანის ბიბლიოთეკის შემდეგ მეორეა მსოფლიოში მასში დაცული ხელნაწერების რაოდენობითა და ფასეულობით. 3 ათასზე მეტი ხელნაწერიდან უმრავლესობა არის ბერძნული, ხოლო დანარჩენი — არაბული, ქართული, სომხური, სლავური, კობტური და ეთიოპური. ხელნაწერთა უმრავლესობა საეკლესიო ხასიათისაა, მაგრამ მათ შორის არის ბევრი ისტორიული დოკუმენტი იმპერატორების, პატრიარქების, ეპისკოპოსებისა და თურქ სულთანთა ოქროსა და ტყვიის ბეჭდებით დაბეჭდილი.

ბიბლიოთეკის ყველაზე ძვირფასი ხელნაწერია V საუკუნის „სირიული კოდექსი“ და ბიზანტიის იმპერატორის თეოდოსიუს III მიერ ნაბოძები ბერძნული სახარება, დათარიღებული 717 წლით. დელეგაციამ დაათვალიერა 978 წლით დათარიღებული ქართული ხელნაწერი პარკლიტონი და „ცხოვრება და განგება წმ. მამისა ჩუენისა სვიმეონისა“ — დაუწერილი ასომთავრულით და XIII საუკუნის პერგამენტის გრავნილი, რომელზედაც ნუსხა-ხუცურით აღბეჭდილია ბასილი დიდის წირვა. 1956 წელს ფრანგმა პროფესორმა კერარ გარიტმა გამოისცა აქ არსებული ქართული

ხელნაწერთა კატალოგი (97 ქართული ხელნაწერი).

1971 წელს მონასტერში მომხდარი ხანძრისგან ოთხი წლის შემდეგ იპოვეს კიდევ 100-მდე ახალი ხელნაწერი, ცალკეული ფურცლების სახით. მათ შორის, 12 ფურცელი „სინის კოდექსისა“, რომლის მთავარი ტექსტი ბრიტანეთის მუზეუმშია. ახლად აღმოჩენილი ხელნაწერები არის ბერძნული, არაბული, სირიული, ქართული და სლავური წარმოშობისა. დელეგაციის წევრებმა დაათვალიერეს ჯერ კიდევ უცნობო, ახლად აღმოჩენილი ქართული ხელნაწერები.

კვირას, 14 (27) მაისს, წმ. ეკატერინეს ფერისცვალების ეკლესიაში შესდგა ერთობლივი წირვა, რომელიც მისმა მალაყოფლადუსამღვდელოესობა და მამიანემ და მისმა უწმიდესობამ და უნეტარესობამ ილია II ჩაატარეს. წირვაში მონაწილეობა მიიღეს არქიმანდრიტმა პორფირემ, მიტროპოლიტმა კონსტანტინემ, ეპისკოპოსმა ტიტოსმა, დეკანოზმა დიმიტრი ნეცეტარემა, პროტოდიაკონმა ხეთისა შალკაშვილმა და მონასტრის სამღვდელთაგან. წირვა ძირითადად ქართულ ენაზე მიდიოდა. წირვის დამთავრების შემდეგ სინის მთავარბისკოპოსმა და სრულიად საქართველოს კათოლიკოს-პატრიარქმა სიტყვებით მიმართეს ერთმანეთს.

შეხვედრას მთელი მონასტრის ძმობა ესწრებოდა. სრულიად საქართველოს კათოლიკოს-პატრიარქმა მათ დიდი მადლობა გადაუხადა ზრუნვით მოხარებისათვის და მისი მალაყოფლადუსამღვდელოესობა და მამიანე და მონასტრის ძმობა მოიპოვეს საქართველოში.

15 (28) მაისს, სრულიად საქართველოს კათოლიკოს-პატრიარქი და ალექსანდრიისა და სრულიად აფრიკის პაპი და პატრიარქი მათი თანმხლები პირებით ქაიროში დაბრუნდნენ.

16 (29) მაისს, საქართველოს ეკლესიის დელეგაცია ქაიროში სინის მთის მთავარბისკოპოსის წარმომადგენლობას ესტუმრა. წარმომადგენლობის ტაძარში არქიმანდრიტმა დიონისემ ლოცვა აღაღვინა, რომლის შემდეგაც მთავარბისკოპოსის რეზიდენციაში შესდგა მიღება. დელეგაციის წევრებმა დაათვალიერეს წმ. მარამის სახელობის კობტური ეკლესია, რომლის გუმბათზეც 1968—69 წლებში მოხდა ღვთისმშობლის გამოცხადების მრავალი სასწაული.

იმავე დღეს, სამკოთა კავშირის საქმეთა დროებითმა რწმუნებულმა ეგვიპტეში, ბატ. ელმუნდ შანაზარაიანმა სსრ კავშირის საელჩოს რეზიდენციამ მთაწიურ სადგომს უნეტარეს ილია II და მის თანმხლებ პირთა პატესაცემად.

მისასალმებელი სიტყვა წარმოთქვა ბატ. ელმუნდ შანაზარაიანმა, მან აღნიშნა ის დიდი როლი, რომელსაც დღეს ეკლესია ასრულებს მსოფლიო მშვიდობის განმტკიცების საქმეში.

სიტყვა წარმოთქვეს უნეტარესმა ილია II და უნეტარესმა ნიკოლოზ VI. სა-

დღის შემდეგ გაიმართა გულთბილი საუბარი. საღამოთი ქაიროს საბერძნეთის სათვისტომოს ვიცე-პრეზიდენტი, ბატ. სტავროს მაკოსმა გამართა გამოსათხოვარი ვახშამი რესტორან „ელ-მაოკატამში“, ნილოსის სანაპიროზე.

17 (30) მაისს, დელეგაცია ეწვია არაბ ქრისტიანთა მართლმადიდებლურ ეკლესიას, რომელიც აშენებულია 1931 წელს მთავარანგელოზის სახელზე. ეკლესიაში წირვა-ლოცვა არაბულ ენაზე მიმდინარეობს. ქაიროს ქრისტიან არაბთა სათვისტომოს პრეზიდენტი, ბატონმა რობერტ ჰოშინიმ მიღება გამართა სათვისტომოს საბჭოს შენობაში. შემდეგ დელეგაციის წევრებმა დაათვალიერეს ქაიროს ცნობილი ხან-ხალილის ბაზარი.

ქაიროს საეპარქიო სახლში გამართული საღამოს შემდეგ, საქართველოს ეკლესიის დელეგაცია ქაიროს აეროპორტში გაემგზავრა. კათოლიკოს-პატრიარქი ილია II და მისი თანმხლები პირები აეროპორტში გააცილეს: მისმა უნეტარესობამ ნიკოლოზ VI, ბაბილონის ეპისკოპოსმა პეტროსმა, ალექსანდრიის პატრიარქის მდივანმა, ბატ. გეორგიუს პიტიდისმა, დეკანოზმა ნიკოლოზ ნეცვეტეევმა, ალექსანდრიის საპატრიარქოსა და ქაიროს ბერძენთა სათვისტომოს წარმომადგენლებმა.

გამცილებულთა შორის იყო საბჭოთა კავშირის გენერალური კონსული, ბატ. ნიკოლაი კომისაროვი.

დასრულდა სრულიად საქართველოს კათოლიკოს-პატრიარქის ოფიციალური ვიზიტი ალექსანდრიის ეკლესიასა და სინის მთაზე. ვიზიტმა განამტკიცა ის ძველი ურთიერთობა, რომელსაც მრავალი საუკუნის წინათ ჩაეყარა საფუძველი და ვფიქრობთ, წარუშლელი კვალი დასტოვა ხალხთა ურთიერთობის იმ დიდ საქმეში, რომელიც ასე გვესაუბრობდა დღეს, მსოფლიოში მშვიდობისა და ურთიერთსიყვარულის მისაღწევად.

ალექსანდრიისა და სრულიად აზრიის კაპისა და პატრიარქის, უნებარეს ნიკოლოზ VI მისსახლმეგობელი სიტყვა

უწმიდესო და უნეტარესო პატრიარქო საქართველოსა, ქრისტესმიერ საყვარელო ძმაო, ბატონო ილია,

გამოუთქმელი სიხარულითა და ზესულიერი აღტაცებით აღვაკუნთ დიდებასა და ექპარისტეიას სამების მიმართ, რამეთუ დიდსგვეყო, დღეს ჩვენს შორის ბრძანდებოლეს უწმიდესი და უნეტარესი, საქართველოს პატრიარქი, რომელთანაც მჭიდრო კეთილმეგობრული კავშირი დავამყარეთ საქართველოს საპატრიარქოში ჩვენი არაერთგზისი ვიზიტის დროს.

ჩვენი, მთელი აღმოსავლეთის მართლმადიდებელ ეკლესიათა შორის თავისი დეკლემოსილებითა და დვთის-მეტყველებების სიბრძნით გამორჩეული ეკლესია მღვდელ-



წმიდა ეკატერინე

რებით ემზადებოდა თქვენს უნეტარესობასთან, იმ პირველ საქართველოს პატრიარქთან შესახვედრად, რომელიც ალექსანდრიის ეკლესიას ეწვია.

ამ ძალზე დაძაბულ მდგომარეობაში, რომელიც ამჟამად მთელს ქვეყანაზე სუფევს, ავტოკეფალური მართლმადიდებელი ეკლესიების მიერ ვიზიტების გაცვლა აუცილებელია არა მხოლოდ მორწმუნეთა კეთილგონიერების განმტკიცებისათვის, არამედ იმისათვისაც, რომ იგი ხელს შეუწყობს კაცობრიობის უდიდეს მისწრაფებას — მშვიდობას.

ჩვენ, ვითარცა პატრიარქი ალექსანდრიისა და სრულიად აფრიკისა, ჩვენს წმიდა სამღვდლოებასთან და მორწმუნე ხალხთან ერთად ვიღწვით, რათა დავიცვათ ქრისტიანული სულის ერთიანობა, მივმართავთ სახელმწიფოთა ხელმძღვანელებს, რათა, როგორმე, გამოიხატონ საერთო ენა, ააცდინონ კაცობრიობას ყოველივე ბოროტი.

ესაა მთავარი ამოცანა, რომელიც ჩვენი ეკლესიების წინაშე დგას დღეს. აუცილებელია შენარჩუნებულ იქნას ერთიანობა. უსათუოდ უნდა იქნას გათვალისწინებული დიდი და დაუმცხრალი ძალა ქრისტიანობისა. ამის მაგალითს გვაძლევს და გვარწმუნებს ჩვენი ეკლესიის ისტორია. მან არაერთგზის გამოავლინა წარსულში შეუდარებელი ღირსება ქრისტეს სახარებისა და წინ წარუძღვარწმუნაში ათასობით მოწამეს.

თქვენი, საქართველოს ეკლესიის პატრიარქის საპატრიო ვიზიტი ამ უმველეს მიწაზე საშუალებას გვაძლევს მოვიგონოთ საქართველოს ეკლესიის ვრცელი გზა პირველქრისტიანული წარსულიდან დღემდე; გზა, რომელიც საესება მოწამებრივი ცხოვრებით, ტანჯვით, დაერღობილებითაც, მაგრამ მარადიული აღმავლობით, სიცოცხლით,

განსაკუთრებით მინდა აღვნიშნო საქართველოს ეკლესიაში საღმრთო მსახურების ახალი აღმავლობა. შესანიშნავი შთაბეჭდილება მოახდინა ჩემზე თქვენი საპატრიარქოს წმიდა სამღვდელთა ღირსება, მისმა მორწმუნეობამ, მისმა უკიდვანო ერთგულებამ უფლისმიერი წმიდა ადგილების მიმართ. სამუდამოდ დარჩება ჩემს მხსნიერებაში ის რწმენა და პატივისცემის გრძნობა, რომელსაც ქართველი მორწმუნე ხალხი წირვა-ლოცვის დროს ტაძრებში გამოხატავს. დიდად ვაფასებთ და ვადიდებთ თქვენი საპატრიარქოს და ღვთისმორწმუნე მრევლის კეთილმსახურებასა და გულმოდგინებას. გილოცავთ გულითადად, რამეთუ აგრძელებთ რა თქვენთა წინაპართა ტრადიციებს, ჭეშმარიტად ხართ დიდი საეკლესიო პიროვნება, ღირსი დღაფასებისა და პატივისცემისა.

ამ წმიდა მოგონებებით ვეგებებით თქვენს უნეტარესობას ალექსანდრიის საპატრიარქოში და გარწმუნებით, რომ შევინარჩუნებთ ჩვენს შორის არსებულ სულიერ კავშირს, მუდამ მხარში ვეღებებით მართლმადიდებელი

უფიძვისა და უნებარის, სრულიად საქართველოს კათოლიკოს-პატრიარქ ილია II საპასუხო სიტყვა

თქვენი უნეტარესობავ, ალექსანდრიისა და სრულიად აფრიკის სამოციქულო ეკლესიის საჭეთმყრობელი, ჩვენი საყვარელი ძმაო, ბატონო ნიკოლოზ! ყოვლადსამღვდელონო მღვდელმთავარო, ქალბატონებო და ბატონებო!

„ღმერთი მოწყალე და კაცთმოყვარეა, კეთილად განმგებელია მის მიერ შექმნილი სულებისა“ — წერს დიდი მამა ათანასე ალექსანდრიელი. გვჯერა და გვწამს, რომ უფალი განმგებელია საქართველოსა და ალექსანდრიის სამოციქულო ეკლესიებისა. მათ ხომ შემოქმედმა დააკისრა დიდი პასუხისმგებლობა — იყვნენ სულნი ჩვენი ერებისა.

ალექსანდრია და საქართველო — რა შორეული და ახლობელია ისინი ერთმანეთისათვის! რა ბევრი რამაა საერთო ჩვენს ეკლესიებს შორის; საერთოა არამარტო წარსულში, არამედ აწმყოშიც; ამაზე მეტყველებს თუნდაც ასკეტიზმისაკენ ჩვენი სწრაფვა, ღრმა ფილოსოფიურ-ღვთისმეტყველური აზროვნება და სხვა. გაეხსენოთ ათანასე და კირილე ალექსანდრიელი, ორიგენი, პავლე თიბათელი, კლიმენტი ალექსანდრიელი ეგვიპტეში; პეტრე იბერი, ევავრე პონტოელი, იოანე პეტრიწი, ეფრემ მცირე, გიორგი და ექვთიმე მთაწმიდელები საქართველოში.

ბუნებრივია, იბადება კითხვა: რამ განაპირობა ჩვენში რწმენისა და სულიერი აზროვნების ასეთი მაღალი კულტურა?

„თვითოეულსა კაცად-კაცადსა ჩვენსა მოცემულ არს მაღლი საზომისაგებ ნიჭისა ქრისტესისა“, — ვკითხულობთ ეფესელთა მიმართ ეპისტოლეში (ეფ. 4, 7). „ყოველსა, რომელსა მიეცა დიდად, დიდადცა მიეღოს მისგან“, — ბრძანებს მაცხოვარი (ლუკა 12, 48). დიდი ნიჭი სულისა წმიდისა მიჰმალდა უფალმა ჩვენს ხალხებს და ამიტომაც უფრო მძიმე იყო და არის ჯვარი ჩვენი ერე-

ბისა. თითქოს საქრისტიანოს საზღვრების დარაჯად დააღვინა უფალმა ისინი, ამიტომაც არიან უმეტესად გჳმულნი და ჯვარცმულნი, მაგრამ ღვთის შეწყვნით კვლავაც მკვდრეთით აღმდგარნი და ამადლებულნი.

ეგებ აღასრულეს ჩვენმა ეკლესიებმა თავისი ვალი და უკვე საჭირონი აღარ არიან ქვეყნისათვის? არა, ნუ იყოფინი! ისინი დღესაც ასრულებენ მათზე დაკისრებულ მისიას ჩვენი ერების სულიერი და მორალური წინსვლის დიდ საქმეში. ისინი მარილნია სოფლისა. „უკეთუ მარინი... განქარდეს, რაითა-მე დაამარალოს?“ (მათე 5, 13). ისინი „ნათელინია სოფლისა“ (მათე 5, 14); და განა შეიძლება წარმოვიდგინოთ სოფელი ნათლის გარეშე, სულის გარეშე? ვიდრე არსებობს კაცობრიობა, ეკლესიის ძალა და მნიშვნელობა მუდამ აუცილებელი იქნება ქვეყნისათვის და ვერავითარი სხვა ძალა მას ვერ შთანთქმავს, თვით უფალი ბრძანებს: „...აღვაშენო ეკლესია ჩემი და ბჭენი ჯოჯოხეთისანი ვერ ერეოდან მას“ (მათე 16, 18).

დღეს, მსოფლიო დამაბულობის ამ პირობებში, როცა კაცობრიობას ბირთვული ომის საფრთხე ემუქრება, ქრისტიანული რწმენა, სიყვარული და სასოება ვევალებს აუცილებელი სათნობანია თითოეული ადამიანისათვის, ერებისა და ქვეყნებისათვის. ვინ უნდა ააღორძინოს ჩვენში ისინი, თუ არა ეკლესიამ?!

დღეს, როდესაც ტექნიკური რევოლუციის წყალობით მატერიალურად უზრუნველყოფილი პირობები შექმნათ ადამიანებს, როდესაც თითქოს დაკმაყოფილდა მათი მისწრაფება ცხოვრების კეთილდღეობისაკენ, თავი იჩინა შინაგანმა სიცარიელემ, უკმაარისობის გრძნობამ, სიცოცხლის აზრისადმი სკეპტიკურმა დამოკიდებულებამ... ვინ შეძლებს უწაბლოს შეცდომილ ადამის ძეს და განკურნოს საღმობანი სულია მისისანი, თუ არა ეკლესია, რომელი არს სხეული იესო ქრისტესი, უფლისა ჩვენისა — გზისა, ჭეშმარიტებისა და სიმართლისა.

გვწამს, უფალი შეგვაძლებინებს ჩვენზე დაკისრებული მოვალეობის აღსრულებას; პირადად თქვენ, თქვენო უნეტარესობავ, ბრძანდებით

ეკლესიის უცვლელ და მარადიულ იდეებსა და ტრადიციებს. ალექსანდრიის ეკლესია, რომელსაც მოციქულთა დროიდან და წმიდისა მოციქულისა და მახარებლის მარკოზის მოღვაწეობიდან დღემდე ამშვენებდნენ ღვთისმოსავი მამები და ხალხთისმეტყველო მეცნიერების სახელგანთქმული მწერლები, ხარობს და ზეიმობს დღეს, რამეთუ სიყვარულისა და მშვიდობის ამბოროს ცვლის უნეტარეს პატრიარქთან, რომელმაც დაგაფასა და შორეული ქვეყნიდან ჩამობრძანდა.

სულიერი აღმაფრენითა და დიდი მღვდვარებით გეამბორებით და ვითხოვთ ღვთის კურთხევას თქვენთვის. საქართველოში დაბრუნებულმა კი, ვთხოვო, ჩემი პატრიარქული ლოცვა-კურთხევა გადასცეთ თქვენს წმიდა სამღვდლოებასა და ღვთისმოყვარე ქრისტიანებს, თქვენს მეტად განათლებულ სამწყსოს, საქართველოს მართლმადიდებელ ეკლესიაში.

თარგმნა თ. მესხმა

ბისა. თითქოს საქრისტიანოს საზღვრების დარაჯად დააღვინა უფალმა ისინი, ამიტომაც არიან უმეტესად გჳმულნი და ჯვარცმულნი, მაგრამ ღვთის შეწყვნით კვლავაც მკვდრეთით აღმდგარნი და ამადლებულნი.

ეგებ აღასრულეს ჩვენმა ეკლესიებმა თავისი ვალი და უკვე საჭირონი აღარ არიან ქვეყნისათვის? არა, ნუ იყოფინი! ისინი დღესაც ასრულებენ მათზე დაკისრებულ მისიას ჩვენი ერების სულიერი და მორალური წინსვლის დიდ საქმეში. ისინი მარილნია სოფლისა. „უკეთუ მარინი... განქარდეს, რაითა-მე დაამარალოს?“ (მათე 5, 13). ისინი „ნათელინია სოფლისა“ (მათე 5, 14); და განა შეიძლება წარმოვიდგინოთ სოფელი ნათლის გარეშე, სულის გარეშე? ვიდრე არსებობს კაცობრიობა, ეკლესიის ძალა და მნიშვნელობა მუდამ აუცილებელი იქნება ქვეყნისათვის და ვერავითარი სხვა ძალა მას ვერ შთანთქმავს, თვით უფალი ბრძანებს: „...აღვაშენო ეკლესია ჩემი და ბჭენი ჯოჯოხეთისანი ვერ ერეოდან მას“ (მათე 16, 18).

დღეს, მსოფლიო დამაბულობის ამ პირობებში, როცა კაცობრიობას ბირთვული ომის საფრთხე ემუქრება, ქრისტიანული რწმენა, სიყვარული და სასოება ვევალებს აუცილებელი სათნობანია თითოეული ადამიანისათვის, ერებისა და ქვეყნებისათვის. ვინ უნდა ააღორძინოს ჩვენში ისინი, თუ არა ეკლესიამ?!

ცნობილი, როგორც არა მარტო ალექსანდრიისა და სრულად აფრიკის პაპი და პატრიარქი, არამედ, როგორც ქრისტიანული სამყაროს გამოჩენილი მოღვაწე, როგორც დაუღალავი მჭადაგებელი რწმუნისა, სიყვარულისა და მშვიდობისა. ღმერთმა დაგლოცოთ! ვისურვებთ შემდგომ წარმატებებს თქვენს დიდ სულიერ მოღვაწეობაში.

საქართველოს ეკლესიისა და პირადად ჩემი სახელით, დიდი მადლობა მინდა გადავუხადო ეგვიპტის მთავრობას, ასევე თქვენ, თქვენო უნეტარესობაჲ, რომ მოგვეცით საშუალება ვსტუმრობოდით დიდების შარავანდელით მოსილ ალექსანდრიის უძველეს ეკლესიას, ვწვეოდით იმ კურთხეულ ადგილებს, რომელთა მონახულება და თავყანისცემა მათი სიწმიდისადმი ჭეშმარიტად დიდი სიხარულია ყოველი ქრისტიანისათვის. ჩვენში ეს გრძნობა კიდევ უფრო ძლიერდება, რადგანაც ვიმყოფებით იმ ქვეყანაში, სადაც ჯერ კიდევ IV საუკუნეში მოღვაწეობდა გამოჩენილი ქართველი სასულიერო პირი და ფილოსოფოსი ევაგრე პონტოელი, რომლის შესახებაც XIV საუკუნის ცნობილი ისტორიკოსი ნიკაფორე კალისტე ქსან-

თობული წერდა: „ეგრემ ასურის შემდეგ ყველაზე უფრო შესანიშნავნი იყვნენ ფილოსოფიის ორივე დარგში დიდი მოს ალექსანდრიელი და ევაგრე პონტოელი“... ვიმყოფებით იმ დალოცვილ მიწაზე, სადაც ჯერ კიდევ V საუკუნეში აუშენებია ეკლესია (თებეს ნეკროპოლში) ქართველ დიდ მამას — პეტრე იბერს.

დღეს, ალბათ, მათი წმიდა სულებიც აქ ბრძანდებიან, ამ დიდებულ ტაძარში და იზიარებენ ჩვენი ეკლესიების წარმომადგენელთა ურთიერთ შეხვედრის სიხარულს და აღავლენენ ღოცვებს ჩვენი სამწყსოს შემდგომი სულიერი ამაღლებისათვის, ჩვენს ქვეყნებს შორის მეგობრობისა და სიყვარულისათვის.

მეც შევთხოვ უფალს, დალოცოს ჩვენი შეხვედრა, ჩვენი ერები და ეკლესიები, მოგვმადლოს მშვიდობა ადამიანებს, ხალხთა და სახელმწიფოთა შორის. დაე, გვეწოდეს „ღმერთი და მამაი უფლისა ჩუენისა იესო ქრისტესი, მამაი მოწყალებათა და ღმერთი ყოვლისა ნუგეშინის-ცემისად“ (2 კორინთელთა 1,3).

ამინ!

პატილიკოს-პატრიარქ ილია II სიტყვა, წარმოთქმული სინის მთის წმიდა ეპატარინეს მონასტერში

თქვენო უნეტარესობაჲ, სინის, ფარანისა და საითის მთავარეპისკოპოსო, ბატონო დამიანე! თქვენო მაღალღირსებაჲ, მამანო და მმანო წმიდისა ამის მონასტრისანო!

...„უფალი სინად მოვიდა, და გამოგუიხნდა ჩუენ სერიით, ისწრაფა ფარან მთათ, და მოვიდა ბევრეულთა თანა წმიდათა, კადესა, მარჯუენით მისამ ანგელოზნი მისნი მის თანა“ (მეორე შჯული 33,2) — ვკითხულობთ ბიბლიაში.

ამას ბუდამ გრძნობდა ქართველი ადამიანი და ამიტომაც ცდილობდა მჭიდრო კავშირი ჰქონოდა ამ წმიდათა-წმიდა ადგილთან.

აქ ჯერ კიდევ VI საუკუნიდან იღვწოდნენ ჩვენი ბერები, რასაც ადასტურებს ანტონინე მარტივილის თხზულება და ადგილობრივი გადმოცემა: სინის მთის ახლოს იყო ადგილი, რომელსაც არსელაი ეწოდებოდა. იქ იმყოფებოდა და ასკეტურ ცხოვრებას ეწეოდა ქართველი ბერი მიქაელი და მისი მოწაფე ევსტათი.

სინის მთაზე ქართველთა მოღვაწეობა განსაკუთრებით გამძლიერებულა და ქართველთა რიცხვი გამრავლებულა IX საუკუნიდან, როდესაც არაბების გამუდმებული თავდასხმებით შეწუხებულ ჩვენს წინაპრებს ნაწილობრივ დაუტოვებიათ პალესტინის სავანეები და შედარებით უშიშარი ადგილისათვის, სინის მთისათვის მიუშურებიათ.

როგორც ისტორიიდან ჩანს, უკვე X საუკუნეში აქ ქართული ეკლესიებიც ყოფილა. ქართველი მეცნიერი ა. ცაგარელი წერს, რომ სინის მთის ერთ-ერთი ხელნაწერის ანდერძის მიხედვით, ჩვენს ბერებს აქ აუშენებიათ ეკლესიები იოანე ღვთისმეტყველისა და წმ. გიორგის სახელზე, სადაც ისინი სულიერ მოღვაწეობასთან ერთად დიდ მეცნიერულ მუშაობასაც ეწეოდნენ.

რუსი მოგზაურის, პ. უსპენსკის ცნობით კი ჩვენს წინაპრებს სინის მთაზე ჰქონიათ ოთხი ეკლესია: წმ. ილიას სახელობისა ქორების მთაზე, ღვთისმშობლისა — დავითისეული, იმავე მთის კალთაზე, პეტრე-პავლესი — ქორებისა და ეკატერინეს მთებს შუა და სებასტიელ მოწამეთა — ლეჯის ველზე.

როგორც ძველი წყაროებიდან ვლინდება, ქართველები, აგრეთვე, მოღვაწეობდნენ ღვთისმშობლის სახელობის „მაყლოანის“ სავანეში (იმ ადგილას, სადაც მოსე წინასწარმეტყველმა იხილა შეუწველი მავყალი).

სინის მთაზე ერთ-ერთი ტაძარი ქართველთა მეფეს წმ. დავით აღმაშენებელს (XI ს.) აუგია. ჩვენს მატიანეში — „ქართლის ცხოვრებაში“, ვკითხულობთ: დავითმა „მთასა სინასა, სადა იხილეს ღმერთი მოსე და ელია, ადაშენა მონასტერი, და წარსცა ოქრო მრავალათასეული, და მოსაკიდელნი ოქსინონი, და წიგნები საეკლესიო სრულებით და სამსახურებელი სიწმიდეთა ოქროსა რჩეულისა“.

ჩვენს სასულიერო პირებს ჭეშმარიტად ძმური მეგობრული ურთიერთობა ჰქონდათ ბერძენ ბერებთან; იმ დროს, როდესაც ეგვიპტელი მეომრები, მოთარეშე ბედუნები, არბევდნენ სინის მთის წმ. სავანეებს, ქართველი ბერები მხარში ედგნენ ბერძენ მამებს და მათთან ერთად იზიარებდნენ ავბედითობას.

მაგრამ მთავარი საზრუნავი მათი, სიხარული და ტკივილი, მაინც სამშობლოსთან იყო დაკავშირებული. ისინი „ღღე-ყოველ ღოცულობდნენ „ქართლისა მშვიდობისა, საზღვართა განმავრებისა, მეფეთა და მთავართა დაწყნარებისა, მტერთა გარემიქცევისა, ტყუეთა მოქცევისა, ჟამთა დაწყნარებისა და ქრისტიანობისა დამტკიცებისათვის“. იღვწოდნენ ქართული კულტურის შემდგომი განვითარებისა და სულიერი ამაღლებისათვის, ეწეოდნენ მთარგმ-

ნელობით მუშაობას, წიგნების გადაწერას, როგორც ქართულ, ისე ბერძნულ და არაბულ ენებზე და სხვა. მეცნიერთა ცნობით, სინის მთაზე დაცულია 85 ქართული ხელნაწერი. მათ შორისაა ჩვენი უძველესი თარიღიანი და უთარიღო ხელნაწერები.

XV საუკუნიდან, როდესაც საქართველოს სახელმწიფო პოლიტიკურ-ეკონომიურად დაუძლურდა, შემცირდა ქართველთა რიცხვიც სინის მთაზე, თუმცა თითო-ორი მოღვაწე ვერ კიდევ XIX საუკუნემდე მაინც ყოფილა აქ. ის, რაც ჩვენ ზემოთ აღვნიშნეთ, არის მხოლოდ ზოგიერთი ეპიზოდი სინის მთასა და საქართველოს შორის მჭიდრო ურთიერთობისა. აქედან გამომდინარე, ჩვენს ჩამოსვლას ვანიჭებთ დიდ მნიშვნელობას, რადგანაც მისი საშუალებით უნდა განახლდეს ის კავშირი, რომელიც ჩვენს შორის საუკუნეების მანძილზე არსებობდა. გამოუთქვამთ იმედს, რომ ეს კავშირი იქნება ღრმა და ორმხრივი.

დღეს განსაკუთრებით საჭიროა ურთიერთობის განმტკიცება, რადგანაც მსოფლიო და, რა თქმა უნდა, ეკლესიებზე დგანან მრავალი პრობლემის წინაშე. ეს არის

ომის საშიშროება და მრავალი სხვა. დღეს ალბათ ყოველი საღად მოაზროვნე ადამიანი და მითუმეტეს თანამედრობის პირი ფიქრობს, თუ როგორ შეიძლება აცილებულ იქნას ომის საშიშროება. მეტად გვაღელვებს და გვაწუხებს დაძაბული ფეთქებადი მდგომარეობა ახლო აღმოსავლეთში; ღვთის წყალობა და ადამიანის კეთილი ნება, ვფიქრობთ, არ დაუშვებს მსოფლიო კატასტროფას. ვიმედოვნებთ, მშვიდობიანი მოლაპარაკებით დადებითად გადაიჭრება ახლო აღმოსავლეთის საკითხი.

სინის მთა იყო და მარად დარჩება წმიდათა წმიდა ადგილად ყველა ქრისტიანისათვის. ამ გრძნობით სავსენი დღეს თაყვანს ვცემთ ამ წმიდა ადგილს და აღვავლენთ ლოცვებს ჩემი სამშობლოსათვის, თქვენი უნეტარესობისათვის, მკვიდრთათვის მთასა ამას შინა და ყოველთა განსვენებულთათვის ტაძართა ამათ შინა.

„უფალი მათ შორის სინასა, მთასა წმიდასა მისსა, უფლო ღმერთო კურთხეულ, კურთხეულ არს ღმერთი დღითი-დღე. წარვემართოს ჩუენ ღმერთმან მაცხოვარებისა ჩუენისამან“ (ფს. 67, 17, 19). ამინ!

მოგზაურობის შთაბეჭდილებანი

მიტროპოლიტი კონსტანტინე (მელიქიძე)

ჯერ გათენებული არც იყო, თვითმფრინავი ქაიროს აეროდრომზე რომ დაეშვა.

ცოტაოდენი მოსვენებისა და საუზმის შემდეგ გავემგზავრეთ ალექსანდრიისაკენ. გზა, რომლითაც ჩვენ მივემართებოდით, ეგვიპტის ქალაქებზე გადიოდა, რომელსაც მდინარე ნილოსი ქმნის თავის დელტაში. უძველესი დროიდან მას მოაქვს ნოყიერი შლამი გაზაფხულობით და სტოვებს თავის სანაპირო მინდვრებზე.

მხოლოდ აქაა შესაძლებელი სასურველი კულტურების მოყვანა და ხეირიანი მოსავლის მიღება. დანარჩენი მხარე წარმოადგენს უმეტესწილად უდაბნოს, ან ნახევარუდაბნოს. გზადაგზა გვხვდებოდა კარგად მოვლილი პურის ყანები. მკა უკვე დაწყებული იყო და შეკრული ძნები მიწაზე ელაგა. ძნებს აქ ბუნებრივად არ დგამენ, აწყობენ ერთად, ვინაიდან წვიმებისა და სეტყვისა არ ეშინიათ. წვიმები აქ საერთოდ ძალიან იშვიათია და შეიძლება წელიწადი ისე გავიდეს, რომ ერთი წვეთიც არ ჩამოვარდეს ციდან. რაც შეეხება უდაბნოებს, იქ ორ წელიწადში ერთხელ თუ გაწვიმდება.

ქაიროდან მგზავრობას 5 საათს მოეუწოდით. გზა გადიოდა დასახლებულ პუნქტებზე, იგრძნობოდა სიღარიბე და სიმწვანის ნაკლებობა.

ალექსანდრია ევროპული ტიპის, კარგად მოწყობილი ქალაქია. იგი უმეტესწილად, არაბებით არის დასახლებული. ქაიროსთან შედარებით, აქ სიგრილეა, ზღვიდან ქრის ნიაკი.

დაგვაბინავენ საკმაოდ ძველ სასტუმროში. ეს სასტუმრო და მისი რესტორანი ერთ მდიდარ ბერძენს ეკუთვნის. იგი ბერძენთა სათვისტომოს უფროსი ყოფილა.

საილიობისა და შესვენების შემდეგ, წავედით ფერისცვალებს სახელობის საპატრიარქო ტაძარში, სადაც დიდი სიხარულით შეხვდნენ საქართველოს კათოლიკოს-პატრიარქს. გადავიხადეთ პარაკლისი. ისმოდა ღვთის საიდუმბელი გალობა ბერძნულად და ქართულად.

დავათვალეირეთ ტაძარი, მისი შემოგარენი და პატრიარქის დიდებულ რეზიდენცია. იგი თითქმის ცარიელია, იგრძნობა, რომ მართლმადიდებლები აქ ცოტანი არიან, 200 ათასი ბერძენიდან სულ რამდენიმე ათასი-დაა დაარსა. დაარსებული ალექსანდრიაში. პაპი და პატრიარქი თავის ქადაგებაში ხშირად მოუწოდებს მათ, გამოიჩინონ ნებისყოფა და სიმტკიცე, არ მიატოვონ ძველი ალექსანდრია, რომელიც თვით ალექსანდრე მაკედონელმა დააარსა.

დავათვალეირეთ რამდენიმე მოქმედი ტაძარი, მაგრამ, როგორც აღვნიშნე, ყველაგან იგრძნობა მრევლის ნაკლებობა. ტაძრებთან არის სხვა შენობებიც, სასტუმრო, სასადილო და სხვა.

მიგვიწვია ქალაქის გუმბერნატორმა. იგი ტომით არაბია. დიდი სიხარულითა და მოწიწებით შეხვდა მის უნეტარესობა ნიკოლოზ VI. ფქვენ რომ გხვდავთ, მე მგონია ღმერთი ჩემთან არისო, ასევე გულწრფელი მოკითხვით და პატივისცემით მიესალმა სასურველ სტუმარს, მის უწმიდესობასა და უნეტარესობას, სრულიად საქართველოს კათოლიკოს-პატრიარქი ილია II. საუბარი წარიმართა დიდი გულწრფელობის ვითარებაში, შეეხნენ საქართველო-ეგვიპტის ურთიერთობის ისტორიულ წარსულს და აწმყოს. ბევრი ისაუბრეს მშვიდობის საკითხებზე.

კვირას, ფერისცვალების საპატრიარქო ტაძარში ბერძნულ-ქართულ ენაზე შედგა საერთო წირვა. წირვის შემდეგ ერთმანეთს სიტყვებით მიმართეს მისმა უნეტარესობამ ნიკოლოზ VI და უწმიდესმა და უნეტარესმა ილია II.

მგზნებარე სიტყვით მიმართა თავის მრევლს უნეტარესმა ნიკოლოზ VI, იგი მოუწოდებდა — გამოეჩინათ სიმშვიდე და გამძლეობა და არ დაეტოვებინათ ალექსანდრია. ყურადღებითა და ალტაცებით მოისმინეს უწმიდესისა და უნეტარესის, სრულიად საქართველოს კათოლიკოს-პატრიარქ ილია II სიტყვა. დიდად კმაყოფილი მრევლი, წირვის შემდეგ, საპატრიარქო რეზიდენციის დიდ დარბაზში შეიკრიბა. ყველას მიართვეს სასმელი და წყალი. კვლავ დალოცეს პატრიარქებმა მრევლი. დავთვალეგრეთ საპატრიარქოს ბიბლიოთეკა, რომელიც შენობის II სართულზეა მოთავსებული, ბიბლიოთეკაში რამდენიმე ათასი ნაბეჭდი წიგნია. ბევრია ხელნაწერიც, მაგრამ ქართულ ხელნაწერებს ვერ მივაკვლიეთ. უწმიდესმა ილია II მრავალგზის გამოკითხა ბიბლიოთეკის გამგეს ქართული ხელნაწერების შესახებ, მაგრამ მან არაფერი უწყობდა. ეკვი არ არის, იგი საერთოდ ცუდად იცნობდა მის ბიბლიოთეკაში არსებულ ხელნაწერებს.

მეორე დღეს, ორშაბათს, დილით გავემგზავრეთ ქაიროში, ახლა უკვე უდაბნოს გზებით. იყო სიციხე და უსიციოცხო ბუნება. არსად სიმწვანე, არსად ბალახი. რუხი-მოყვითალო ზედაპირი მიწებისა. შიშველი, მორუხო, ან ყვითელი თიხნარი. აქა-იქ გვხვდებოდა უდაბნოსათვის დამახასიათებელი ეკლიანი მრგვალი ბუჩქები, რომელთაც აქლემები კორტნიან. სხვა სახის მცენარეები მხოლოდ ოაზისებშია. საწყლად გამოიყურებიან ეს მცირე ოაზისები, რადგან მათს სიმწვანეშიც შეაქვს ქარს ქვიშა და სილა. ქაიროში შესვლისას, შორიდანვე დავინახეთ გრანდიოზული ქვის პირამიდები, რომელნიც უძველესი დროის მეფეთა სამარხებს წარმოადგენენ. დავათვალეგრეთ რამდენიმე პირამიდა, ქვის უზარმაზარი სფინქსი და სხვა საკვირველებანი. ვიყავით სიძველეთა დაცვის სახელმწიფო მუზეუმში. აქ არსებული უძველესი ნივთები ქრისტეს შობამდე 4000 წლით თარიღდება. ამ ნივთებისა და სამკაულების უმეტესი ნაწილი ოქროსია და მეტწილად მეფეთა სამარხებიდან, ან უძველეს სასახლეთა გათხრებიდან არის მოპოვებული. მეორე დღეს ვიყავით ზოოპარკში, გავეცანიით ამ მხარის ცხოველთა სამყაროს, დავათვალეგრეთ მუსულმანური სალოცავი — უზარმაზარი ოთხკუთხედი შენობა, რომელიც შიგნიდან ძვირფასი ალმასტრის ქვით არის მოპირკეთებული. დიდი სიხარული მოგვგვარა ქრისტიანული ტაძრების ნახვამ. საპატრიარქო ტაძარში აღვაღვინეთ ლოცვა და გავლოცე, ასევე, მუხლმოყრით ვილოცეთ წმ. გიორგის დიდებულ ტაძარში, ვნახეთ სიწმიდენი. აქ ჩვენ გვაჩვენეს რკინის ჩარხი, სანთებელი, რკინის ფხსაცმელები ამოშვებული წვეტიანი ლურსნებით, ჯაჭვი, რომლითაც შეკრული იყო წმიდა გიორგი. ეს ის ჩარხია, რომელზედაც დამაგრებულია რკინის საშინელი დანები და რომლის სწრაფი მოძრაობით კაფადნენ უძველესი მოწამის სხეულს. სწორედ ამ

დროს, უფლის ბრძანებით, ყველასათვის თვალსახილავად ჩამოფრინდა ციდან ანგელოზი, გარდამოხსნა იგი და იმავე წუთს განყურნა. ეს ის საშინელი რკინის ფხსაცმელებია, რომელიც ჩააცვეს წმიდა გიორგის შიშველ ფეხზე და აიძულებდნენ სიარულს. წამების შემდეგ, მეორე დღეს მან მშვიდად განუცხადა დიოკლეტიანე იმპერატორს: შენი გამოგზავნილი რკინის ჩქებები ძალიან მომეწონაო. აქვე ვნახეთ რკინის გრძელი ჩუგლუგები, რომლებითაც ხორცს ავლევდნენ დიდებულ მოწამეს.

მოწიწებითა და ცრემლებით მოვილოცეთ ეს სიწმიდენი. შევთხოვეთ მთავარმოწამეს საქართველოს მფარველობა და მისი წმიდა ეკლესიის გაძლიერება.

ამ დღეებში ჩვენი აზრი განსაკუთრებით სინის წმიდა მთის მონიღისა და მოლოცვისაკენ იყო მიმართული. გვინდოდა გვენახა მოსე წინასწარმეტყველის ნაკვალავი და ის წმიდა კლდოვანი მთები, სადაც მოსემ ქვის ფიცრებზე დაწერილი ათი მცენება მიიღო. ეს ის ადგილია, სადაც თვით ღმერთის ხმა გაიგონა მოსემ. ხოლო ცით გარდამოსრული ცეცხლის ისარი სწრაფად წერდა ქვის ფიცარზე მცენებებს — „მე ვარ უფალი ღმერთი შენი და არა იყენენ ღმერთნი უცხონი ჩემსა გარემე“.

ხუთშაბათს, დილით გავემგზავრეთ სინის მთის მოსახილველად. გზა მთლიანად უდაბნოზე მიდიოდა. არავითარი ხმაური არც ფრინველის, არც მხეცის... მხოლოდ ქარის ზუზუნია. გავიარეთ სუეცის არხის ერთილომეტრიანი გვირაბი და მალე ზღვის ნაპირებს დავეყვით. ეს არის მეწამული ზღვა. საოცარია, რომ ზღვა და უდაბნო ერთადაა და ზღვა მანაც ვერაფერს შეგლის უდაბნოს. ერთიც თავისთვისაა და მეორეც. იქნება, უდაბნოც ესაქიროება განგებას თავის საიდუმლოთა აღსასრულებლად, თავისი დაუტეველი მადლის შესანახად, საიდუმლო გამოცხადებათა სალოარო. უდაბნომ გაულო თავისი იდუმალი კარი მოსეს და ილია წინასწარმეტყველს; ასევე, ახალი აღთქმის წინასწარმეტყველსა და წინამორბედს — იოანე ნათლისმცემელს, რომელიც ძალითა და შემართებითა ელისითა „განვიდა უდაბნოდ“, კაცი — ანგელოზი, სადაც მკალითა და ველური თავლითა საზრდოობდა... და ბოლოს, თვით მაცხოვარი სულმან წმიდამან განიყვანა უდაბნოდ, სადაც იმარხა 40 დღე და ღამე. სწორედ აქ მოუხდა ბოროტი სული, რომელიც გამოსცდიდა მას... და იძლია იქვე, უდაბნოში და განეშორა.

უდაბნოსაკენ არა მარტო მყუდროებისათვის მისწრაფოდნენ რჩეულნი წმიდა მამანი; ისინი გრძობდნენ იქ დავანებულ მადლსა და ძალას და იჭურვებოდნენ იგივე მადლით, რათა უძლეველნი ყოფილიყვნენ ამქვეყნიურ ამოგებასთან ბრძოლაში. ამჟამად სინის მთაზე ერთადერთი მოქმედი ხალოცავი წმიდა დიდმოწამე ეკატერინეს მონასტერია.

მონასტრის მისასვლელთან მცირე ოაზისია. ორსავე მხარეს კლდოვანი, შიშველი მთებია აღმართული. მათი სიმაღლე ძალიან დიდი არ არის, მაგრამ ძნელად სავალი და ძნელად ასასვლელია. მონასტრის გარე კედლებზე რამდენიმე ჯვარი შევნიშნეთ ამოკვეთილი, რომლებიც ბოლისურ ჯვარს მოგვავგონებდნენ. მონასტერში დაბლა ჩასასვლელით შედისართ, ამიტომ პაპანაქება

სიციხეში აქ შედარებით სივრცითაა. აქ „ცისკარი“ ადგილობრივი დროით, დილის 5 საათზე იწყება, ხოლო, საღამოს „მწუხარი“ დღის 5 საათზე.

ჩვენ მწუხარს მიეუსწარით. მიუხედავად დაღლილობისა, მაინც დავესწარით და მეტი სიმხნევე ვიგრძენით. მონასტერს აქვს სასტუმრო, სასადილო, მისაღები რეზიდენცია დარბაზებით და სხვა სამეურნეო შენობები. გარედან მონასტერი შენობათა მაღალი კედლებით არის შემოზღუდული. შესასვლელ-გასასვლელი ერთი აქვს. დაგვაბინავენ სასტუმროში, საიდანაც კარგად მოჩანდა, როგორც თვით მონასტრის შემოგარენი, ისე ჩვენს მიერ გამოვლილი უსიცოცხლო გზა.

აქ ვთქვით, ბევრ ილუმალებას ინახავს უდაბნო. მონასტრის აღმოსავლეთით არის ის საოცარი მაცვლის ბუჩქი, რომელსაც შემდგომ მაცვლი შეუწყველი უწოდებს.

ბუჩქი საკმაოდ მაღალია. სწორედ ამ ბუჩქთან, საღამო ხანს, როცა უკვე ბნელდებოდა, მიგვიყვანა უწმიდესმა ილია II. აქ უნდა წაგვეკითხა ზიარების ლოცვანი, ვინაიდან მეორე დღეს, კვირას წირვა იყო. მიუხედავად იმისა, რომ უამრავი მიწვეული მწერი დალოდავდა ირგვლივ, უწმიდესი ფეხშიშველა დადგა და ისე ლოცულობდა. კარგა ხანს ვიყავით გულმოდგინე ლოცვისა და კურთხევაში.

უწმიდესი დიდად იყო შთაგონებული, რომ ასულიყო სულ მაღლა, იქ, სადაც მოსემ ღმერთის ხმა გაიგონა და ქვის ფიცრებზე დაწერილი რჯულის მცნებანი მიიღო. არად შერაცხა სიძნელე გზისა (უნდა აევლო 4 ათასამდე კლდეში გამოკვეთილი საფეხური), არც სიმკაცრე ბუნებისა. იღვა საშინელი ხვატი, თერმომეტრი 45—50°-მდე იწვედა. განთიადზე ჩვენი დღეუგაციის ორ წევრთან და გამცილებელ ბერებთან ერთად, იგი ავიდა ქორების წმიდა მთაზე. იქ მრავალი სანთელი აანთო და მუხლმოდრეკით ილოცა დედისამშობლოსათვის, ქართველი ერისათვის, ეკლესიისათვის, მისი კეთილი მომავლისა და მსოფლიოს მშვიდობისათვის. მხურვალე ვედრებაში მან იმდენი ძალი და მაღლი იგრძნო ღვთისაგან გარდამოვლენილი, რომ განაცხადა, „მე მეგონა, მთელი საქართველო ამოვიდა ჩემთან ერთად ამ წმიდა მთაზე და ლოცვად დადგაო“!..

მართლაც, ეს ასეა იყო ერთად-ერთი. მანამდე ქართველ პატრიარქთაგან არავინ არ ასულა ამ წმიდა მთაზე. ასევე პირველად სწორა საქართველოს კათოლიკოს-პატრიარქმა სინის მონასტერში. წირვაში მონაწილეობა მიიღო, აგრეთვე, მისმა უნეტარესობამ ნიკოლოზ VI, სინის მთის მთავარეპისკოპოსმა დამიანემ, ამ სტრუქტურის ავტორმა, პროტოდიაკონმა ხეთისო შალიკაშვილმა. მე შევიმოსე მღვდელმთავრის ბრწყინვალე შესამოსით, რომელსაც ისინი ისტორიულს უწოდებენ და მოწიწებით ინახავენ. ილია II მისა მაღალყოვლადუსამღვდელმთავრობა დამიანეს გადასცა სამახსოვრო საჩუქრები და ყოვლადწმიდა ღვთისმშობლის პანალია. ასევე, საჩუქრები დაურიგდათ იქ მყოფ ბერებს, რომელთა რიცხვი 20-მდე იყო.

მთავარეპისკოპოსმა დამიანემ საგანგებოდ აღნიშნა ორი მართლმადიდებელი პატრიარქის სინის მთაზე ამო-

ბრძანება, როგორც არგაგონილი შემთხვევა. მოიხსენია ისინი მხურვალე მადლობის გრძნობით და გადასცა წმ. ეკატერინეს ორდენები. მათ თანმხლებ პირებს დაურიგდათ საჩუქრები და წმიდა ეკატერინეს ბეჭდები.

დიდად გვინტერესებდა ძველი ქართული ხელნაწერებისა და ხატების ბედი. ბიბლიოთეკაში გვაჩვენეს ტაძრის შესასვლელთან გამოფენილი რამდენიმე ხელნაწერი, მათ შორის, ერთი ქართული. რაც შეეხება ახლად აღმოჩენილ ხელნაწერებს, ამის შესახებ უწმიდეს ილია II ქადაგებაში კი არის ლაპარაკი, მაგრამ იგი იმდენად მნიშვნელოვანია, რომ რამდენიმე სიტყვით მეც მოგახსენებთ:

როგორც ცნობილია, მონასტრის აღმოსავლეთით მდებარე ძველი ბიბლიოთეკა მტრებმა დაწვეს. შემოსევების დროს კედლები ჩაინგრა და ხელნაწერების დიდი რაოდენობა ქვეშ მოიყოლა. ეს იყო XVI—XVII საუკ. მიჯნაზე. 1971 წელს კი მომხდარა ხანძარი. ოთხი წლის შემდეგ დაიწყო დანგრეული შენობის გაწმენდა, რის შედეგადაც მრავალი უცნობი ხელნაწერი იპოვეს. აქ მყოფი ბერების თქმით, 1000-მდე. ამათგან ბერძნული, კობტური, არაბული, სირიული, სლავური, სომხური... ზოლო ქართულს არ ასახელებდნენ. ქართული არ არის. მაშინ უწმიდესმა ილია II, დაეჭვებულმა იმაში, რომ ამდენ ხელნაწერთა შორის, შეუძლებელია არ ყოფილიყო ქართული, მოითხოვა ეჩვენებინათ მისთვის თუნდაც სომხური ხელნაწერები. სომხურად მიჩნეულ ხელნაწერთა 8 ყუთიდან, რომლებშიც ხელნაწერები ფრაგმენტების სახით ჰქონდათ მოთავსებული, სამი ყუთი ბიბლიოთეკარმა ბერმა უხალისოდ განსნა. ყველა ქართული აღმოჩნდა და ჩვენ სიხარული და სიმხნე შეგვაძალა. ეჭვი არ იყო, რომ დანარჩენ 5 ყუთშიაც ქართული ხელნაწერები იქნებოდა.

ამ ხელნაწერების გამომეურება მოითხოვს სინის მთაზე ქართველი მკვლევარის გაგზავნას და მათს ადგილზე შესწავლას. უწმიდესის წინადადებით, ბერები თანახმა გახდნენ, რომ მიიღებდნენ ქართველ სწავლულს და მას ხელს შეუწყობდნენ მუშაობაში.

ორშაბათს, დილით, 5 საათზე ადგილობრივი დროით, სინის მთიდან ქაიროსაკენ გამოვემგზავრეთ. წამოგედოთ მავე გზებით, იმავე უტეხი უდაბნოთი. ამინდი მშვიდი იღვა და, მაღლი უფალს, კარგად ვიმგზავრეთ. ქაიროში იგივე სასტუმრო „რამზეს“ — ხილტონ „ჰოტელიში“ დაგვაბინავენ. ეს თანამედროვე სტილის სასტუმროა. იგი ისეთი გეგმით არის ნაგები, რომ ყოველი ოთახიდან მდ. ნილოსს გადაჰყურებ.

მთელი ჩვენი გონება ამ დღეებში დაპყრობილი ჰქონდა კობტთა იმ ტაძრის მოხილვასა და მოლოცვას. სადაც ყოვლად წმიდა ღვთისმშობელი ჩვენი საუკუნის 68—69 წლებში ახდენდა საოცარ გამოცხადებებს ყოველთა წინაშე. მას უთევდნენ ღამეებს და ხედავდნენ საკუთარი თვალით. ათასები — ქრისტიანები და მაჰმადიანები, ქაიროს მკვიდრნი და საზღვარგარეთიდან ჩამოსული სტუმრები, მორწმუნენი და არა მორწმუნენი... ვინ არა!

ეს გამოცხადებანი, რომელსაც ღვთის განგება წარმართავდა, მომავლის დიდ მოვლენებზე მეტყველებს და ხსნის ბევრ ღვთიურ საიდუმლოებას. უნდა შევეცადოთ და ყოვლადწმიდის ამ ძღვევამოსილ ხილებში ამოვიკითხოთ დიდი შეწყნარება თანამედროვე ადამიანისა. რა დასაძალია, ღვთიურ საიდუმლოებათა რწმენისა და სიყვარულისადმი თანამედროვე ადამიანი გულცივი გახდა. იგი გაიყოლია ტექნიკის ხმაურმა, ცხოვრების ფაცი-ფუცმა. და აჰა, ყოვლად წმიდა ღვთისა, თავისი უზადო ლურჯი ნათლის ციაგით მოუწოდებდა ყველას შემობრუნებულიყვნენ კდემამოსილებისაკენ, ეხილათ და ერწმუნათ იგი.

ღვთისა ხშირად გუმბათზე შუალამის მყუდროებაში მდგარი, ბრწყინვალე ნათლის სამოსლიდან იწვდიდა მხსნელ ხელებს და ლოცავდა იქ მყოფთ, ლოცავდა საერთოდ ყველა ადამიანს და მთელ პლანეტას. იგი წმიდა ჭვრის წინაშე, რომელიც ასევე უაღმატებულესის ძალით იყო გაბრწყინებული, ევედრებოდა ზენარსს მშვიდობისათვის, ქვეყნის გადარჩენისათვის, ურიცხვ სულთა ბედისათვის. მისი შემხედვარე ბედნიერი ადამიანები იქვე იწმიდებოდნენ ცოდვათა და სნეუ-

ლებათაგან. მათ თვალთა წინაშე იხსნებოდა იღუმალი, სანეტარო სამყაროს ფარდა.

„ღიდება შენს სახელს მაცხოვარო, რომელმან მოგვფინე ნათელი“.

მეორე ღღეს, სამშაბათს, ჩვენ დავათვალიერეთ ეს, არც თუ დიდი, სწორ ადგილზე მდგარი კონტა ტაძარი, მიმზიდველი და მყუდრო, ამ ტაძრის კანკელი ჩვენებურ კანკელს მოგაგონებთ, ასევე ტრაპეზიც. ბევრი რამ ამ ტაძარში მართლმადიდებლურია. ჩვენთვის უცნობ ერთ მხატვარს, და ალბათ საკუთარი თვალით მხილველს, დაუხატია ყოვლადწმიდა ღვთისმშობლის ხატი გამოცხადების მიხსგავსებით. ხატს კრძალვით თავი დაუწვევია, თვლები დახრილი და ნახევრად დახუჭული აქვს. სახე სიბრძნეზე და ძლიერ ზრუნვაზე მეტყველებს. მთელი ტანი ძლიერი ნათლით არის მოცული და სინათლეს ავრცელებს ყოველ მხარეს (ხატი დიდი ზომისაა).

ადამიანები, ქალი და კაცი, რჯულის განურჩევლად, მიდიან ამ ხატთან, ლოცულობენ გულმხურვალედ, თავის სათხოვარს სთხოვენ, ან ქაღალდზე წერენ და ხატის ჩარჩოში ტოვებენ, რომ ყოვლადწმიდამ აღასრულოს მათი სავედრებელი.



საეკლესიო ცხოვრების



წირვა სიონის საკათედრო ტაძარში



27 აპრილი. წმ. გიორგისადმი მიძღვნილი დღესასწაული
ქვაშვეთის ტაძარში


ფოტოგატიანი



წირვის შემდეგ

ქ ა ლ ა გ ე ბ ა ნ ი

სინის წმიდა მთაზე



ქ ა ლ ა გ ე ბ ა

უწმიდესისა და უნეტარესის, ილია II
სინის საპატრიარქო ტაძარში

სახელითა მამისათა, და ძისათა, და წმიდისა სული-
სათა; ამინ.

ჩვენთან არს ღმერთი! (მრევლის ხმა: არს და იყოს)

ლოცვაში ჩვენ ვამბობთ უფლის შესახებ, „რომელი
ყოველგან ხარ და ყოველსავე აღავსებ, მადლითა შენი-
თა“. მართლაც უფალი ყველგანაა. უფალს განსაკუთრე-
ბით უყვარს ადამიანის გული. ხშირად ადამიანის გული,
თუ ის არის სუფთა, თუ ის არის წმიდა, არის სამკვიდ-
რებელი უფლისა.

არის ისეთი ადგილები, სადაც განსაკუთრებით მოქ-
მედებს ღვთის ძალა, და ამ ადგილების საშუალებით ადა-
მიანს განსაკუთრებით ევლინება ღვთაებრივი მადლი. ასე-
თია იერუსალიმი, სადაც განხორციელდა უფალი ჩვენი
იესო ქრისტე, საერთოდ ყოველი ტაძარი, რომელიც აშე-
ნებულია ღვთის სახელზე. ასეთია სინის მთა, სადაც მო-
სე წინასწარმეტყველს გამოეცხადა უფალი და მოსცა ათი
მცნება. ეს არის ის წმიდა ადგილი, სადაც უფალი ესა-
უბრა მოსე წინასწარმეტყველს, სადაც უფალი, ასევე,
გამოეცხადა ილია წინასწარმეტყველს.

მისი უნეტარესობის, ალექსანდრიის პაპისა და პატ-
რიარქის, ნიკოლოზ VI მიწვევით, ჩვენ ვახლდით ალექ-
სანდრიაში, ეგვიპტეში. ჩემთან ერთად ბრძანდებოდნენ:
მისი მაღალყოვლადუსამღვდელოესობა, ურბნელი მიტრო-
პოლიტი კონსტანტინე, სინის ტაძრის პროტოდაიკონი
ხეთისო შალიკაშვილი და თარჯიმანი ბორის ვაგუა.

დიდი ღოცვითა და სიყვარულით დაუღვით ფეხი იმ
წმიდა ადგილზე, სადაც მოღვაწეობდნენ ათანასე და კი-
რილე ალექსანდრიელი, ეგვიპტის ღირსი მამები: ანტონ-
ნი, თეოდოსი, მაკარი, ონოფრე, პავლე თიბათელი და
მრავალი სხვა.

ქაიროში ჩავედით თვითმფრინავით. ჩვენს შესახვედ-
რად ალექსანდრიიდან ქაიროში ჩამობრძანდა მისი უნე-
ტარესობა ნიკოლოზ VI თავისი მღვდელმთავრებით. იგი
სიყვარულით აღსავსე შეგვხვდა აეროპორტში. ჩვენ, ასე-
ვე, დაგვხვდნენ საბჭოთა კავშირის დიპლომატიური წარ-
მომადგენელი, გენერალური კონსული და სხვა ოფიცია-

ლური პირები. 2000 წლის მანძილზე ეს იყო პირველი
ისტორიული ვიზიტი საქართველოს კათოლიკოს-პატრი-
არქისა ალექსანდრიაში. ამიტომ საეკლესიო პირებმა,
პრესამ დიდი ყურადღება მიაქციეს ჩვენს სტუმრობას და
გაზეთებში ყოველ დღე იბეჭდებოდა ცნობა იმის შესა-
ხებ, თუ სად ვმოგზაურობდით ჩვენ.

ქაიროში ჩავედით 5(18) მაისს, ღამით. დილაზე და-
ვისვენეთ და შემდეგ უკვე მანქანებით გავემგზავრეთ ალექ-
სანდრიაში.

ალექსანდრია ბრწყინვალე ქალაქია. იგი მდებარეობს
ზღვის სანაპიროზე. დაარსებულია ალექსანდრე მაკედო-
ნელის მიერ. ამჟამად ეძებენ ალექსანდრე მაკედონელის
საფლავს, მაგრამ ვერ პოულობენ. ალექსანდრიაში 3 მი-
ლიონამდე მოსახლეობაა, საკმაოდ დიდი ქალაქია, აქვს
უზარმაზარი პორტი; იქ არის მთავარი რეზიდენცია მისი
უნეტარესობის, ნიკოლოზ VI. დავათვალდებურებოდა ტაძრები,
მონასტრები; კვირა დღეს შევეასრულეთ ერთობლივი წირ-
ვა საპატრიარქო ტაძარში. ეს იყო ბრწყინვალე წირვა.
შეგვედრეთ უფალს ჩვენი ღვთივეკურთხეული ერი, სრუ-
ლიად საქართველო. ენახეთ ის ადგილი, სადაც აწამეს
მოციქული მარკოზი. მოციქული მარკოზი ალექსანდრი-
ის ეკლესიის დამაარსებელია. იგი არის მქადაგებელი
აფრიკისა, მოციქული აფრიკისა. ამასთან დაკავშირებით,
საუფლისხმოა, რომ მისმა უნეტარესობამ სარქუარად გად-
მიმცა XIV საუკუნის ხატი — წმ. მარკოზისა, რომელიც
ჩამოვიტანეთ და გვექნება აქ, ტაძარში.

დავათვალდებურებოდა ის ადგილი, სადაც აწამეს წმ. დი-
დი მოწამე ეკატერინე. დღესაც არსებობს ის ქვა, რო-
მელზედაც თავი მოჰკვეთეს წმ. ეკატერინეს. იქ არის
ბერძნების სათვისტომო, რომელთაც დიდი წვეულება გა-
გვიმართეს. ჩვენ, აგრეთვე, ვეწვიეთ ალექსანდრიის გუ-
ბერნატორს. იგი მუსულმანია; დიდი სიყვარულით შეგვ-
ხვდა და თქვა: ორი პატრიარქის მობრძანებაში მე ვხვდავ
ღვთის დიდ ღოცვა-კურთხევას, რომელიც ჩემზე გადმო-
ვიდაო.

ყველაზე საოცარი, რამაც მე განცვიფრებაში მომი-
ყვანა და რისთვისაც არ შეიძლებოდა არ მიმეცია ყუ-
რადღება — იყო ხალხის რწმენა. დღეში 5-ჯერ მათ აქვთ
ღოცვა. როდესაც მოდის ღოცვის დრო, მუსულმანი ჩერ-
დება ნებისმიერ ადგილზე, იჩოქებს და ასრულებს, ასე
აღბათ, ათწუთიან ღოცვას. საღამოს პირზე, საათის
ხუთზე, არის საყოველთაო ღოცვა, ამ დროს მთელი მოძ-
რაობა ჩერდება. დიდი, პატარა, მოხუცი, ახალგაზრდა —
ყველა ღოცულობს; ხალხი ქუჩებშია დაჩოქილი. განსა-
კუთრებით ყურადღება მივაქციე ახალგაზრდობას; რო-
გორი რწმენით, როგორი სიყვარულით ღოცულობენ ისი-
ნი, სამხედროები, მთელი ხალხი... ქუჩაშივე ფეხზე იხ-
დიან და ღოცულობენ ფეხშიშველნი.

სამ-ოთხ დღეს დაყვავით ალექსანდრიაში და შემდეგ წამოვედით ისევ ქაიროში. ქაიროში მის უნეტარესობას ნიკოლოზ VI ასევე აქვს საპატრიარქო ტაძარი და რეზიდენცია. ორი რეზიდენცია აქვს — ერთი ქაიროში, ერთი ალექსანდრიაში.

დიდი შთაბეჭდილება მოახდინა ჩვენზე წმ. გიორგის მონასტერმა. ეს ის ადგილია, სადაც აწამეს წმ. გიორგი. წინათ ამ ადგილზე ყოფილა ციხე-სიმაგრე. იქ ყოფილა ჯარი. წმ. გიორგი, როგორც თქვენ იცით მისი ცხოვრებიდან, გახლდათ მხედართმთავარი სწორედ იმ ჯარისა, რომელიც იქ იყო. როდესაც დიოკლეტიანემ გაიგო, რომ წმ. გიორგი იყო ქრისტიანი, გასცა ბრძანება, ეწამებინათ. მონასტერში შენახულია საშინელი იარაღი. ესაა ურმის თვალის მსგავსი ბორბალი, რომელზედაც გარშემო მტკაელის ოღენა დანები; თვითონ ბორბალი რკინისაა. მასზე იყო გაკრული წმ. გიორგი. ამ ბორბალს ატრიალებდნენ და დანებით სჭრიდნენ წმიდანის სხეულს. იქვე არის შენახული ჯაჭვი, ბორკილები, რითაც დააბეს იგი. ასევე, იქ არის რკინის ფეხსაცმელები, რომელსაც შიგ აქვს 6—7 სმ-ის ტოლი რკინის ლურსმნები; თითო ფეხსაცმელში იქნება, 30-მდე ლურსმანი. ეს ფეხსაცმელები ჩააცვეს წმ. გიორგის. დიდი სიფაქიზით ინახავს ალექსანდრიის ეკლესია ამ სიწმიდეს. ჩვენ მოკრძალებით ვემთხვიეთ წმ. გიორგის ხატსა და იარაღს, რომლითაც იგი აწამეს. წამოვიდეთ პატარა ხატი, თქვენ შესაძლებლობა გექნებათ, ემთხვიოთ მას.

ქაიროში დიდი შეხვედრა გავვიმართა, აგრეთვე, ბერძნების სათვისტოში; ყველა საუბრობდა იმ ისტორიულ წარსულზე, იმ ტრადიციებზე, რომელიც არსებობდა საქართველოსა და ეგვიპტის შორის, საქართველოსა და ბერძნებს შორის. ყველა გამოთქვამდა იმედს, რომ ეს ურთიერთობა დღეს ისევ აღსდგება და განმტკიცდება.

შემდეგ ჩვენ მიწვეულნი ვიყავით სინის მთაზე. სინის მთა ქაიროდან მოშორებულია 450 კილომეტრით. გავემგზავრეთ მანქანებით. გზა სინის მთამდე მთლიანად უდაბნოა. იშვიათად შეხვდება ადამიანი პატარა ეკლებს; არავითარი სიცოცხლე იქ არ იგრძნობა. არსად არ არის წყალი. უდაბნოს შუაში გადის სუეცის არხი, მაგრამ მისი შედეგი თითქმის არ ეტყობა უდაბნოს, იგი მაინც უსიცოცხლოა. სუეცის არხს იქით იწყება სინის უდაბნო. ეს ის ადგილებია, სადაც იყო ებრაელთა ერი, როდესაც ეგვიპტიდან გამოვიდა და როდესაც მიემართებოდა პალესტინისაკენ. სოფელი ფარანი პატარა ოაზისია. აქ პატარა წყაროცაა. უკვე იგრძნობა სიცოცხლე. არის პალმები, სიმწვანე. სოფელ ფარანში ბერძნებს აუშენებიათ დედათა მონასტერი, სადაც 10—12-მდე მონაზონი ცხოვრობს. დიდი ზემოთ შეგვხვდნენ ეს დედები. მათთან ერთად ჩვენ შეგვხვდა მისი მაღალყოვლადუსამღვდელოება სინის მთავარეპისკოპოსი დამიანე. აქ ჩვენ შეეჩერდით, ვისადილეთ. მთავარეპისკოპოსი დამიანე წაივია სინის მონასტერში, რათა ჩვენთვის მოეწყო ოფიციალური შეხვედრა. საოცარი ის არის, რომ პაპი და პატრიარქი ნიკოლოზ VI ერთი ნაბიჯითაც არ მოგვშორებია; ეს უდაბნო, აძლენი წვალება, საშინელი — 45—50 გრადუსი სიცხე მანაც ჩვენთან ერთად გადაიტანა.

მივუახლოვდით თუ არა სინის მონასტერს, მთელი

ბერები მთავარეპისკოპოსის მეთაურობით გამოვეგებნენ. აქ ალვასრულეთ მცირე პარაკლისი.

ეს ის წმიდა ადგილია, სადაც მოსე წინასწარმეტყველმა ნახა შუუწველი მაცვალი, მაცვლის ბუჩქი. ბიბლიაში წერია: მოსე წინასწარმეტყველმა ნახა მაცვლის ბუჩქი, რომელსაც ცეცხლი ეკიდა და არ იწვებოდა. ეს იყო უდიდესი სასწაული. და მოსეს მოესმა ხმა: გაიხადე ფეხზე, რადგან ადგილი, რომელზედაც დგახარ, წმიდააო. ჩვენ თავყანი ვეცით იმ წმიდა ადგილს, სადაც დგას ეს ბუჩქი. მონასტრის მამებმა გვიამბეს, რომ სინის ნახევარკუნძულზე მარტო იმ ადგილას არის მაცვლის ბუჩქი, სხვაგან არსად არ ხარობსო. საოცარია. ესაა 10 მ სიმაღლის ბუჩქი, რომელიც შემორკალურია ქვის ღობით. იქ მიდის უამრავი მნახველი, უამრავი თავყანისმცემელი და ემინათ, არ დააზიანონ. ყველას უნდა თითო ფოთოლი მინც წაიღოს, მაგრამ ეს შეუძლებელია. იქვე დგას დუთისმშობლის სახელობის პატარა ეკლესია, რომელიც IV საუკუნეში ააშენა დედოფალმა ელენემ, კონსტანტინე დიდის დედა. დღეს სწორედ მათი ხსენების დღეა, კონსტანტინესი და ელენესი. თანახმად დებულებისა, ამ ეკლესიაში ყველა ფეხშიშველი უნდა შევიდეს. ჩვენც, ასევე, ფეხშიშველები დავესწარით წირვას.

წინათ ამ მონასტერს ერქვა სინის მონასტერი, ვგვაროსნების დროიდან კი მას უკვე ეკატერინეს სახელი ჰქვია. რადგან მონასტერში ინახება წმ. ეკატერინეს ნეშტი, მისი ხელი, მისი თავის ქადა და თიულები ერთ-ერთ დიდ სიწმიდედ. წმ. ეკატერინე აწამეს ალექსანდრიაში. მისი სხეული კი გადატანილ იქნა სინის მთაზე. ეს არის ის წმიდა ადგილი, სადაც მრავალი ქართველი ბერი მოღვაწეობდა. როდესაც პალესტინის მონასტრებს შეესოდა მტერი, ქართველი ბერები მიდიოდნენ სინის მონასტერში და იქ ცხოვრობდნენ. თანახმად კატალოგისა, ხელნაწერთა აღწერილობისა, რომელიც ამ მონასტერში არსებობს, 97 ხელნაწერი ქართულია, ასომთავრული და ნუსხა-ხუცური. ჩვენ ეს ვნახეთ. 1971 წელს აქ გაჩნდა ხანძარი; დაიწვა გალავნის ერთ-ერთი ნაწილი. მონასტერი შემოღობილია მაღალი გალავნით და ამ გალავნის გარშემო არის ოთახები (სენაკები). სწორედ მის ერთ-ერთ მხარეს გაჩნდა ეს ხანძარი. 1975 წელს დაიწვეს გალავნის რესტავრაცია-აღდგენა. და სწორედ ამ დროს, იქ აღმოჩნდა მრავალი ხელნაწერი, ათასამდე... ის რომ, იქ რაღაც ხელნაწერები აღმოჩნდა, ჩვენ აღრეც ვიცოდით, მაგრამ არ ვიცოდით, იყო თუ არა მათში ქართული. გვანგენეს ბერძნული ხელნაწერები, ჩვენ ვკითხეთ, ქართული თუ არის თქვა. ბიბლიოთეკის უფროსმა მოძღვარმა გვითხრა: ქართული, სამწუხაროდ, არ არის, მაგრამ არის სომხური. ძალიან გული დამწყდა. კიდევ რა არის მეთქი. კიდევ არისო კოპტური, ეთიოპური და სხვა. მაჩვენეთ, სომხური მაინც ვნახოთ მეთქი. რვა ყუთი იყო ეს „სომხური“ ხელნაწერები. გადმოიღეს, ვნახეთ და, თურმე, ქართულია. შეცლომით მიუკუთვნებიათ სომხურისათვის. ტყავზე შესრულებული ასომთავრული, ნუსხა-ხუცური ხელნაწერები... ვკითხეთ: ვინ მუშაობდა აქ და ვინ მიაკუთვნა ეს ხელნაწერები სომხურს, ვინ გითხრათ, რომ ეს ხელნაწერები სომხურია. აქ მეცნიერები იყვნენ, მაგრამ ჩვენ იმათ გვარებს არ ვამბობთ. შემდეგ

ველაპარაკე სინის მთის მთავარებისკოპოსს, განუცხადე, რომ არ შეიძლება ასე მოპყრობა ხელნაწერებისადმი, რომ ამას აუცილებლად სჭირდება სპეციალისტი, მეცნიერი, რომელიც წაიკითხავს მათ და შეადგენს კატალოგს. ისიც დამეთანხმა. თუ მეცნიერს გამოვზავნით, შევეცდებით დაგეხმაროთო. მიკროფირების გადაღების უფლება კი ჯერ-ჯერობით არ მოგვცა, გამოუქვეყნებელი მასალა და არ შეიძლებაო.

და მაინც, იქ ყოფნის დროს, ყველაზე დიდი სულიერი ძალა მე მივიღე იმით, რომ ავედიტ ქორების მთაზე. ეს ის მთაა, რომელზედაც უფალმა მოსე წინასწარმეტყველს გადასცა ათი მცნება. ეს სალი კლდეები იმდენად მაღალი და იმდენად რთული ასასვლელია, რომ ბერები გვიამბობდნენ, ყოველ კვირას ასვლის დროს 2-3-5 ადამიანი კვდებაო. ვერ აღიან, გული ვერ უძლებს, სიცხეც ძალიან მოქმედებსო. რომც მოგვედო, მე მაინც ავალ მეთქი, უუთხარი, და აი, დილის 5 საათზე წავედი. გამომყვენ ჩვენი დელეგაციის წევრები და კიდევ ორი ბერი მონასტრიდან. ჯერ მიდის გზა, შემდეგ — კლდეში გამოკვეთილია კიბეები, ნახევარი მეტრი სიმაღლის საფეხურები; 44 000-მდე საფეხურია. სულ წვერზე დგას წმ. სამების სახელობის ტაძარი. ავედიტ, ღვთის შეწევით. მიუჯახლოვდით თუ არა იმ წმიდა ადგილს, ყველამ ფეხზე გაიხადა. ისეთი გრძნობა მქონდა, თითქოს მთელი საქართველო ავიდა ამ წმ. მთაზე. მაღლობა შევწირე უფალს ჩვენი ერის სახელით ყველაფრისათვის. იმისათვის, რომ მოგვცა ჩვენი ენა, ჩვენი რწმენა, რომ ჩვენ დღესაც ვარსებობთ; შევავედრე ჩვენი ეკლესია, მთელი ქართველი ერი. განსაკუთრებით კი ახალგაზრდობა, ჩვენი ბავშვები, მშობიარე დედები, ყველანი. ისეთი მაღლი და ძალა, რომელიც იქ ვიგრძენი, არ განმიცდია არსად, ჩემს ცხოვრებაში. ერთ საათს დავყავით მაღლა. ამავე კლდეებში, ცოტა დაბლა, არის ადგილი, სადაც მოღვაწეობდა ილია წინასწარმეტყველი; იქ აშენებულია ტაძარი. როგორც ისტორიაში წერია, ეს ტაძარი ქართველების მიერაა აშენებული. შევედიტ მასში. თავყანი ვეცით, ავანეთ სანთლები და შემდეგ ისევ მონასტერში დავბრუნდით. 7 საათი დასჭირდა ასვლას და ჩამოსვლას.

პირველ კვირას წირვა შევასრულეთ ალექსანდრიაში, მეორე კვირას ვწირეთ სინის მთაზე. ჩემთან ერთად თანამწირველობდნენ სინის მთავარებისკოპოსი დამიანე, ჩვენი მიტროპოლიტი კონსტანტინე, ალექსანდრიის ეპის-

კოპოსი ტიტე და სამღვდლოება. აქაც შევთხოვეთ უფალს, მოსცეს ჩვენს ერს ის ძალა, ის მაღლი, რომელიც მოსცა მოსე წინასწარმეტყველს, ძალა, რომელიც გადაგვარჩენს, მივიყვანს დმერთთან.

მეორე დღეს დავბრუნდით ქაიროში. დავათვალიერეთ პირამიდები, ენახეთ ცნობილი სფინქსი, რომელსაც სხეული ცხოველისა აქვს და სახე კი ადამიანისა. დავათვალიერეთ ქაიროს უმდიდრესი მუზეუმი.

თქვენ ალბათ გაინტერესებთ, ვიყავით თუ არა იმ ადგილას, სადაც ადამიანებს გამოეცხადა ღვთისმშობელი. ვიყავით. თავყანი ვეცით იმ წმ. ტაძარს. ესაა კოპტური ეკლესია ზეთუნში, ქაიროს გარეუბანში. კოპტები საკმაოდ ძლიერნი არიან ეგვიპტეში და მათ დიდი პოლიტიკური ძალა აქვთ. კოპტებსა და არაბებს შორის უთანხმოებაა. კოპტების პაპი და პატრიარქი შენუდა ჩაკეტილია უდაბნოს ერთ-ერთ მონასტერში. მას არა აქვს უფლება გამოვიდეს ამ უდაბნოდან. იგი ფაქტურად იზოლირებულია. ეკლესიას მართავს ეპისკოპოსი. პატრიარქმა ნიკოლოზ VI. ჩემს ჩასვლასთან დაკავშირებით, სთხოვა პრეზიდენტს, რომ ჩვენ, მე და ნიკოლოზ VI, მიეწუღაყავით კოპტების პატრიარქთან (იგი ფაქტურად ციხეშია), მაგრამ არ მოგვცეს ამის უფლება. იმ ციხის გარშემო დგას ჯარი, საერთოდ, კოპტები მორწმუნე ხალხია, ქრისტიანებია და მიეკუთვნებიან მონოფიზიტებს.

ასე დამთავრდა ლოცვითა და სიყვარულით აღსავსე ჩვენი ვიზიტი ეგვიპტეში. მისმა უნეტარესობამ ნიკოლოზ VI გამოგვაცილა აეროპორტამდე. მას ძალიან უყვარს საქართველო. ბერძნები მუუბნებოდნენ: ჯერ თქვენ ჩამოსულეები არც კა იყავით, რომ ჩვენ უკვე გვიყვარდა საქართველო და მისი პატრიარქი, იმდენს გველაპარაკა თქვენზე მისი უნეტარესობაო. გამომგზავრებისას ნიკოლოზ VI მითხრა: გადაეცით ქართველ ერს, რომ მე თქვენთვის რაც შემეძლო, ყველაფერი გავაკეთეო.

არ მოჰკლებოდეს საქართველოს, ჩვენს უძველეს ეკლესიას სინის წმიდა მთის ძალა და მაღლი. როგორც ლოცვა-კურთხევა მამაზეციერისა, მე წამოვიღე იქედან პატარა ქვა. მასზე არის გამოსახული გაქვავებული მცენარეები. ჯვარზე მოხვევის დროს თქვენ ერთხევით ამ ქვასაც. ეს იმ წმიდა ადგილიდანაა, სადაც მოსე წინასწარმეტყველმა ღვთისაგან მიიღო ათი მცნება.

დმერთმა დაგლოცოთ, გაგაძლავროთ და თქვენთან ერთად დალოცოს მთელი საქართველო. ამინ.



დედარო 6 0 6 0!

დღევანდელ დღეს 14 (27) იანვარს, კურთხეული ქართული ეკლესია აღასრულებს მოციქულთა სწორის წმ. ნინო განმანათლებლის ხსენებას.

წმიდა ნინო — ძვირფასია ეს სიტყვები ყოველი ქართველისათვის.

დედა ნინო — ახლობელი და ნაცნობია იგი ყოველი ჩვენთაგანისათვის. რა პატარები ვიყავით, როგორი უმეცარნი. შენ მოგვიტანე დედაო, ჭეშმარიტი სიბოლო და სიხარული. მოგვბანე და შეგვიხვე წარსულის წყლულები. დაგვაპურე და გვასვი წყარო იგი უკვდავებისა. მოგვეფერე, და გულქვანი და უხეში ღვთისმოსი ადამიანებად გარდაგვქენი; როგორ შესძელი საქმე შეუძლებელი? როგორ მოინადირე გულნი ჩვენნი ჯერ მოუნადირებელნი? როგორ მოახერხე უმწეომა და ხუსტმა ქალმა მოქცევა და განათლება ქართველი ერისა?

საკვირველია, დედაო ნინო, საქმენი შენნი ქართველთათვის გაწეული! საკვირველია თავის გაწირვა შენი, როგორც კეთილი მწყემსის. კურთხეული დედაო, შენ შეგვიკრიბე ჩვენ, განზრუნე, ვითარცა ცხოვარნი უმეცარნი. შენ განვკაცდევინე სიხარული ჯერ განუცდილი! შენ შეგვაყვარე კაცთათვის ჯვარცმული უფალი ღმერთი და უწმიდესი დედა მისი — ღვთისმშობელი მარიამი. შენ

დაგვანახე უძლეველობა პატიოსანი და ცხოველსმყოფელი ჯვარისა, შენით მოვიშორეთ სიბნელე იგი უმეცრებისა და შევიმოსეთ ქრისტეს ნათელით. შენით მოხდა ხელახალი დაბადება და აღდგომა ჩვენი ერისა.

გვანახებს დედაო ნინო, ხსენება შენი. სიყვარული შენი დღესაც გვწყურია, დახმარება შენი კვლავაც გვჭირდება. თავადვე უწვი ეს შენ, კურთხეული დედაო, გვწამს, კვლავაც გინდა ხსნა ცოდვით დაბნელებული ჩვენი ხულების. მაგრამ ვაი რომ, ისე რიგად ვეღარ გმორჩილებთ. ხშირად გვიძნელდება ვიაროთ შენგან გაკვალული ნათელი გზით. მაინც ვსასოებთ. გვეკერა, ყოველად წმიდა ღვთისმშობლისა და შენი ღიღი სულგრძელობისა. ამიტომაც მოგმართავთ დედაო: ნუ დასცხრები ღვთისადმი ვედრებად ჩვენთვის, ნუ მიგვატოვებ...

ჩვენც შევეცდებით სიყვარულზე გიპასუხოთ სიყვარულით, — არ დავივიწყოთ შრომა და გარჯა ჩვენზედ გაწეული. შენი ხსენების დღეს, წმიდაო დედაო ნინო, კვლავ გვინდა შენს დედობრივ კალთას ვემთხოვოთ, მოგესიყვარულოთ და გიღაღადოთ: გზნ მოციქულთა ღვაწლის ბრწყინვალე გამგრძელებელი; გზნ იფერიელთ ქვეყნის განმანათლებელი! გზნ სიყვარულის ღიღო მასწავლებელი. გზნ ჩვენო საყვარელი დედაო ნინო!

დედ შენდობისა და კატიების

მადლობა ღმერთს! მადლობა შემოქმედს! მადლობა უზენაესს ჩვენი უსაზღვრო სიყვარულისათვის! მადლობა ყველას და ყოველივეს შემწყნარებელს დღევანდელი დღის დადგომისათვის, სინანულის კარიბჭესთან ჩვენი ხელახალი მიყვანებისათვის. კიდევ ერთი ცდა ჩვენი გადარჩენის, კიდევ ერთი შესაძლებლობა ურთიერთშენდობისა და პატიების.

კურთხეულია დღევანდელი დღე ძმანო ქრისტიანთათვის. დღეს სამოთხიდან განდევნილი ადამი სამოთხის კართან მიიყვანება; დღეს პირველი დედის ევას წუხილი ხსნისა და გადარჩენის იმედით ივსება; დღეს ცოდვით შებღალული ხორცი კაცისა ითრგუნება და სინანულის სამოსით ირთვება; დღეს ამპარტავნება და ქედმაღლობა კაცისა თავმდაბლობით იმუხრება; დღეს ქვეყნიურ ამბოებას ღამონებული კაცი მარადისობისაკენ მიიქცევა; დღეს მოკვდავთ დაკარგული სიხარულის დაბრუნების იმედი გვიჩნდება; დღეს ადამიანის შემოქმედთან გამართლება იწყება. ამისათვის გიხაროდეთ ძმანო, უფალი ჩვენთან მკვიდრდება.

„ვინ აღვიდეს მთასა უფლისასა, ანუ ვინ დადგეს ადგილსა წმიდასა მისსა უბრალო ხელითა და წმიდა გულითა“... — ბრძანებს მეფსალმუნე დავითი. ხედავთ ძმანო, რას გვასწავლის ღიღი წინასწარმეტყველი: ცარიელი ხელით უფალს ვერ მივვალბებით. იქნებ ქვეყნიურ საბოძვარს თხოვს ღმერთი მისკენ მიმავალს? იქნებ ძვირფასი თვალმარგალიტისა და თქრო-ვერცხლის შეძენაა საჭირო უფალთან წარსადგომად? მაგრამ უფალი დავით წინასწარმეტყველის პირით ხომ ყოველგვარ ქვეყნიურისაგან ხელის აღებასა და განდგომას თხოულობს ჩვენგან? მას რა შეიძინოს კაცმა ზეცას გასამგზავრებლად? რით დაიმშვენოს ზელი ღვთისაკენ მიმავალმა ადამიანმა? რითა და უფრო ძვირფასი და სათუთი ძღვენით, ყოველგვარ ქვეყნიურ სიმდიდრეს გარდამეტყულებული საგანძურით — განწმენდილი და გამართლებული სულით, შემუსვრილი და დამდაბლებული გულით. სული და გული — აი ის უმთავრესი ძღვენი, უფლის ზეცური საშუალებელი — რომ შეიწირება; აი ის, გამოსასყიდი საფასე, ცოდვის მონებისაგან კაცი რომ გამოიხსნება; აი ის ქვეყ-

ნიური მონაპოვარი, რომლითაც ზელდამშვენებული ადამიანი ზეტას აღიყვანება და უფლის წინაშე მართალთა თანა დაემკვიდრება.

ამიტომ საყვარელნო ძმანო, გაუხსენით გულის კარნი მეუფეს დიდებისას და დაამკვიდრეთ თქვენს სულსა და გულში და მით განიწმიდენით. გაუხსენით სინანულის კარნი სულს თქვენსას და მწუხარების ცრემლებით განიბანენით; გახსენით გულისა და გონების კარნი თქვენნი და ღვთის მადლით აღორძინდით და გამართლდით.

მაგრამ საყვარელნო, ვიდრე გაემართლდებოდეთ უფალთან, საჭიროა გამართლება მის ზატად და მსგავსად შექმნილ ადამიანთან, გამართლება ჩვენს მოყვასთან. აკი ბრძანებს მაცხოვარი: „უკეთუ არა მიუტევენთ კაცთა შეცოდებანი, არცა მამამან თქვენმა მოგიტევენთ თქვენ შეცოდებანი თქვენნი“. ამიტომ საყვარელნო, ღვთის შეწევნით, ვგონებ დადგა ჟამი ურთიერთ შენდობისა და პატიებისა. დადგა ჟამი ერთმანეთთან მუხლის მოდრეკისა

და შერიგებისა. დადგა ჟამი გულიდან ძვირის განღვევისა და ქრისტეს მიერი სიყვარულის დაამკვიდრებისა. მამ რაღას უდგებარ ძმანო, მოუდრიკე მუხლი შენს მოყვასს, გადაეხვიე და ცრემლი აკურე, პატიება გამოსთხოვე და გული მოუღებე, დაუთმე და დაუყვავე; და სითბო და სიყვარული მიანიჭე. შენი სიყვარული იმის სულს მალამოსავით დაედება; ამ სიყვარულით ზეცა გაიხარებს. ზეცის სიხარული კი ქვეყნის მკვიდრთ მადლად მოგვეფინება, სიხარული მოიცავს ყოველივეს და ამ დიდ სიხარულში შენი წვლილი იქნება.

ამიტომ საყვარელნო, დავეშუროთ ურთიერთ შენდობასა და პატიებას. მოუდრიკოთ ერთმანეთს მუხლნი, დავიდაბლოთ და დავიდანაშაულოთ თავნი. მივანიჭოთ მოყვასს სითბო და სიყვარული და მით გავათბოთ და გავახაროთ თვით უფალი ღმერთი. გავახაროთ შემოქმედი და მოვპოვოთ მის მიერი სიხარული და ცხოვრება დაუსრულებელი.



ანდრია პირველწოდებულის სახელობის მცხეთის სასულიერო სემინარიის ოცი წლისთავისადმი მიძღვნილ ზეიმზე

საეკლესიო ცხოვრების ფოტომატიანე



სულთმოფენობა





უკანასკნელი ლოცვა მეფეთ-მეფე თამარისა

ქრისტე, ღმერთო ჩემო მსოლო, დაუსრულებელი მეფეო ცათა და ქვეყანისაო! შენ შეგაკედრებ სამეფოსა ამას, რომელი შენ მიერ მერწმუნა, და ერსა ამას, ჰატოსანთა ნისხლითა შენთა მოსუიდულსა, და შვილთა ამათ ჩემთა, რომელნი შენ მომცენ, და მერმე სულსა ჩემსა...

„სიმდაბლე უზომო, სიმალლე შეუსწორებელი, სიმშვიდე საქებელი, სიმქისე ჯეროვანი, ღმობიერება მოწლე, მოწყალეა თანაღმობილი, უმანკობა უზაკველი, სიწრფოება უსიცრუო, სახიერება ზოგადი, სიუხვე აღუზუავებელი და თავი ყოვლისა კეთილისა — შიში ღმრთისა და მსახურება მისი შეუორგულებელი, — რომელი — ესე ყოველი ამან ესრეთ მოიგო, ვითარ ვერცა ერთი სხუამან ვერვინ და წამებას ამას ყოველი მახლობელი სამეფო გარშემო ქართლისა, თუ რაოდენნი დაგლაზაკებულნი მეფენი განამდიდრნა, რაოდენთა მიმძლავრებულთა უკუნ სცა სამეფო თუსი, რაოდენნი განდევნილნი სამეფოდვე თუსად კუალად აგნა და რაოდენნი სიკუდილად დასჯილნი განათავისუფლნა და ამის მოწამე არს ახალი შარვანშეთი და დარუბანდელთა, ღუნძთა, ოვსთა, ქაშაგთა, კარნე-ქალაქელთა და ტრაპიზონელთა, რომელნი თავისუფლებითსა ცხოვრებასა ამის მიერ იყვნეს და მტერთაგან უზრუნველობასა.

ხოლო სჯულთა მიმართ საღმრთოთა ვინ იყო ესრეთ მოშურნე, გინა სიმდაბლით თავისა მომდრეკელ, რამეთუ თეოდოსი დიდსაცა აღემატებოდა. ლოცვანი და ღამისთევანი, რომელნი პალატსა შინა ამისსა აღესრულებოდეს, საეჭუელ მიჩნს მეუღაბნოეთაგანცა“.

გაბილი ანთონოზმარე



თამარ მეფის იამბიკონი

ვითარცა მარგალიტი დაფარული
შემდგომად მრავალთა ჟამთა და
წელთა ვპოვეთ

თამარ მეფის სახსოვარი ქართველი ხალხის ისტორიაში

ხმა ერისა — ეს არის ისტორიის მიუღლომელი განაჩენი.

ქართველმა ხალხმა ხსოვნა თავისი მშვენიერი დედისა — თამარ მეფისა — „ქართველის დედისა“ — უწრფესი სიყვარულით აღბეჭდა თავის გულში.

ილია ჭავჭავაძე მოგვითხრობს ხალხური მეფანდურის შესახებ, რომელიც —

თურმე უმღერდა ახალ ქართველთა
ძველ გმირებისა საქმეთა ქველთა,
ოდეს ცხოვრობდა დიდი თამარი,
ის დედა ჩვენი დაუვიწყარი...

აკაკი წერეთელი — ასე იწყებს თავის მშვენიერს ლეგენდას თამარ მეფის შესახებ („ხალხური“):

ქვეყანამ ეთერს მშვენიებით
თამარი ამჯობინაო!
მიუვალ ადგილს, მთის წვერზე
მას დაუნინა ბინაო.
სანთლად დაუნთო ვარსკვლავი,
ცა სახნად დაახურაო,
შვიდასი წელი შორიდან
იმედით უთვალურაო...

ხოლო ვთა-ფშაველა ასე მიმართავს თამარის აჩრდილს:

ქალო, ქართველთა სულის-დგამე,
ქალო, ქართველთა დედაო!
ტყუილად ვამბობთ შენს სიყვდილს,
თამარს ცოცხალსა ვხედაო.
რუსთველის ქებას ჩვეულო,
მეც ქებას ვაგიბედაო.
რომ ვგრძნობ იმისებრ ვერ ვმღერი,
რად არ ვჩუმდები ნეტაო?!
არ მოგეწონოს იქნება,
სთქვა: რისთვის ითავხედაო,
მონად აღზრდილმა მელექსემ
სალამი ვამიბედაო?!
შენ თვალთ სინათლემ ამაგზნო,
დამათრო. ამაყბედაო...
საუნჯევე სათნოებისა.
ჩემი მიიღე ქებაო,
ვინმე საწყლისა ფშაველისა, —
ცრემლი აღარა მშრებაო...
გულში გვინთხარ ლამპრადა,
ნათობს და არა ჰქრებაო.
შენს და შოთაის მარჯვენას
ვემთხვეი ზედი-ზედაო!
მოწყალედ გვემშენ ქართველთა,
ჩვენო ლამაზო დედაო.

* იბეჭდება შემოკლებით.

ჩვენ მოვისმინეთ შთაგონებული სიტყვა ახალი საქართველოს უდიდესი პოეტებისა, რომელთაც გამოხატეს ქართველი ხალხის გულის-ნადები, — სიტყვა, რომელშიაც გამოისახა უწრფელესი გრძნობა ქართველი ხალხისა.

გადავიღეთ ამის შემდეგ თვით იმ შორეულ წარსულში, შვიდეული საუკუნის უწინარეს ხანაში, და მოვისმინოთ სიტყვა თვით თამარის თანამედროვე ისტორიკოსთა. ჩვენ ვხედავთ, თუ რა შარავანდედით იყო მოსილი თამარის სახელი თანამედროვეთა შორის, თუ რა სიყვარული, ნამდვილი დიდი სიყვარული ხალხისა დაუმსახურებია თამარს.

თამარის თანამედროვე ისტორიკოსი, თვითმხილველი და მომსწრე თამარის მეფობისა, შემდეგს გადმოგვცემს თამარის გარდაცვალების შესახებ (—1211 წელს):

„იცვალა ფერი ქართველთა მხიარულებისა, რამეთუ განბიძენეს ბაგენი მათნი, რომელთა პირსა შინა პირველ სხუა არა-რა მოაქენდა, ვითარ თამარ;

„რამეთუ ხალხთა ზედა აკროსტიხურად თამარის შესხმითა დასწერდიან;

„ბეჭედთა ზედა და დანათა და არგანთა შეამკობდეს და ზედა თამარის ქებათა დასწერდეს;

„და ყოველთა პირნი ერთბამად მზა იყვნეს, რათა ღირსი რამე თამარის საქებელი სიტყვა აღმოთქვან;

„ყრმანი მემროწლენი (მწყემსნი), და განუებასა შინა ორნატთასა (გლეხნი მიწის-მოქმედნი) თამარის ქებათა მელექსეობდიან;

„ურაყს მყოფნი მეებნენი ვინა მეჩანგენი თამარის შესხმითა მუსიკელობდიან;

„ფრანგნი (ე. ი. დასავლეთელნი) და ბერძენნი, ზღუასა შინა მენაგენი, ნიაკ-კეთილობისა შინა თამარის ქებათა იტყოდიან;

„ესრეთ ყოველი სოფელი საესე იყო მის მიერთა ქებათა, და ყოველი ენა აღიღებდა, რომელსაცა ოდენ სახელი მისი ისმოდა.

„ხოლო საქმეთა მისთავის რადლა სახმარ არს თქმად, რამეთუ კიდით-კიდემდე განისმნეს, ვითარცა თვით მოწამე არს ყოველი ჩვენ მიერ ხილული, სიტყვისაებრ ბრძნისა“.

საქმენი თამარისნი — კიდით-კიდემდე განისმნესო, — ამბობს ისტორიკოსი, და ეს ასეც არის.

გამოძახილი იმ დიდი სიყვარულისა, რომლითაც შე-

მოსა ხალხმა თამარის სახსოვარი, ცხოვლად ივრძნობა და არ ნელდება საუკუნეთა განმავლობაში.

არ არის საქართველოში კუთხე, და არა მარტო საქართველოში, არამედ ყველა იმ ქვეყნებში, რომლებიც ოდესმე საქართველოს სახელმწიფოში შედიოდნენ, ან საქართველოსთან დაკავშირებულნი იყვნენ, სადაც დღემდე მოკრძალებით და სიყვარულით არ ივინებდნენ თამარს. კავკასიის ყოველს მხარეში დღემდე ცხოვლად დაცულია ხსოვნა თამარის დიდი სახელისა. საკმაოა მოვივინოთ, რომ ყველა საჩინო ძველი ძველი კულტურისა, ციხეები, კოშკები, სახლთა ნაშთები, ხიდები, ძველი საუღელტეხილო გზები, ქარვასლები, არხები და სხვა, — ყოველივე ეს, ხალხის წარმოდგენით, — თამარის ძეგლია, თამარის მიერ შექმნილი.



ვინ იყო თამარ?

ჩვენ მოვისმინეთ ისტორიის სამსჯავროს ყველაზე მიუდგომელი განაჩენი, მოვისმინეთ თვით ხმა ერისა.

თამარ ჯერ კიდევ სრულებით ახალგაზრდაა „ყრმა“ იყო, 14—15 წლის ქალი, როდესაც იგი, 1184 წელს, ავიდა საქართველოს სამეფო ტახტზე.

ამის შემდეგ იწყება გამონათება და თანდათან აღზევება თამარის გენიისა, თამარ ზღბა ერის ნამდვილი რჩეული, ღირსეული ხელმძღვანელი ქართველი ხალხისა, და საქართველოს იმ დიდი სახელმწიფოსი, რომლის საზღვრებშიაც გაერთიანებული იყო ძმურის თანამშრომლობით კავკასიის ყველა ხალხები.

27 წლოვანი სახელოვანი შრომის შემდეგ, რამაც შარავანდღით შემოსა თამარის სახელი, და მასთან ერთად, შარავანდღით შემოსა სახელი თვით ქართველი ხალხისა, 1211 წელს, თამარ, ჯერ კიდევ ისევ ახალგაზრდა, 41 წლის ქალი, გარდაიცვალა, ანუ, როგორც მოკრძალებით ამბობს შემატიანე — „დაიძინა ძილი იგი მართალთა“.

ჩვენ აქ არა ვწერთ თამარის ისტორიას.

აღვნიშნავთ მხოლოდ, რომ თამარ იყო უდიდესი სახელმწიფო მოღვაწე, რომელიც წარმოშვა საქართველოს ისტორიამ წარსულში. საქართველოს სახელოვანი, მრავალსაუკუნოვანი ძველი ისტორიის მანძილზე, რომელსაც ამშვენებს მთელი წყება დიდ მოღვაწეთა, თამარი შესაძლოა დაფაყნოთ მხოლოდ ერთი პიროვნების — და ვ ი თ ა ღ მ ა შ ე ნ ე ბ ლ ი ს გვერდით.

თამარ იყო უდიდესი სახელმწიფო მოღვაწე; მაგრამ ამით ყველაფერი არ არის თქმული.

თამარ იყო ბრძენი ხელმძღვანელი ერისა; ხოლო ქართველმა ხალხმა კიდევ უფრო შეიყვარა თამარ იმის გამო, რომ თამარში სრულყოფილად განსახიერდა ნამდვილი სიბრძნე დიდი სახელმწიფო მოღვაწისა, ხოლო ამასთან, მორალური სინათლე და სიდიადე დიდბუნებოვანი ადამიანისა.

და ისტორიის სიღრმიდან ჩვენ დღემდე გვინათებს ეს ნათელი სახე თამარისა, განსახიერება სიბრძნისა და მშვენიერებისა, შემოსილი მორალური სიდიადის შარავანდღით.

ქართველთა დედის — ჩვენი დიდი თამარის — ყოველი რელიქვია ძვირფასია ჩვენთვის.

თამარ იყო მრავალმხრივი გენია, და ამ დიდბუნებოვანი ადამიანისათვის არ ყოფილა უცხო, აგრეთვე, პოეზია.

ძველი ქართული მწერლობის ძეგლთა დიდი ნაწილი, როგორც ირკვევა, ჩვენ დრომდე არ მოღწეულა; ისინი დაიღუპნენ იმ არა-ერთგზის პოლიტიკური კატასტროფების შედეგად, რომელიც განიცადა ჩვენმა ქვეყანამ საუკუნეთა განმავლობაში.

კერძოდ თამარის ეპოქიდან, მე-12—13 საუკუნეებიდან, ჩვენ გვაქვს ცნობა ათეულ პოეტურ ძეგლთა შესახებ, რომელთა სახელები, ან ავტორები ვიცით, რომლებიც მოხსენიებულია, ან ციტირებული გადარჩენილ ტექსტებში, მაგრამ თვით ნაწარმოებნი ჩვენ დრომდე არ შემონახულან.

ძველი ქართული მწერლობის შემკვიდრება ჩვენ გვაგონებს ძვირფას გვირგვინს, შემკულს ძვირფასი თვლებით, მაგრამ დაწეწილს ჩვენი ქვეყნის ჟამთა-სიავისა და ძნელებლობის ხანაში; ძვირფას გვირგვინს, რომელსაც არა ერთი და ორი ძვირფასი ქვა დაჰკარგავს.

რა სახით არის მოღწეული ჩვენ დრომდე თამარის ლიტერატურული შემკვიდრება?

გვაქვს საბუთი ვიფიქროთ, რომ არა სრულად.

რალა შორს წავიდეთ, — ჩვენ დღემდე ისიც კი არ ვიცავით დაბეჯითებით, რომ თამარს მონაწილეობა მიუღია ქართულს მწერლობაში.

თამარის ლიტერატურული შემკვიდრებიდან ჩვენ დრომდე გადარჩენილია მხოლოდ ერთი ციკლი: ფ ი ლ ო ს ო ფ ი უ რ ი ი ა მ ბ ი კ ო ნ ე ბ ი.

ამასთან ჩვენ გვაქვს საბუთი დავასკვნათ, რომ თვით ეს ციკლიც — ფ ი ლ ო ს ო ფ ი უ რ ი ი ა მ ბ ი კ ო ნ ე ბ ი — არაა მოღწეული სრულად (რომ თამარის ფილოსოფიური იამბიკონები არ არის სრულად შენახული, ეს ჩვენთვის ცხადი გახდება, როდესაც განვიხილავთ ჩვენ დრომდე დაცული ხელნაწერის ტიპს: ამ ხელნაწერის სათანადო ნაწილი შეიცავს არა მთლიანს კრებას ცალკე ავტორთა თხზულებებისა, არამედ ქრესტომათიის სახით გამოკრებილს ტექსტებს; თითოეული ავტორი აქ წარმოდგენილია არა სრულად, არამედ მხოლოდ ცალკეული გამოკრებილი ტექსტების სახით).

ეს ერთი გარემოება.

ამის შემდეგ მეორე კითხვა:

განისაზღვრებოდა თამარის პოეტური შემკვიდრება მარტო ამ ერთი ჟანრით, — ფილოსოფიური იამბიკონით? ჩანს არა. გვაქვს საბუთი ვიფიქროთ, რომ თამარისათვის ამასთან ერთად არ იყო უცხო, აგრეთვე, ჟანრი წმიდა საერო პოეზიისა, იმ პოეზიისა, რომელსაც ამ ეპოქაში წარმოადგენდა რუსთაველი.

თამარის პოეტური შემკვიდრება, როგორც შინაარსის, ისე ფორმის მხრით, ცხადია განხილულ უნდა იქმნეს თვით იმ ჟანრის ასპექტში, რომელსაც იგი ეკუთვნის.

თამარის ი ა მ ბ ი კ ო ნ ე ბ ი — წარმოვიდგენს ტიპიურ ძეგლს მე-11—13 საუკუნეების ქართული ფილოსოფიური პოეზიისა.

* * *

კლასიკური ქართული იამბიკონი — რიტმული სტრუქტურის და პოზიდიული წყობის მიხედვით — ტიპური ქართული სილაბური ლექსია. იგი შეიცავს თორმეტ მარცვალს, ცეზურით მეხუთე მარცვალზე (უფრო ხშირად), ან მეშვიდე მარცვალზე (უფრო იშვიათად).

იამბიკონი — თეთრი ლექსია; რითმის ხმარება აქ დაუშვებლად ითვლება. (ეს ტრადიცია ურითმო თეთრი ლექსისა ქართულ იამბიკონმა შეითვისა მისი ბერძნული პროტოტიპიდან — იამბიკური ტრიმეტრიდან).

გვხვდება რითმიანი იამბიკონებიც, მაგრამ ეს უკვე სტილის დარღვევაა; კლასიკური იამბიკონი — ურითმო უნდა იყოს.

ძველ-ქართული ფილოსოფიური პოეზიის დარგში თამარის იამბიკონებს ღირსებისამებრ უნდა მიეკუთვნოს უაღრესად საინო და საპატიო ადგილი. უფრო მეტიც: ვფიქრობ, ჩვენ არ გადავაჭარბებთ თუ ვიტყვით, რომ თამარის იამბიკონებს ძველ-ქართული ფილოსოფიური პოეზიის მემკვიდრეობაში უნდა მიეკუთვნოს პირველი ადგილი, იმდენად დიდის ლიტერატურულის ღირსებებით არიან ისინი აღბეჭდილინი.

თამარის ლექსებში იგრძნობა ნამდვილი ბრწყინვალე ძველი ქართული ენისა; ამასთან აქ მოცემულია ის მკვეთრი — ლაპიდარული მოხაზვა სახეებისა, ის ლაკონიზმი და აფორისტული ჭედი სიტყვისა, რაც შეადგენ-

და ფილოსოფიური პოეზიის სპეციფიური სტილის არსს.

ჩვენ უნდა გამოვთქვათ ამასთან ერთად ჩვენი დრმა მწუხარება იმის გამო, რომ თანამედროვე მკითხველი, რომელიც არ იცნობს ძველი ქართული ფილოსოფიური მწერლობის ენას, მოკლებულია საშუალებას იგრძნოს მთელის სახეებით ეს არტისტული მხატვრული სრულყოფა თამარის იამბიკონებისა. ძველ-ქართული ფილოსოფიური ენა იმდენად დაცილებულია თანამედროვე ქართულს, რომ იგი, სპეციალური ცოდნის გარეშე, ძნელად მისაწვდომია თანამედროვე მკითხველისათვის.

ამის გამო ჩვენ იძულებული ვართ ამ ლექსებს დავურთოთ კომენტარული თარგმანი ახალ-ქართულ ენაზე; მაგრამ ცხადია, ეს მაინც არ იძლევა წარმოდგენას ლექსების სიტყვიერი ქსოვილის მხატვრული ელფერის შესახებ.

გავეცნოთ ამის შემდეგ თამარის იამბიკონებს.

თამარის ჩვენ დრომდე მოღწეული იამბიკონები სამ წყებად იყოფა:

1. იამბიკონთა ჯგუფი „მზის შარავანდნი“.
2. მიძღვნა დედისა და ძისადმი.
3. იამბიკონი სავედრებელი — ქართველთა შამქორს გამარჯვებისათვის.

ეს უკანასკნელი წარმოადგენს ოდას, მაგრამ იგი დაწერილია ფილოსოფიური პოეზიის ფორმითა და სტილით, და შინაარსის მიხედვითაც — მისი პირველი ნაწილი ფილოსოფიურ ხედვას შეიცავს.

„მზის შარავანდნი“

ეს ციკლი შეიცავს ოთხს იამბიკონს, რომელთაგან თითოეული დაწერილია იამბიკონური სტროფით („იამბიკონური ხუთეულით“ ე. ი. ხუთ-ტაქტოვანი წყობით).

ცალკეული იამბიკონები ატარებენ ასეთს სათაურს:

1. „იამბიკო მარიამ მეგვტელისა“.
2. „გიორგისი“ (კაბალუკიელისა).
3. „თველორესი“ (ტირონისა).
4. „თამარისი“.

უკანასკნელი იამბიკო წარმოადგენს ამ ციკლის ეპილოგს.

ამ იამბიკონებიდან ჩვენ ვეცნობით თამარის ფილოსოფიურ სოფლხედვას: — ეს არის ქრისტიანული ხედვა განათებული ელინური ფილოსოფიის შუქით.

თამარ ამ იამბიკონებში, რომლებიც მედლების სახით არის გამოკვეთილი, იძლევა ქრისტიანულ მოღვაწეთა სახეებს: მარიამ მეგვტელისას, გიორგისას და თეოდორე ტირონისას.

ზოლო, რაც განსაკუთრებით დამახასიათებელია თა-

მარის ფილოსოფიური სოფლხედვისათვის, თამარ ქრისტიან მოღვაწეთა საქმეში ხედვას — „ატტიკურ სიმხნე“-ს. „ატტიკური სიმხნე“ — ე. ი. სტოიციზმი, ატტიკური (ელინური) ფილოსოფიის მიერ განსაზღვრებული ადამიანის ზნეობისა და საქმის სახელმძღვანელოდ, — აი რა შთააგონებს თამარს.

აქ საჭიროა ხაზი გაუსვათ, აგრეთვე, მზის სიმბოლიკას, რომელიც ლეიტმოტივის სახით გასდევს მთელი ციკლის ოთხსავე იამბიკონს:

პირველ იამბიკონში: მიმართვა მზისადმი;

მეორე იამბიკონში: მზე შარავანდი დიდი — ცის ქვეშისა და მზისზედამსა მსოფლიოსი;

მესამე იამბიკონში: ცის შარავანდის მზეობა;

მეოთხე იამბიკონში: ნათელ-ცისკროვნება მზე ოქრო-შარავანდისა.

მოგვყავს ამ იამბიკონთა ტექსტი.

(ტექსტთან ერთად მოგვყავს მათი თარგმანი-კომენტარი ახალ-ქართულზე, პოეტური სახეების გახსნით).

იამბიკო მარიამ მეგვტელისა

1. გიხილენ — მზეო! —
უცხონი ნიშნი ფრიად,
2. გარნა მღედრისა
ბუნებისა ესოდენ
3. დაკინებულნი
ნივთი აროდეს სადა:

თარგმანი-კომენტარი:

2. „მზეო! გიხილავს უცხონი საკვრელებანი ფრიადნი,
- 2—3. მაგრამ ქალური ბუნებისაგან ესოდენ ამაღლება ნივთიერ ბუნებაზე, (გარდაქმნა მატერიის სტიქიონთა), „ბუნების ნივთთა ესოდენ დაკინება“ — დამცრობა არასოდეს გიხილავს.

4. ვითარება მიწა — ზე ეტვირთა ჰაერსა,
5. და ნივთიერთა ზორცთა სიზრქე-მწყურნებსა.

წმ. გიორგისა

1. კაბადუკით მზე შარავანდი დიდი
2. ცის ქვეშისა და მზის ზედაისა სოფლისაი, —
3. ატიკელ მხნეობს იგი ნიშებთა ელვებრ!
4. შვიდ-გზის მოწამე — აშვიდ-გზისებს გვირგვინთა,
5. და ღმრთის ზიარ-ქმნით გიორგი განელის ცათა!

წმ. თეოდორისი

1. ცის შარავანდი იმზებს ნიშთა თეოდორე,
2. მაქსიმოსს აღმობს — ღმრთისა დიდისა შურსა.
3. ძელთ აიძღვებო ქვათა აღსწავს ცეცხლითა,
4. ღვაწლთა თმენითა ამაღნიტებს მსაჯული,
5. და ცად ჰყოფს იგი ქრისტეს შორის სუფევად.

მეოთხე იამბიკო, ზედ-წერილით „თამარისი“, წარმოადგენს, როგორც მოვიხსენეთ, ამ ციკლის ეპილოგს. აქ თვით თამარ ლაპარაკობს თავისი პირით.

ეს იამბიკო მესიანისტური სულიკვეთებით არის გამსჭვალული, იგი იძლევა საქართველოს სახელმწიფოებრივი უფლებების მესიანისტურს გამართლებასა და თვითდადგინებას.

თამარ თავის თავს აქ აცხადებს „ქედართა“ მფლობელად — ქვეყნის ოთხივე მხარის მბრძანებლად; იგი აცხადებს თავის-თავს ერთობლივ ქრისტიანეთა მფარ-

თამარისი

1. მზეობს ცის ქვეშე მზე ოქრო-შარავანდი,
2. ქრისტეს-სჯულებთა ენათელ-ცისკროვნების!
3. სამყაროს შუქი ერთსა ნათლისა-მსხივობს!
4. ყვავილ-სუნნელთა ვეარდ-კინამოების,
5. და კედართ მფლობი, ასულობს თამარ — დავითს!

4. თუ ვითარ მიწა — ზე ეტვირთოს ჰაერსა,
5. და ნივთიერ სხეულთა „სიზრქე“ (ქვე-დამზიდველი სიმკვრივე) — ზე ეტვირთოს წყალსა მწყურნებსა.

თარგმანი-კომენტარი:

1. კაბადუკით მოვლენილი — მზე შარავანდ დიდი,
2. არა ნივთიერი მზე, არამედ მზე — მზეთა, მზე — ადამიანი, ორკერძ მანათობელი ორისავე სამყაროსი — ცის ქვეშისა და მზის ზედაისა მსოფლიოსი, —
3. ატიკური სიმხნით (ე. ი. ფილოსოფიური სტოიციზმით) იგი მოავლენს საკვირველუბათა ელვისებრ:
4. შვიდ-გზის წამებულს შვიდ-გზის დაედგინს გვირგვინი
5. და ღმრთის ზიარ-ქმნით გიორგი განელის ცათა!

თარგმანი-კომენტარი:

1. ცის შარავანდი თეოდორე მზეებრ განდენს საკვირველუბათა,
2. მაქსიმოსს (—რომაელთა იმპერატორს, ამ ქვეყნიერ უფალს), ღმრთისა დიდისა შურსა. იგი ტანჯვას ჰგერის (თავისი შეუღრქევილობით).
3. ძელზე გაქრული — ქვათა განღვებს ცეცხლითა,
4. ითმენს სატანჯველთ, რომელიც მის მსაჯულ-მა განუზადა, იწრთობა, როგორც მავნიტი ცეცხლში, —
5. და ციერად იქცევა ქრისტეს თანა სუფევად.

ველად და უმაღლეს მეფედ, რომელსაც ერთადერთს მოსავს სხივებით მზე ოქრო-შარავანდი.

ამავე მესიანისტურ ასპექტში, იმის გასამართლებლად, რომ საქართველოს მეფე არის მფარველი და ერთადერთი უმაღლესი მბრძანებელი ქრისტიანული მსოფლიოსი, იამბიკოში აღნიშნულია აგრეთვე ისიც, რომ თამარ, ბერატიონთა გვარისა, არის შთამომავალი დავით მეფესაღმუნე-წინასწარმეტყველისა (რომლის შესახებაც წერილმა სთქვა: მისნი ტომნი იქნებიანო ქვეყნის უფალნი).

თარგმანი-კომენტარი:

1. მზეობს ცის ქვეშე მზე ოქრო-შარავანდი,
2. იგი ქრისტეს მოსავთა ნათელცისკროვნად ეფინება.
3. სამყაროს შუქი მარტოოდენ ერთსა (ერთობილ ქრისტიანეთა უმაღლეს მეფეთა-მეფესა) მმოსავს ნათლის სხივებით.
4. იგი ყვავილ-სუნნელთა (—ედემის სახით დაწერგილს ბაღს, ე. ი. ქრისტიანულ სამყაროს) ვარდ-კინამოდ ეფრქვევა.
5. მსოფლიოს მფლობელი (—კედართ მფლობი*) თამარ — ასულობს დავითს (ე. ი. შთამომავლობს დავით წინასწარმეტყველისაგან, რომლის შესახებ წერილმა სთქვა: მისნი ტომნი იქნებიანო ქვეყნის უფალნი).

ჩვენ გავეცანით თამარის პოეტური მემკვიდრეობის ამ პირველ ციკლს: „მზის შარავანდნი“.

ჩვენ წინაშე ისახება უაღრესად თავისებური სახე მხატვრული სიტყვის დიდი ხელოვანისა.

ჯერ ერთი, მკითხველი მიაქცევდა ყურადღებას, თუ როგორის არტისტულობით, როგორის უცთომელის მხატვრულის ტაქტით არის დაკავშირებული ერთმანეთთან ეს ოთხი განსხვავებულ პოეტურ სახეთა შემცველი იამბიკონები, ამავე დროს შინაგანად შენივთებულნი — ერთი ლეიტმოტივით, ერთი ძირითადი პოეტური მაგისტრალით, — მზის სიმბოლიკით.

შემდეგ, მაღალ მხატვრულ შეფასებას იწვევს თვით ფაქტურა პოეტურის სიტყვისა. თამარის პოეტური ფრაზა თითქოს ნაჭვლია ძვირფასი ლითონიდან. თამარის პოეტური სიტყვის ეს ფაქტი სუფთა ფაქტურა უნებლეთ გვაგონებს ბექა ოპიზარის ოქრო-ქანდაკებას.

თამარის იამბიკონთა პოეტური სიტყვა — აღბეჭდილია უმჭიდროესი მხატვრული ეკონომიით. აქ მართლაც მოცემულია ერთის მხრით — სიმჭიდროვე სიტყვათა, ხოლო ამავე დროს, სიხალვათე პოეტური აზრის განფენისა. ზოგჯერ მთელი პოეტური სახე ნაწილდება და გამჭვირვალედ გამოისხივებული ერთი სიტყვა-ხატით.

მიძღვნა დედისა და ძისადმი

იამბიკო — მიძღვნა დედისა და ძისადმი დაწერილია, როგორც ირკვევა, 1193 წელს.

ამ წელს თამარ — დედა გახდა. იშვა თამარის პირ-მშო, საქართველოს მემკვიდრე ლაშა-გიორგი.

მემატიანე მოგვითხრობს ლაშა-გიორგის დაბადების შესახებ:

თამარ მეფე მსგავს იქმნაო თვით ღვთის-მშობლისა მარიამისა; თამარმარო, — ამბობს მემატიანე, — „განწმენილითა გონებითა, და ტაძრისა ღმრთისა აღმსჭუალულისა — სანთლითა სხეულისაჲთა, მხურვალითა გულითა და განათლებულითა სულითა, ტაბახმელისა ბეთლემ-მყოფელმან, მუნ შუა ძე, სწორი ძისა ღმრთისა, რომლისთვისცა ნათელი უკვდავთა ნაწილისა აღმოგვეწყაილა“.

აი თვით ეს იამბიკონი თამარისა:

1. ქალწულებრივთა სისხლთა შენთაგან, სძალო,
2. თბედ საიდუმლოდ, ზენაჲსა განგებისად,
3. ძისა ღმრთისა — ძედ მეშე იქმენ არსთა მცხოვნად!
4. მე, თამარ, ჩემნი ტომთაგან დაგიტებრთაით
5. თვისად, — შემამკვე, მაღიდე, აღმამალდე!

ეს დაწერილია თვით თამარის სიცოცხლეში, როდესაც ლაშა-გიორგი ყრმა იყო.

მემატიანის სიტყვებიდან ჩვენ ვხედავთ, თუ რა შარავანდლით იყო შემოსილი თამარის სახელი.

თამარს, ლაშა-გიორგის დაბადება, როგორც ეს მიღებული წესი იყო, აღუნიშნავს შესაწირავით. შეუშკია გულათში დასვენებული ხახულის ღვთის-მშობელი, რომელიც საქართველოს ნაციონალურ სიწმიდედ ითვლებოდა. ნიშნად მვედრებლობისა, დაუწერია იამბიკო, რომელიც ამოუქანდაკებათ ხახულის ხატზედვე.

ღვთისმშობელი ხახულის ხატზე წარმოდგენილია როგორც დედა, ჩვილი ყრმით ხელში.

თამარ მიმართავს დედა-დედას.

თარგმანი-კომენტარი:

- 1—2. სძალო (ღმრთის-მშობელი) შენთა ქალწულებრივთა სისხლთაგან საიდუმლო შეზავებით, ზენა განგებისამებრ,
3. ძედ დაძაღვე ძე ღმრთისა. არსთა სასიცოცხლოდ.
4. მე, თამარ, შთამომავალი დავით მეფისაღმუნე წინასწარმეტყველისა (და შენი, ღმრთის-მშობელი), თვისი (ერთი-სისხლი და ნათესავი),
5. შემამკვე. მაღიდე და აღმამალდე.
6. აწ მეცა ხელ-ყავ შემკობად ხატისა თქვენსა, —
7. დედისა ძითურთ, — და მეცა, ძითურთ, მფარველ!
6. აწ მეცა ხელ-ყავ შემკობად ხატისა თქვენისა, — დედისა ძითურთ, —
7. და მეცა (თამარ), ძითურთ (ლაშა-გიორგით), — დამიფარე!

იამბიკო სავედრებელი ქართველთა შამქორს გამარჯვებისათვის

დიდგორის გამარჯვება — დავით აღმაშენებლის დროს, და შამქორის გამარჯვება თამარ მეფის დროს, — ეს ორი ღირსსახსოვარი ამბავი ჩვენი ქვეყნის ისტორიიდან უნდა მოვიგონოთ აქ, — თამარის ამ იამბიკონთან დაკავშირებით.

1121 წელს, დავით აღმაშენებელმა დაამარცხა დიდ-

გორთან, ტფილისის შემოგარენთან, საქართველოს საზღვრებში შემოსული მუსულმანთა უძლიერესი კოალიციის ლაშქარი, და ამ გამარჯვების შედეგად, როგორც ზემოთაც აღვნიშნავდით, დავით აღმაშენებელმა განამტკიცა საქართველოს სახელმწიფო — ახალ საზღვრებში, შავი ზღვიდან — კასპიის ზღვამდე.



თბილისი. შვეტიცხის ტაძარი, X1 ს



ასომთავრული წარწერა თამარ
მეფის გულსაკიდ ჯვარზე

თუ ვიმყოფებით მზის ქვეშე,
ამაოდ არ დავშვერითა,
წინადღომითა შენითა,
წინაძღომითა შენითა...
შემწე ეყავი თამარსა
მტერთა უძღებთა აღგვითა,
ბრძენ სოლომონის ჭკუისა,
მარგალიტისა ბაგითა...
შემწე ეყავი საქვეყნო
მისთა ზრახვათ და სურვილთა...
გააპე გველი მტარვალთა...
საგსე ღვარძლით და შურიითა.



ბევრი წყარო და ბევრი ხევია
ბეთანიაძე,
სადაც სანთელი მარადისობის
იწვის ნიადაგ,
სად დიდებული მეფეთ-მეფე დგას
ხელაპყრობილი,
რომ ქართველობას ისევ მაღალი
აზრი მოჰფინოს...
კვლავ სამშობლოსთვის მთხოვნელი არი
შუქმირიადი
ბევრი წყარო და ბევრი ხევია
ბეთანიაძე.



ვარძიის ფრესკა. მეფე გიორგი III და თამარი

74 წლის შემდეგ დავითის დიდი მემკვიდრის — თამარის დროს, 1195 წელს, ქართველთა მხედრობამ დაამარცხა შამქორთან — განჯის შემოგარენთან, მუსულმანთა სხვა ახალი უძლიერესი კოალიციის შეერთებული საკავშირო ჯარი. ხოლო იმ ლაშქრობათა შედეგად, რომელიც მოჰყვა შამქორს, მე-12 საუკუნის დასასრულსა და მე-13 საუკუნის დასაწყისში, საქართველო იქცა უძლიერეს სახელმწიფოდ ახლო აღმოსავლეთში, და საქართველოს საზღვრები მიტანილ იქმნა ირანის მიმართულებით — ერავის პროვინციამდე (შიდა სპარსეთი); ბაღდადის ხალიფატის მიმართულებით — მარაღამდე (ურმიის ტბასთან); ანატოლიის მიმართულებით — ვანის ტბამდე — (ხლათის სასულთნოთი) და ევფრატამდე (— ეზინკის ემირატით); ხოლო შავი ზღვის სანაპირო ხაზით პაფლაგონიამდე (ტრაპიზონის სამეფოს დასავლეთ მიჯნამდე).

საქართველოს სახელმწიფოს ორს სახელოვანს მეთაურს, — დავით აღმაშენებელსა და თამარს, — ეს ღირს-სახსოვარი გამარჯვებანი ქართველი ხალხისა, — დიდგორისა და შამქორისა, — აღუნიშნავთ ჰიმნებით.

ქართული მატრიანეები ამის შესახებ შემდეგს გადმოგვცემენ:

დიდგორის გამარჯვების შემდეგ დავით აღმაშენებელს წარუგზავნა გელათში დასაცველად ერთ-ერთი ტროფეი („იავარი“) დიდგორის ბრძოლისა: არაბთა მეფის მანიაკი (ფარლუღი). ეს მანიაკი ეკუთვნოდა არაბთა მეფეს დორბუზე სადაყის-ძეს, რომელიც მონაწილეობდა დიდგორის ბრძოლაში (სხვა მუსულმან მფლობელებთან ერთად); როგორც გადმოგვცემს მემატრიანე, როდესაც დამარცხებული მუსულმანთა ლაშქარი ილტვოდა, — ქართველთა მხედრებმა „მოსძარცვეს ქედისაგან დორბუზე სადაყის-ძისა, ჟამსა დიდგორთა გაქცევისათა“, — მანიაკი ოქროსა, შემკული თუალებითა ძვრფასისაითა“.

დავით აღმაშენებელმა ეს ტროფეი მანიაკი, როგორც სიმბოლო გამარჯვებისა, წარგზავნა რა დასაცველად გელათში, ხახულის ღვთისმშობლის წინაშე, რომელიც საქართველოს ნაციონალურ სიწმიდედ და ქვეყნის დედამფარველად ითვლებოდა, — ამავე დროს, აღწერა და ტროფეისთან ერთად წარგზავნა გელათში ჰიმნი გამარჯვებისა.

დავით აღმაშენებლის ჰიმნი დაწერილი ყოფილა „იამბიკოდ ხუთეულად, ოცდახუთ ლექსად“.

შამქორის გამარჯვება თავისი მნიშვნელობით დიდგორის გამარჯვებას უდრიდა. შამქორმა უნებლიეთ გააცოცხლა იმ-დროინდელს ქართულს საზოგადოებაში დიდგორის ბრწყინვალე სახსოვარი.

და თამარ მოიქცა ისევე, როგორც მისი დიდი წინაპარი დავით აღმაშენებელი.

ამ მრავალ ტროფეებს შორის, რომელიც ძლევაში სილმა ქართულმა ჯარმა მოიტანა შამქორიდან, იყო თეთი ხალიფის დროშა. ეს მწვანე დროშა მაჰმადისა, ხალიფის, მუსულმანთა უმაღლეს მბრძანებელს, წარმოეგზავნა „ღაზო“ ე. ი. სამოშურნეოდ (უძლეველობის ნიშნად) — მუსულმანთა იმ დიდი საკავშირო ლაშქრობისათვის, რომელიც საქართველოსკენ დაიძრა, — და

ქართველებმა ეს მწვანე დროშა მაჰმადისა ტყვედ წარმოიყვანეს შამქორის გამარჯვების დროს.

ქართველი გმირი, რომელმაც ხელთ იგდო ბრძოლის დროს მაჰმადის ეს მწვანე დროშა, იყო შალვა ახალციხელი (თორელი), რომელსაც ადრევე განთქმული რანდის სახელი ჰქონდა მოხვეჭილი საქართველოში.

შალვა ახალციხელმა მაჰმადის ეს დროშა პირადად მორათვა თამარს, თამარის ფეხთა წინაშე განწინა.

შამქორის გამარჯვების ტროფეებიდან — თამარმა აირჩია ეს დროშა, როგორც ღირსსახსოვარი სიმბოლო ქართველთა ძლევაში იმდროისა, და დავით აღმაშენებლის მსგავსად, წარგზავნა მაჰმადის ეს დატყვევებული მწვანე დროშა დასაცავად გელათში, ხახულის ღვთისმშობლის წინაშე. ამასთან თამარმა, აგრეთვე დავით აღმაშენებლის მსგავსად, აღწერა ჰიმნი — „იამბიკო ხუთეულად“ ქართველთა შამქორს გამარჯვებისათვის, და ეს ჰიმნი — ტროფეისთან ერთად წარგზავნა გელათს.

თამარის თანამედროვე ქართველი ისტორიკოსი „შარავენდელთა ისტორია-ზმანთა“ ავტორი, რომლის საინტორიო შრომა დაწერილია მე-12 წელს თამარის მეფობისა, 1195—1196 წლების მანძილზე (ე. ი. იმავე თვეებში, როდესაც გადახდილ იქმნა შამქორის ბრძოლა), შემდეგს წერს — ზემოთ აღნიშნულის შესახებ:

„დროშა იგი ხალიფისა, რომელი მოიღო შალვა ახალციხელმან, წარგზავნა ესე მეფემან თამარ მონასტერსა დიდსა გელათს, წინაშე ხახულისა ღმრთისმშობლისა, მსგავსად მამის-პაპისა მისისა დავით აღმაშენებელისა, ვითარცა მაშინ დიდსა დავითს წარგზავნა მოძრცვლი ქედისაგან არაბთა მეფისა დორბუზე სადაყის-ძისა, ჟამთა დიდგორთა გაქცევისათა, მანიაკი ოქროსა, შემკული თუალებითა ძვრფასისაითა. მიზეზად ძლენისა შემწირველობისა და მეედრებლობისა ამაჲნცა (მეფემან თამარ, მსგავსად დიდისა დავითისა) ესევეთარად ესე იამბიკო ხუთეული ოცდახუთ ლექსად აღწერა“.

ამ წინასიტყვაობის შემდეგ ისტორიკოსს მოჰყავს თამარის თვით ეს „იამბიკო ხუთეული ოცდახუთ ლექსად აღწერილი“.

იამბიკონი თამარისა აღბეჭდილია საზეიმო განწყობილებით; აქ გადმოცემულია ერის ზეიმი.

ეს ჰიმნი პირველ ყოვლისა არის პოლიტიკური დეკლარაცია, აპოლოგია საქართველოს სახელმწიფოებრივი იდეისა.

თამარ აქ ლაპარაკობს როგორც მეფეთ-მეფე საქართველოსი და ამავე დროს, როგორც უზენაესი მბრძანებელი ქრისტიანული მსოფლიოსი.

შამქორი — ეს იყო დამზობა მუსულმანთა ძლიერებისა და ქრისტიანული საქართველოს აღზევება. და თამარ იამბიკოში მიმართავს ღვთისმშობელს, როგორც ნათელს ქრისტიანობისას და საქართველოს დედამფარველს.

შინაარსი იამბიკონისა შემდეგია.

პირველ ორ სტროფში მოცემულია ფილოსოფიური გაშლა ქრისტიანობის იდეისა, საქართველოს ოფიციალური ნაციონალური იდეოლოგიისა.

მესამე სტროფში აღიარებულია საქართველოს სამეფო ხელისუფლების ღვთაებრივი წარმოშობა; ხოლო ამასთან დაკავშირებით, აღიარებულია საქართველოს მეფეთმეფის პირველობა მსოფლიოში, როგორც ქრისტიან ხალხთა უზუნაესი მფარველისა და მბრძანებლისა.

იამბიკონთა ციკლში „მზის შარავანდნი“ ჩვენ უკვე გავვცანით თამარის მესიანისტურ იდეას საქართველოს განსაკუთრებული ისტორიული მისიის შესახებ ქრის-

თამარ მიმართავს ღვთისმშობელს:

1. შენგან — ქალწულო! —
რომელ შენი თვს დავით
2. როკვიდა, მისა
ღმრთისა ძედ შენდა შობად, —
3. მე, თამარ მიწა
შენი და მიერ ივე
4. ცხებულეზისა
ღირს-მყავ, და თვსობასა, —
5. ეღემს, ლადირთად,
სამხრით და ჩრდილოეთით.

მოგვყავს ამ სტროფის თარგმანი ახალ ქართულზე. — პოეტური და თეოლოგიური სახეების გახსნით:

ტიანულ სამყაროში. ხოლო ამ ჰიმნში — ქართველთა შამქორის გამარჯვებისათვის ეს მესიანიზმი გამოსახულია კიდევ უფრო მეტის სიმკვეთრით.

თამარ აღიარებს, რომ იგი, ვითარცა შთამომავალი დავით მეფესალმუნე წინასწარმეტყველისა, არის შტო იმავე ხისა, რომლისგანაც წარმოიშვა თვით ღვთის-მშობელი და ქრისტე, და ამრიგად, თამარ არის ერთსახელი და ნათესავი თვით ღვთაებისა; ამის გამო საქართველოს მეფეთ-მეფე მოწოდებულია თვით ღვთაებისაგან, ცხებულია ღვთაების მიერ მბრძანებლად.

1. შენგან, ქალწულო, რომლისათვისაც შენი თვის (შენი ერთ-სისხლი ნათესავი (დავით მეფესალმუნე)
2. როკვიდა, (და ამით წინასწარმეტყველურად მოასწავებდა) ღვთაების ძის (ქრისტე-მესიის) ძედ შენდა შობას.
3. მე, თამარ მიწა შენი და მიერ ივე (მეორე დავით მეფესალმუნისა, დავითის შთამომავალი, და შენი, დავით ასულო, ერთ-სისხლი მკვიდრი),
4. ღირს-მყავ შენსა თვსობასა (შენსა ნათესაობასა), და (მეფედ) ცხებულეზისა —
5. (მსოფლიოს მფლობელად): აღმოსავლეთიდან (სადაც ედემი დანერგა ღმერთმა) — ვიდრე დასავლეთამდე („ღადირთამდე“, — ე. ი. მსოფლიოს დასავლეთ მიჯნამდე — პერაკლეს ბჰეეზამდე), და სამხრეთიდან ჩრდილოეთამდე.

(აკ საჭიროა აღვნიშნოთ, რომ „ედემი“ წარმოდგენილი იყო, როგორც მღებარე მსოფლიოს აღმოსავლეთ მიჯნაზე, ხოლო „ღადირნი“, ანუ პერაკლეს ბჰეეზი, — მსოფლიოს უკიდურეს დასავლეთ მიჯნაზე).

იამბიკო სავედრებელი ქართველთა შამქორს გამარჯვებისათვის*

იამბიკოს ბოლო ორ სტროფში მოხსენებულია „მიზეზი მედრებლობისა და ძღუნისა შემწირველობისა“; — ქართველთა ძლევადასილი ლაშქრობა შამქორს, სადაც, თამარის მეუღლის დავითის წინამძღოლობით ქართველთა მხედრობამ „მოირთხნა, მოსრნა აგარის ნათესავნი“, დასთრგუნა მუსულმანთა ტომნი. თამარ მიართმევს ღვთისმშობელს, როგორც ერის დედა-მფარველს, ტყვედ წამოყვანილს მაჰმადის დროშას, როგორც სიმბოლოს მუსულმანთა ძლიერების დამხობისა.

ასეთია შინაარსი ამ მესიანისტური ჰიმნისა.

დაწერილია ჰიმნი კლასიკური იამბიკონით, ფილოსოფიური პოეზიის კანონზომიერებული სტილით. იამბიკონს ახასიათებს მკვეთრი ჭედი პოეტური სიტყვისა, მხატვრულის ლაკონიზმით ნაკვეთი სახეები.

* როგორც სხვა იამბიკონი თამარისა, ეს იამბიკოც მთლიანად მოყვანილი, და ასევე, ახალ ქართულზე გადმოთარგმნილია პ. ინგოროყვას ნარკვევში, მაგრამ ვინაიდან ჟურნალის ამავე ნომერში

მონუმენტური სტილი ფილოსოფიური პოეზიისა, ხოლო ამასთან ერთგვარი ოფიციალური ტონი იამბიკონთა სავსებით შეეფერება მესიანისტური იდეოლოგიის იმ დეკლარაციას, რომელსაც წარმოგიდგენს ეს ჰიმნი.

თამარის ფილოსოფიური სოფლზედა, ეს არის ქრისტიანიზმი, გაშუქებული ელინური ფილოსოფიით.

თამარ გამოდის ქრისტიანული იდეოლოგიის დამცველად, როგორც უზუნაესი მეფეთ-მეფე ქრისტიანული აღმოსავლეთისა.

მაგრამ, ქრისტეს მოძღვრება არის არა მარტოდენ ოფიციალური თვალთახედვა, რომელსაც იცავს თამარ, როგორც ქრისტიანული მსოფლიოს უზუნაესი მბრძანებელი, არამედ ქრისტიანული მოძღვრება — ეს არის თამარის ფილოსოფიური სოფლზედვის ნამდვილი არსი.

გვ. 36, ამ იამბიკოს საგალობლის ნოტი და ასევე მისი ტექსტი იმეკლება, რედაქციამ იგი წერილიდან ამოიღო.




მთავარაპისკოპოსი თაღოზი (ორაგაზვილი)

* * *

იყვნენ დიდნი, დიდნი სულნი,
სიკეთით და სიბრძნით სრულნი,
აღვირსხმიდნენ ყველა სურვილს, —
სამამულო ზრუნვის გარდა;

ამ წარმავალ წუთისოფელს,
წამისა და წამის მსწრობელს,
სიმაღლის და მადლის მემობელს, —
არად სთვლიდნენ, არ უყვარდათ...



მკაცრი მცნებით იყვნენ მკაცრნი,
ჰქონდათ მადლი უფლის ტაძრის,
იმათ ყოფნას ჰქონდა აზრი, —
ისე, როგორც ცაზე მზისას, —

მთებად წამომართულები,
უმაღლესად ქართულები,
ფუტკარივით გართულები,
მსახურქმნილნი ნათელისა...



ლოცვა ბაბა-ღმერთისადმი

ისმინე ღალადისი

ყოვლად ცოდვილისა
მონისა შენისა...

რამეთუ წერილ არს:

„მიეტყეს წყალობა წინაშე ღვთისა
ჯვარცმულის სახელით მკედრებელსა“,

გვედრებ უფალო!

მოჰმადლე მონასა შენსა

საკურნებელად სულისად

ფრთეთა ქვეშე შენთა ყოფნა,

რათა არა მიხილონ უღმრთოდ

დარჩენილი მადევართა და

მაჭირვებელთა ჩემთა,

და არა ვიქმნე ღაცეზულ გეჰენისად.

მიწყაღე მე უფალო, მიწყაღე

მონა მისა შენისა;

ვითარ ღალადვეო მარად:

წმიდა ხარ!

წმიდა ხარ!

წმიდა ხარ, საბაოთ! —

მამაო ღმრთისა ჩემისა,

ყოვლად მწყალობელო,

ამინ.

მურთაზ ჩახავა



სულხანდუბერი

ცანა ცათანა*

ზავლავ შილაკაძე

Andante $J=66-69$

mf

ცა- სა ცა- თა-სა დამ- წყებს. ღმერთ- მთავ- რო- და- სა ძე სა- უ- ე- ნობს

mf

პირ- ვე- ლი და კვა- ლა- ღი სულ- მან ღმრთი- სა- მან სრულ- ყო- ა- რო- დეს კნა- ღი

პირ- ვე- ლი სულ- მან ღმრთი- სა- მან სრულ- მან

პირ- მშორ- სა

სა- შე-ბითსრულ-მან ერ- თი- თა ღმრთე- ე- ბი- თა ში- წით პირ- ვე- ლის პირ-მშორ-სა

სრულ- მან ღმრთე- ე- ბი- თა პირ- მშორ- სა

* თამარ მეფის იამბიკო ეპიტორიანი და აზმანი შარავენდელ-
თანი. კ. კეკელიძის გამოც., 1941, გვ. 109-110.

კ- ცი- სა. შენ მი- გრ მის-თვის დრკუი- სა

მის ვან- შე- ბე- ლი, როს დრკუი მიღრ- კა უე- ნე-ბელ-მან, ნე-ბი-სად- ძი

ენე- ბაი უე- ნე- ბელ- მან
 იგ- ხო და ვენე- ბაი ჰირ- ვე- ლი უე- ნე- ბელ- ყო. შენ- გან შო- ბილ- მან
 იგ- ხო და უე- ნე- ბელ- ყო შენ- გან

ხვენღირაგუეუხაალ- მო- შო- ბად ნა- თელ- სა, ნა- თელ-
 ალი- მო- შო- ბად ნა- თელ- სა, ნათ-ლი- თა მხედ- ვე- ლო-
 ნა- თელ- სა, ნა- თელ-

სა. *senza metr...*
 ბად. შენ- განქალწუ- ლო რო მელ-სამეხ-თვის და- ვით როკ- ვი- და, ძი- სა ღმრთი-სა
 სა.

მელ შენ- და ყო- ფად. შე თა- ძარ, ძი- წაიშე- ნი და მი- ე- რი- ვეი, ცხე- ბუ- ლო- ბა- სა

ღირს შევც და თვი- სო- ბა- სა. ე- დებს, ლადირთად, დარდი-ლოით შე ა მფლო-ბე- ლი, ი- ა- ვარს
 სამხრით

შენ- და ვართუ-მე-ლობ, ხა-ლი ფასდრო-შა მა-ნი ა-ე-სა შეერ-თე. ცრუსჭულთ-მოძლუ-რი-სა ზოდ

ძო-ძლუ-ნი- ლი, ვინ და-ეით, ეფ-რე-მის ძე-ებრ მო- ი-სარ-მან-მო-ირ-თხზა, ძოსრ- ნა სულტ-ნი-თა

ა-თა-ბა- ვი. ე-რანს ებრ-მო-ღეს ჩემ მი-ერ შის-თა სპა-თა,

ჩუე-ნი მხე-ნი ძო-საე-ნი, შენ-სდა-ლო, ძო-წყლნეს მო-წყვილ-ნეს. სდა-ლო, ძო-წყლნეს,

ა-გარის-ნა-თე-საე-ნი. ძუ-ნით მოხ-მულ-თა ნიკ-თა-გან-ერთ-სა ა-შაა ძო-წყვილ-ნეს ძუ-ნით მოხ-მულ-თა

შენ-და-შევს-წი-რავ ძი-ო-ხე ძე-ებრ ღმერ-თი. შევს-წი-რავ ღმერ-თი.

სავერუბელი ღვთისმშობლისა და მინელსაცხებულ დედათადმი

ჰოი, ჭირისუფალნი დედანო, უფლისა ჩვენისა იესო ქრისტესი!

დედაო მარიაჲ, მშობელი ღვთისსაჲ, დედაო ყოველი ღვთისაო და ყოველი შვილის, ქალწულო, ღვთოვალთ ცისა და მიწის!

ჰოი დედისდაო მარიაჲ, კლეოპასო!

დედაო მარიაჲ მაგდალელი! მიტევებულო და წმიდანად ამაღლებულო, გამორჩეულო სიყვარულით უფლისა მიერ, მენელსაცხებულევ თავად უფლის!

ჰოი დედანო, მახლობელნი და მფარველნი თქვენივე დიდი მფარველისა და თქვენივე პატრონის. ჰოი დედანო! მოწამენო!

თქვენ იყავით საკუთარი თვალთ მხილველნი ჯვარცმული ჩვენი უფლის. თქვენ, რომელნიც სიხარულით გიცოცხლეს შესწირავდით უფალს, წილად გერგოთ მისი წამების მხილველო, ძმარი მიეწურათ მისთვის.


თქვენი დედური ცეცხლოვანება მოთმინებით იტყვდა ჯვარცმას თქვენი შვილისა და პატრონის, თქვენი მოძღვრისა და მშობლიურად გულისწორის. ჰოი, დედანო, თქვენ არ იყავით ჯვარზე გაკრულნი, თქვენ მხოლოდ მოწმენი იყავით ჯვარზე გაკვრის და, უწყის უფალმა, სად იყო სიმწარე დედური ნაღველისა აღმატებული: ჯვარს ქვემოთ თუ ჯვარსა ზედ: რომელი სატანჯველი იყო უფრო საშინელი დედისთვის: თავად ყოფილიყო იმავე ჯვარზე, თუ თავისი საკუთარი თვალებით ემზირა შვილის ჯვარცმისთვის?!

ჰოი დედანო, გულდამწვარნი, გულძლიერნი! ტანჯვით ნაწრთობნი კელაპტარნი! ეს ლოცვა ჩვენი აღვლენილი თქვენი ციური მეობისკენ, ეს ზადილი, ვედრება მთელი ერის გულისჭრილით ამოხეთქილი. ეს ზადილია, როგორც ქუხილისა და გაზაფხულის წვიმის შემდეგ, საქართველოს უძირო ცაზე წმიდა ელიას ეტლის გრიალში გათენება თეთრი ნუშებისა და ჩვენი მრავალი სატყვივართ დედა ღვთისმშობლისა და წმიდა ნინოს ნაადრავი თვალბიდან ცვარდაკმული ვენახების.

ჰოი დედანო მოწამენო! თქვენდამი აღავლენს დღეს ლოცვას სამფარველოს, თქვენ მოვიხმობთ ნუგეშად და შემწედ ღვთის დედის წილით წილხვედრილი ქვეყანა ძველი იბერიისა!

როგორც მამამ მიიღო და მიიახლა ზეცად მაცხოვარი, აღდგომილი უფალი იესო ქრისტე, მიიახლა მარჯვნივ თვისად, ეგრეთ მიწამ საქართველომამ მიიღო სამოსელი იესო ქრისტესი თავისი გულითა და კალთით, მიიღო და დაიმარხა კვართი უფლისა. დაიმარხა გულში დიდებულ მაცხოვრის ამქვეყნიური სიცოცხლისა, და საშუალოდ აღებყრა იგი დედური სიყვარულისა და ზრუნვის სადიდებლად. ჰოი დედანო, მოწამენო, თქვენ უწყით მალღით, მთელს საქართველოს მოეფინა სამარადისოდ სითბო დედური ზელებისა, რომელმაც ქსოვა ღამეთა თვეით უფლად მოვლენილი შვილის პერანგი.

მიიღო და მიიბარა კვართი უფლისა მიწამ ქართლისამ და კვართთან ერთად მიიბარა მცხეთელი ქალი, სიდონია, ელითვის და. მან ვერ გაუძლო უფლის ჯვარცმას



და, ისე, როგორც შვილის სანაცვლოს, ჩაქრა რა კვართს მაცხოვრისას, ვერ გაჰყარეს იგი მისგან. უფლის კვართზე დალია სული. ჰოი დედაო, ტირილითა და ზარგოდებით კვართზე დამკვდარო! ჰოი დედანო, მენელსაცხებულედ მოღწეულნი! მიწამ ქართლისამ მიიღო და მიიბარა საყვარელ უფალს, შეხორცებული და განუფრელი, თქვენი დედობის გამგრძელბელი, თქვენი ტირილის გამგრძელბელი, სიყვარულის ცხელი ქარიშხლით სულშემდრული, ვერგადამტანი და გულგამსკდარი მაცხოვრის ჯვარცმით, საქართველოში მოხვეწებულ კვართზე დამკვდარი მცხეთელი ქალი — გვირგვინი მოთქმის, ჭირისუფლობის, გოდებისა და დიდი გლოვის.

ჰოი დედანო, უფლისანო, წამებულნი და ნეტარნი დიდნი! დედანო და შვილნი ჩვენი უფლისა! როგორც ერთდებიან მდინარენი, როგორც მცხეთასთან შეერთებული მოდის არაგვი, არაგვი თეთრი და არაგვი შავი, ეგრეთ მიერთვის ერთმანეთს ცრემლის ღვარი ჯვარცმის მოწამე დედებისა და კვართზე დამკვდარი მცხეთელი ქალის! მთელი საქართველოს დედური მადლი გულზე მტლედ დაღებული სიყვარულივით ჩააქვს მცხეთელ ქალს სამარეში უფლის სამოსთან. მთელი საქართველოს მოზარე დედათა სითბო და ალერსი ედება უფლის პერანგს მასზე დამკვდარი სხეულის ძალით და ამ სიკვდილით, ამ გულში ჩაკერით საშუალოდ ეპატრონება წმიდა მიწა იბერიისა უფლის სიყვარულს სვეტიცხოვლის წმიდა კედლებში.

სვეტიცხოველი ეკლესიაა საფლავისა, უფლის სამოსი კვართის სამარხისა; სვეტიცხოველი სამარხია უფლის სიყვარულით მკვდარისა, ამიტომაც მადლებელი დედა კვართი მთელი საქართველოს მიწისა, ტანტი სამარადისო დედობისა და ამიტომაც, დედა ღვთისა — თვით ღვთისმშობელი თავისი ფრთებატალბეული შარავანდედით, იფარავს ჩვენს მიწასა და სულს... მიწას, რომელსაც მიიბარა კვართი შვილისა, სულს, რომელიც კელაპტარივით ადგა სამარეზე ამ საუფლო პერანგის სამარხს.

სული მაღალი, მშობლიური კელაპტარო სვეტიცხოვლისაჲ, ანთებულ კვართის სამარხზე, სული ნათელი! შენ ამღერდი და ანშიანდი! შენ ამღერდი ყოველი გაზაფხულის ახალი თრთოლვით! ღრუბელ-ღრუბელ ანანაეებით, შენ აიტანე, როგორც სურნელი ნელსაცხებლის ჩვენი ერის სუნთქვა და განცდა, ყოველი ტანჯვა და წამება ჩვენი მაცხოვრის მგლოვიარე დღეთა გახსენების, ჩაუქრობელი ჩვენი ცახცახი და თრთოლვა ჩვენი, აიტანე მაღლა და მაღლა მაცხოვრის დატანჯული სხეულისათვის.

სული მაღალი, დედაბოძო დედობის ძალის! შენ შეჰკარი ერთ ყვავილწულად სიყვარული ყველა დედისა, როგორც გვირგვინი და ზეციურად სურნელოვანი ნელსაცხებელა შესაწირავი ჩვენი უფლის... სული ქართული, შენ შესძელი, შენ დასძარი მეოხად და შემწედ ჩვენი ერისად ყოველნი ძალნი ზეცისანი, შემწედ უფალთან მიახლებსა და ზეციური მიერთების.

ჰოი დედანო, თქვენ დასძარი ყველა აკვანი, თქვენ აღებყარი ჩვენი ერის უმანკო სულის აღსაზიდად, ზეციურთა დედათა მაღლით, შეუძლებლის შემძლებელთა, სიყვარულისა და სურნელების ზეციურ ტახტზე დასავანებლად.

ჰოი დედაო, ღვთისმშობელო, დედაო ღმრთისაჲ, ჰოი დედანო, ჰოი მარიამ მაგდალელო! შენ უწყოდო... თვით უფალია სურნელეა ზენაარული, რომ ტანი მისი და სხეული ცოდვითაჲ უკარებელი ჭურჭელია უბიწოების, შენ უწყოდო, რომ ყოველგვარი სურნელეა ამქვეყნიური მხოლოდ ხატია უბილავი სურნელების, ზენაარულის, და შენ წარხოცე შენი თმებით წმიდანებრივით, შენი თმების ამო სურნელით ფერხნი უფლისა, შენ შეიშრე შენი თმებით სისოველე შენი ცხებული ნელსაცხებლის უფლის ფერხთაჲან. ჰოი სათნოებაჲ და მოწიწებაჲ! ჰოი მარიამ, როგორც შეერთდა საქართველოში ნინოს თმებით ჯვარი ვაზისა, ეგრე შეერთდა შენი თმებით გზანი უფლისა და გზანი დედათა სიყვარულის. ყოველივე დასრულდა ჯვარცმით, მაგრამ დასრულდა ამაღლებით და უკვდავებით, შენი პირველგამოცხადებით და მხილვარებით.

ჰოი მარიამ მაგდალელო, პირველ მტირალი მაცხოვრის ლოდზე, იავ მოსული ერთ ღამეში ახლადგატრილი საფლავის კლდესთან, ჰოი დედაო მოქვეითინეუ ცხელი ცრემლებით, მაცხოვრის ფერხთა შემამრობელო შენი თმებით და შეუშრობელი ცრემლის ღვარით დამწვლულბელო მაცხოვრისაჲ საფლავის ლოდის! ჰოი დედაო, რიკრუბინდბუნდში, ვითარ მზეჩამქრალი ქვეყნიერების

სიბნელეში მძებნელო დედაჲ, ვერ კიდევ თბილი, ახლად გაციებული უბიწო გვაშის... ჭირისუფლო, და რჩეულო! განუფრულ ევაჲ დედა ღვთისას ჩვენი ერის მფარველობაში, განუფრულ ევაჲ, როგორც განუფრულ იოვა ბინა კვართმა საუფლომ ჩვენს მიწაში.


ჰოი დედანო, წამებულნო და განწმედილნო, თქვენმა დედობამ, უძძლაერესმა, ერთგულბამ და თავშეწირვამ, თავდაეწყებამ დედობისამ, დე ანთოს მუდამ ყოველი კერა და ყოველი ცეცხლი ჩვენი ერისა მაცხოვრისადმი სასოვბით, დე ანთოს მუდამ უშრეტი გზნებით სიყვარულის. დე, ნაშიერნი სოლომონიან-დავითიანთა, ნაშიერნი მაცხოვრის სისხლის, ინახადუნენ წვეთებს მისას, როგორც ცის ნამის მარგალიტებს, მიმოკარველს ერის სხეულში! ჰოი დედანო, უფლისანო, ცის დედოფალნო, მიიღეთ ვედრებად აღვლენილი ლოცვა ჩვენი, რომ თქვენი ზეციური ტახტი საქართველოს ცაზე იყოს მარადისი და უსაყვარლესი საბრძანისი უფლისა ჩვენისა იესო ქრისტესი.

თქვენი დედური და გულის რჩეული სიყვარულის ძალით მარად ერთგოდეს ერთმანეთის სულს, საქართველოა ზეციური და საქართველოა მიწიური. დე ჩვენი ერის მლოცვარე თვალებში თქვენი დედური მეოხებითა და ძალისხმევით, მარად ენთოს ჩვენი უკვდავი მზეჭაბუკი, ჩვენი ვაჯარცმული და ტანჯული მხსნელი, ჩვენი აღდგომილი და გაბრწყინებული, მარად ჩვენთან მყოფი და განუყრელი უფალი თქვენი — იესო ქრისტე. დე, შენი ზეციური თმებით, საქართველოზე ჩამოშლილით, მარიამ, წარხოცოს ნელსაცხებელი ჩვენი ერის აღმსარებელი სულისაჲან.

დე, თქვენი დედური, ყოვლისმომტვევებელი სიყვარულის ძალამ არ მოაკლოს მაღლი ციური და განაძლიეროს ჩვენი ერის გულსა და თვალებში შემძლეობა და ნიჭი უფლის მხილვარებისა, ყოველივე ღვთიურის აღქმისა და გაფრთხილების, უფლის სათუთი ტარებისა გულისგულში, თქვენმა დედობამ განაძლიეროს საქართველოში უფლის ერთგულებისა და უფლისათვის თავდადების ნიჭი, რამეთუ ერი ჩვენი და ქვეყანა ჩვენი ქართული, მიწა ჩვენი და სული ჩვენი, გადაწულია უფალითან და არსად არის გზა სხვა არსებობის, თუ არ ერთიანი ყოფნის, საქართველოისა და უფლისა ჩვენის, იესო ქრისტესი, თუ არ ერთიანი ყოფნის საქართველოისა და დედა ღვთისმშობლის, საქართველოისა და დედობის ძალის.

გინხაროდენ, მიმადლებულნო, უფალი ჩვენთან არს.

8. სურათი



გ ა მ ო ს ა თ ხ ო ვ ა რ ი

პროფესორი ივანე ლოლაშვილი

ამა წლის 29 აპრილს (12.V), დავით გარეჯის საეპისკოპოსოს, უცაბედად გარდაიცვალა საქართველოს მეცნიერებათა აკადემიის რუსთაველის სახელობის ლიტერატურის ინსტიტუტის უფროსი მეცნიერი თანამშრომელი, პროფესორი ივანე ლოლაშვილი... და, ამ სახელს, თვით სიკვდილმაც კი სიმბოლურად გამოკეთა მისი პიროვნების არსებითი მხარე, — ცხადყო, თუ რაოდენ ეტრფოდა და ერთგულად იგი წინაპართა ნაამაგარ-ნაანდერძებს, მათი შეგუებებისა და წარმოჩენის საქმეს.

მოციქულთაწარისა და საქართველოს განმანათლებლის წმიდა საფლავი, გამშვენებული მონასტრით, რომლის სანახებს შორის 1918 წლის 26 დეკემბერს დაიბადა და ნათელიყო, კუმწვილს იმთავითვე სასიკეთოდ აფიქრებდა. პაპა ვანო, მართალი და გამარჯვებული, სწორად უამბობდა თურმე წმიდა ნინოსა და მამა-პაპათა თავგადასავალზე, მათ გმირობა-ვიკაცობაზე, სამშობლოსა და ხალხისათვის თავდადებაზე...

და, „რაც ერთხელ ცხოვრებად სულს დაანდების, საშვილიშვილოდ გარდაეცემის“. ივანე ლოლაშვილმაც ჩვენი ეროვნული ლიტერატურის, ძველი ქართული, კერძოდ — სასულიერო მწერლობის კვლევა აირჩია. პრინციპად კი — აკად. კორნელი კეკელიძის შეგონება: „მთელი ცხოვრება უნდა შესწირო მეცნიერებას, მხოლოდ მაშინ გამოჩნდება შენი შრომა... ახლა ახალგაზრდა ხარ, ცხადია, ოჯახს მოეცილები, გეყოლება შეილება, ვაგინდება ათასნაირი საოჯახო საზრუნავი, მაგრამ ყოველთვის პირველ რაგში დააყენე მეცნიერება. გიყვარდეს შრომა, იკითხე ბევრი, წერე ხშირად. იყავ ფრთხილი, არ შეგეშინდეს შეცდომისა! ზოგი შეგაქებებს, ზოგი გაძაგებს, ორივე შემ-

თხვევაში წინასწარობა შეინარჩუნე, არ უღალატო ქეშმარიტებას, ყველაფერი განსაჯე ობიექტურად...“ და შევირდამც მოქალაქობის საფუძვლად გადაიხადა მოძღვრის ნამცენები: თუმცა მის ცხოვრებას ნარ-ეკალი არ მოყვებია — გადაიტანა მსოფლიო ომის ქარ-ცეცხლი, იწვინა უსამართლობისა და ბოროტების მარწყუხი... მის მეცნიერულ შრომა-რულუნებას მხოლოდ და მხოლოდ სინდისის ხმა განავებდა.

ბ-ნი ივანე თითქმის ოთხ ათეულ წელს ემსახურებოდა ქართულ მეცნიერებას. იყო ლიტერატურის მუზეუმის და, შემდეგ, ლიტერატურის ინსტიტუტის წამყვანი მეცნიერი. შეისწავლა, გამოიკვლია, კრიტიკულად დაადგინა და გამოაქვეყნა ეროვნული მწერლობის საუნჯენი: ქართული აგიოგრაფიისა და ჰიმნოგრაფიის, კანონიკისა და ჰომილეტიკის, ლეონტიძეებისა და ფილოსოფიის, ისტორიული, პოლემიკური და ფილოლოგიური მწერლობის შედევრები და, ამდენად, განმარტა იერუსალიმელთა, მთაწმიდელთა, პეტრიწონელთა, იყალთოელთა, გარეჯელთა თუ ქართული კულტურის სხვა საეპისკოპოსო ლიტერატურული მემკვიდრეობის ბევრი ბუნდოვანი, ჩვენითვის გამოუცნობი, ისტორიის უღმრთელი მახვილის მიერ გაუჩინარებული მხარე. ვადავით შალა პეტრე იბერის, ეფრემ მცირის, შოთა რუსთველის, თამარ მეფის, სულხან-საბა ორბელიანის, ანტონ კათოლიკოსის, ნიკოლოზ ბარათაშვილის, აკაკი წერეთლის, გიორგი ლეონიძისა თუ სხვათა შემოქმედების საყურადღებო ფურცლები და ასე მიიტანა საკუთარი წვლილი საქართველოს ეკლესიის საკურთხეველზე. იმუშავა მოყვასთათვის, წინაპართა სულიერი სიღრმისა და განცდის წარმოჩენისათვის. იგი იყო კაცო, რომლის საქმენი დადებენ: „ღვაწლი კეთილი მომიღვაწუბიეს, სრბაა აღმისრულებიეს, სარწმუნოებმა დაიმარხავს“ (2 ტომ. 4,7).



თითქოს ბუნებრივია, რომ სწორედ მას უჩვეულო ძალით დაეუფლა თურმე საფილოსოფოსო ფიქრი აღსასრულის მოახლოების ეამს, გარეჯის უდაბნოსკენ გამგზავრებამდე, „გასულ ხუთშაბათს — გვიამბობენ მისივე კოლეგები (გაზ. „ლიტერატურული საქართველო“, 1984, № 21) — ერთი აზრი გავგვიზარა... „ქებათაგან სოფლისათა აღმოიყვანე, ლეონტიშვილო“, — ეს ფრაზა მაფიქრებსო — თქვა. ჩვენი ძველი მწერლობა მართლაც სოფლის ქებათაგან კაცის ამოყვანა და ხსნა არ არისო? — დასძინა... შაბათს დავით გარეჯის უდაბნომ უხმო. ბერების ნამოღვაწარის მკვლევარმა მათსავე სამყოფელს მიაშურა...“ და სწორედ იქ, ნათლისმცემლის მონასტრის კარიბჭის წინ, „სოფლის ქებათაგან ამოყვანაზე“ მისმიერი ფიქრი ერთგვარ წინასწარმეტყველებად იქცა: ბნელი და ღრმა ქება-ორმოლან ამოასვენეს მისი ცხედარი.

6. პაპაშვილი

პრეზიბიტერი გიორგი ბოლდაშვილი

„ისწარფდით დამარხვად ერთობას... საკრეველითა შით მშედობისათა“ — გვამცნობს მოციქული (ეფეს. 4,3) და, თანახმად ამ მცენებისა, თბილისის ევანგელისტ და ქრისტიან-ბაპტისტთა ქართული თემის პრეციტერის — გიორგი იროლიონის ძე ბოლდაშვილის (1913—1984) — ცხოვრების არსი „ურთიერთის სიყვარული“ იყო, იდეალი — „ერთობასა სარწმუნოებისასა“ მიწვენა: თანამემამულეთა — ქართველთა შორის ურთიერთდობის დასადგურება, სარწმუნოების ნიადაგზე ჩატეხილი ხიდის გამართლება.

თითქმის 17 წელიწადს წინამძღვრობდა იგი, პროფესიით ინჟინერ-მშენებელი, სხეულზე თემს: ნიადაგ ქადაგებდა და ლო-

ცულობდა ქვეყნისა და ერისათვის, საყოველთაო მშვიდობისა და სიყვარულისათვის.

ბ-ნი გიორგი იყო ერთ-ერთი თოსანი ევანგელისტ-ბაპტისტთა დიალოგისა ქართულ მართლმადიდებელ ეკლესიასთან. 1982—83 წწ.-ში იგი, თავისი საქმის რამდენიმე წევრთან ერთად, სისტემატურად ხვდებოდა ორთოდოქს მორწმუნეებს (საქართველოს კათოლიკოს-პატრიარქის მიერ საგანგებოდ შედგენილი კომისიის წარმომადგენლებს) საქართველოს საპატრიარქოში, სადაც დიდის ტაქტიკითა და ქეშმარიტებასთან ზიარების წრფელი სურვილით განიხილავდა რჩელის ამა თუ იმ მხარეს.


ამგვარი დიალოგი საქართველოს ეკლესიის ისტორიაში, რამდენადაც ჩვენთვის ცნობილია, გასწვლავ ბ-ნი იარის მოსაშუშებლად ერთ-ერთი ღირსეული ნაბიჯი იყო, რადგან იმხანად საამო შედეგი მოჰყვა. ივერიის სამოციქულო საყდრის სა-



ქეთმპყრობელის ლოცვა-კურთხევით, ბაპტისტი ხუცესი სიონის კათედრალში ქადაგებდა ზოლმე (სამშაბათობით)... მსუბუქი იყოს მისთვის საქართველოს ღვთიკურთხეული მიწა.



— „მოვლივარ!
 აპა! ამოვლივარ!
 შითხარი, —
 საით?
 — მაღლა! სულ მაღლა!
 მწვერვალისაკენ...“
 გოეთე



უმბა. ფოტო გ. ზუმბაძისა



ნეტავ, რა ზნე სჭირს

ზე სვლა... ზე სწრაფვა... თანდაყოლილი თვისებაა ყოველივე კმნილის. ბალახი მაღლა მიისწრაფის. მიწაში ღრმად ჩამარხული პატარა მარცვალი გააღწევს მიწის საფარს და მაღლა მიიწევს.

ზეები? ბუნების ზეაწვდილი ხელები. ფრინველები... ყოველივე მიისწრაფის მაღლა... შემოკმედისკენ.

ხშირად ეს სწრაფვა დაუოკებელ წინადაცევა და აშენებს კოშკს, ცას ადგამს კიბეს, ფრთებს იბამს, მიიწევს მაღლა, მიწასაც ენარცხება, მაგრამ ვერც სიკვდილი ვერ აჯერებს მას, რომ ის მიწაზეა მიჯაჭვული. საოცარია ალბათ, ამიტომ არსებობს ალპინიზმიც...

— რა უნდა ამ ხალხს მაღლა? რატომ იკლავს თავს???

— არაფერი! გარდა მწვერვალზე ასვლის...

პასუხობ და ფიქრობ, რომ ხსნა არსებობს.

რომ ადამიანი არა მარტო სუსტი და ცოდვილია, არამედ მშვენიერი...

„იხილა ხატი ღვთისა და ზნე ცხოვლისა, იხილა სიდადე და სიმდაბლე თვისი, სიკეთე და ბოროტება, სიყვარული და სიძულვილი, იგრძნო მსხვერპლის გაღების დიდი უნარი და მის გვერდით უღმობლობა და უსაზღვრო ეგოიზმი... კაცი უპირველეს ყოვლისა, ხატია ღვთისა...“

ილია II

(საადღვომო ეპისტოლე. 1984 წ.)

მაგრამ ეს ექვსი მოამსველის სიცოცხლე... ეს მსხვერპლი...

უცბად ცხელი ტალღა გულს მოასკდება, შეგრძავს რაღაც იღუმალი აზრი, მერე მას იტყვის ხამაღლა ვიღაც უფრო უშუალო, უფრო სუფთა, უფრო გულუბრყვილო... მერე დაისადგურებს მდუმარება, მაგრამ აზრი დარჩება...

— რა უნდა ამ ხალხს? რატომ იკლავს თავს?

— არაფერი. გარდა მწვერვალზე ასვლის.

ადამიანი იმისთვის შეიქმნა, რომ ზე ისწრაფოს.

„კაცი, უპირველეს ყოვლისა, ხატია ღვთისა...“



სიკვდილსა

...ტაძარი საესეა ხალხით. ტევა არ არის.
ძნელია სუნთქვა.

ყველა სასანთლეზე იწვის და იღვენთება ბევრად მეტი
სანთელი, ვიდრე ეტევა.

ყველას ხელთ ანთებული სანთელი უპყრია, ზოგს ორი,
ზოგსაც სამი...

ვიღაც ტირის უხმოდ, ვიღაც ქვითინებს, ვიღაც იკა-
ვებს თვალეზე მომსკდარ ცრემლს...

ტაძარი საესეა გალობის ხმებით. ყველა იჩოქებს.

იჩოქებს ისიც, ვისაც ჯერ არასოდეს დაუჩოქია სანთ-
ლით ხელში ტაძრის ცივ ქვაზე, ვინც პირველად სუნთ-
ქავს ათასი სანთლის გახურებულ ჰაერს და ჩნდება შე-
გრძნება, რომ ყველა ერთია. აქ არის ის, ვინც დღეს ცო-
ცხალი აღარ არის, აქ არის მთელი საქართველო, — „სა-
ქართველო მიწიერი და საქართველო ზეციერი“...

ექვსი ზარი წვრილებს თეთრი ყვავილებიდან შეკ-
რულ ჯვარზე, თითქოს ექვსი სიცილი რეკს...

ყველა ერთია.

„განუსვენე შენ უფალო სულთა მიცვალებულთა მო-
ნათა შენისათა...“ გალობს გუნდი.

წვრილებს ექვსი ზარი...



— მოიხსენე უფალო სული გარდაცვალებულთა მო-
ნათა შენთა — გიორგი ზუმბაძისა, ირაკლი გელდიაშვი-
ლისა, დავით თარხნიშვილისა, დავით კობახიძისა, გი-
ორგი ტუშურისა, მურად ჭიჭინაძისა...


— ფაღერს პატრიარქის წყნარი, ღრმა შინაგანი ძალით
დამუხტული ხმა და გებადება სრული შეგრძნება, რომ
ეს ექვსი სული საიმედოდ ჩააბარეს დიდსა და თბილ
ხელეებს.

აღბათ ეს არის ნუგეში.

**ისინი გპირულად დაიღუპნენ და
უკვლავყვეს სახელი თვისი.
ვილოცოთ მათთვის და შავთსოვოთ
მათ სულეზსაც ილოცონ
საქართველოსათვის.**

კათოლიკოს-პატრიარქ ილია II ქადაგებიდან





Սյունիք. XII և.

წარსულიდან

ზოგი რამ ეგვიპტე-სახარტველოს ურთიერთობის ისტორიიდან

ეგვიპტისა და ქართველთა წინაპრების, და საერთოდ, ქართველურ ტომთა ურთიერთობის ისტორია კაცობრიობის უშორეს წარსულში იწყება. ამის შესახებ ცნობები და მინიშნებები თუმა ძუნწად, მაგრამ მაინც არსებობს. ეგვიპტე, თავისი ღრმად კოლორიტული ბუნებით, სულით, ფილოსოფიით მუდამ იზიდავდა სახელმწიფოთა თუ ცალკეულ მოაზროვნეთა ინტერესებს. მისი მხურვალე მზე, გასაოცარი, ღრმად მიუწვდომელი ხელოვნება, რელიგია, საგლობლები, მითები... და ბოლოს თვით ხალხი, რომელმაც ეს, თანამედროვე ადამიანის გონებისათვის ხშირად ამოუცნობი კულტურა შექმნა, რომელმაც თავისი შორეული ნააზრები გამოქვაბულთა კედლის მხატვრობებსა თუ ქანდაკებებში, პერგამენტებსა თუ ფარაონთა პირამიდებში, ასევე სხვა უზარმაზარ კულტურ ნაგებობებში ჩასტოვა და ჩააქარავდა, არის ის ხალხი, რომელიც კაცობრიობის აკანთან იდგა, რომელმაც განვითარების ყველა ეტაპზე სულის უმნიშვნელოვანესი ნააზრები დაგვიტოვა. ამ სულის ნააზრეთან ჩვენი უშორესი წინაპრების გზაც ხშირად მისულა...

ეგვიპტე, ამავე დროს, არის ბიბლიური საწაულების ქვეყანა... სწორედ აქ მიიყვანა ებრაელები მოსემ „უდაბნოსა მის სინაისასა“, აქ ეუწყა მას უფლის სიტყვა და ის ათი მცნება, რომელიც საფუძვლად დაედო კაცობრიობის ისტორიის მთელ მომავალ ცხოვრებას.

1. ეს მე ვარ უფალი ღმერთი შენი, და არა იყენე შენა უცხონი ჩემსა გარეშე.
2. არა ქმნე თავისა შენისა კერბი, არცა ყოვლადვე მსგავსი, რაოდენი არს ცასა შინა ზე, და რაოდენი არს ქვეყანასა ზედა ქვე და რაოდენი არს წყალთა შინა ქვეშე ქვეყნისა. არა თავყანი სცე მათ, და არცა მსახურებდე მათ.
3. არა მოილო სახელი უფლისა ღვთისა შენისა ამაოთა ზედა.
4. მოიხსენე დღე იგი შაბათი და წმიდაყვე იგი: ექვს დღე იქმოდე, და ჰქმენ ყოველი საქმე შენი, ზოლო დღე იგი მეშვიდე, შაბათი, არს უფლისა — ღვთისა შენისა.
5. პატივეც მამასა შენსა და დედასა შენსა, რათა კეთილი გეყოს შენ და დღეგრძელ იყო ქვეყანასა ზედა.
6. არა კაც კლა
7. არა იმრუშო
8. არა იპარო
9. არა ცილი სწამო მოყვასსა შენსა წამებითა ცრუითა,
10. არა გული ვითქმოდეს ცოლისათვის მოყვასისა შენისა, არა გული ვითქმოდეს სახლისათვის მოყვასისა შენისა, არცა ყანისა მისისა, არცა მონისა მისისა, არცა მხეველისა მისისა, არცა ხარისა მისისა, არცა კარაულისა მისისა, არცა ყოვლისა საცხოვრისა მისისა, არცა ყოვლისა მისთვის, რაიცა იყოს მოყვასისა შენისა.

იცვლებოდნენ სახელმწიფოთა თვალსაზრისები, იცვლებოდნენ თეთი რელიგიებიც, მაგრამ ყველა დროისა და შეხედულების ადამიანებისათვის უცვლელი დარჩა ეს ათი მცნება.

ეგვიპტე, ამავე დროს, არის ქვეყანა, სადაც აღზევდა ქრისტიანობის სული... საგულისხმოა, რომ აქაური ქრისტიანები იყვნენ პირველი დამაარსებელი მონოთეიზმისა, ბერობისა და ამას თვით ეგვიპტის ბუნებამ, მისმა ცხელმა მზემ და მკაცრმა კოლორიტმა



მთავარანგელოზი გაბრიელი. სინის მთა

უეუწყო ხელი. ამ ბუნების მელანქოლიური და ამავე დროს, საზეიმო იერი, მისი მარად ნათელი ცა, პირამიდული ხუროთმოძღვრების ილუმინაცია, უძველეს გიგანტურ ნაგებობათა ნანგრევების შემზარავი სურათები ადამიანს ძალაუვნებურადეც განმარტობისა და საკუთარი სულში ჩაღრმავებისაკენ იზიდავს. სწორედ ეგვიპტიდან შევიდა ევროპასა და აზიასი, თვით სირიასა და პალესტინასიც სამონოთეიზმო ცხოვრების ტრადიცია. აქვე, თავის საწყის პერიოდში შეიქმნა, როგორც მამათა, ასევე დედათა საგანეები თავისი ორივე შინაარსით — განდევნილობაც და სამონასტრო ცხოვრებაც.

სამწუხაროდ, ქრისტიანობის პირველი პერიოდის ეგვიპტე-საქართველოს ურთიერთობის ამსახველი უძველესი წყაროები ჭარჭარობით არც ისე ბევრია, თუმცა ამ საკითხზე გარკვეული ცოდნა მეცნიერებას უკვე დაგროვილი აქვს. ეს ყოველივე ფრიად საინტერესოა არა მარტო ამ ორი ქვეყნის ურთიერთობის ისტორიის გასარკვევად, არამედ საერთოდ, ქრისტიანული აღმოსავლეთის ისტორიისათვისაც. ირკვევა, რომ ქართველ ქრისტიანებს, აღრეული ხანდანვე მჭიდრო ურთიერთობა ჰქონდათ ეგვიპტის ბერ-მონოთეიზმთან. ისინი განუწყვეტლივ ჩაღიოდნენ ამ ქვეყნის უდაბნოებში და იქ ლოცვისა და მწიგნობრული მოღვაწეობისათვის საიმედო თავშესაფარს პოულობდნენ. ჩვენმა წინაპრებმა უკვე IV—V საუკუნეებში მიაშურეს ეგვიპტის სავანეებს. მაგალითად, IV საუკუნეში აქ უკვე მოღვაწეობდა გამოჩენილი ქართველი მოაზროვნე, წმიდა მამა ევაგრე პონტოელი, ხოლო V საუკუნეში აქაურ უდაბნოში ქართული ბაზილიკაც ააშენეს. «ცოტათი მოგვიანებით კი უფრო მრავლად ჩანან ქართველები სინის მთაზე, რომელიც საუკუნეთა მანძილზე ქრისტიანული მწერლობის ერთ-ერთი მნიშვნელოვანი ცენტრი და წმიდა მამათა — გამოჩენილ მწიგნობართა სამოღვაწეო ასპარეზი იყო. აქ ქართველებმა საკუთარი კოლონიაც დააარსეს, საკუთარი სავანე შექმნეს და მწიგნობრული მუშაობა გააჩაღეს. (ქ. ქველიძე. ძველი ქართ. ლიტ. ისტ. ტ. I. გვ. 92).

სინის მთა ქართველთა მოღვაწეობის უშორესი ადგილია. იგი პირდაპირი გავრქელება ყოფილა პალესტინის, უფრო კი, საბას მონასტრის ქართველთა მოღვაწეობისა.

სინის მთა მღებარეობს სინის ნახევარკუნძულზე, რომელიც მოქცეულია არაბეთის ნახევარკუნძულსა და აფრიკას შორის. ამ-

ყამდ იგი ეგვიპტის არაბთა რესპუბლიკაშია. სინის სამხრეთ ნაწილში აღმართულია მაღალი მთები: სინის, ენსტიმისი, ზერბა-ლიასი, ეკატერინისი და სხვ. მათ შორის უმაღლესი სინის მთაა, რომლის კალთები 1528 მეტრის სიმაღლეზე აშენებულია ეკატერინის მონასტერი.

სინის მთის ძველ მოღვაწეთა შესახებ საინტერესო ცნობები აქვთ შემონახული იქაურ მწიგნობრებს. მათ ჩანაწერებში ვხვდებით მასლებს ქართველთა შესახებაც. მაგალითად ერთი ავტორის ცნობით, სინის მთის ახლოს ყოფილა ადგილი, რომელსაც არსებულა ეწოდებოდა. იქ ცხოვრობდა და მოღვაწეობდა ქართველი ბერი მიქაელი, რომელსაც ახლდა მოწაფე ევსტათი. თუ ეს ცნობა სწორია, მაშინ სინის მთაზე ქართველთა მოღვაწეობა VI საუკუნეში დადგენილ ფაქტად უნდა მივიჩნიოთ" (ლ. მენაბდე. ძველი ქართული მწერლობის კერები. 1980 წ.).

3. უსპენსკი, რომელმაც ორჯერ იმოგზაურა სინის მთაზე, წერს, რომ ქართველებს სინის მონასტერში ჰქონდათ ოთხი ეკლესია: ილიასი ქორეზის მთაზე, ღვთისმშობლისა — დავითისეული იმავე მთის კალთაზე, პეტრე-პავლესი — ქორეზისა და ეკატერინეს მთებს შუა და სებასტიელ მოწამეთა — ლევის ველზე (ამ თვალსაზრისს ტაძარის საბუთების უქონლობის გამო ყველა მკვლევარი არ იზარებებს... ზოგიერთს მიაჩნია, რომ მათი რიცხვი მეტი იყო — 6, ზოგსაც ნაკლები).

ქართულ მასალებში იხსენიება ერთი მონასტერი „მაყულოვანსა შინა“. ერთი ხელნაწერის ჩვენებით, იგი 973 წელს „შეიშობა მონასტრისა შინა მაყულოვანსა“. სინის მთის სულთა მატიანი გვხვდება „მაყაოვანისა ღვთისმშობელი“. ი. გუდვიანიშვილი ერთგან წერდა: „გელესიასა, ადგილსა მას მაყულოვანსა“, სადა ციცილი ეწოდებოდა და არა შეიწუებოდა, ვითარცა იხილა მოსე წინასწარ-მეტყუელმან, არს ტრაპეზი წმიდა და ეკლესია დაფენილი“. პ. კონ-პოვილის აზრით, ელენე დედოფალმა ააგო ტაძარი ადგილსა „დაეწუდესა მაყულოვანსა“, ხოლო შემდეგ იქვე ააგო მონრდილი ტაძარი იუსტინიანემ, მაგრამ არა მის ადგილსა, არამედ მის ახლოს. „როგორც ჩანს, ქართველები ამ სავანეშიც მოღვაწეობდნენ“ (ლ. მენაბდე, იგივე ნაშრომი).

რას ნიშნავს „მაყულოვანი“, ანუ „მაყაოვანის ღვთისმშობელი“? წიგნი „გამოსვლითა“ (III. 1—5) გვაცნობს, რომ მოსე „შეესიდა ცხოვართა ითორი სიმამრისა თვისისათა და მოვიდა მთასა მას ღმრთისასა ქორეზს, ექენა მას ანგელოზი ცეცხლითა აღი-საბიდა მაყულოვანი გამო, და იხილა, ვითარმედ მაყულოვანსა ადია-ტყელებს ცეცხლი და მაყულო იგი არა შეიწუების. თქუა მოსეს: „წარმედ და ვიხილო ხილვამ ესე დიდი, რამეთუ მაყულო იგი არა დაიწუების. ვითარცა იხილა ღმერთმან, რამეთუ მოვალს ხილ-ვად, უწოდა მას უფალმან მაყულოვანი გამო და ჰქუა: „ნუ მოეზ-ლები აქა, წარმედენ ჯამლინი ფერქთვან შენთა, რამეთუ ადგილი ეგე, რომელსა შენ სდგა, ქუეყანამ წმიდა არს“.

სწორედ ამ დიდი სიწმიდის გამო იზიდავდა მორწმუნეებს და მათ შორის, ცხადია, ქართველ ბერებსაც ეს ადგილი. სინელი ქარ-თველები აქ „ქართლისა მშვიდობისა, საზღვართა განმავრებრისა მფეთქთა და მთავართა დაწუნარებისა, მტერთა გარემოჭყევისა, ტყუ-ეთა მოქცევისა, ყამთა დაწუნარებისა და ქრისტიანობისა განმტკი-ციბსაბოვის“ ლოცულობდნენ.

სინის მთაზე მორწმუნეთა და კერძოდ, ქართველი მლოცველე-ბის მომრავლებას იმანაც შეუწყო ხელი, რომ პალესტინის მონას-ტრები, განსაკუთრებით საბასა და ხაიტონის ლავრები ძალზე შეაფეროვნეს არაბებმა. ისინი არავრთხელ აღუბრებიათ მათ და ბერებიც ამოუწყვეტაოთ. სინის მთა კი, როგორც მივარდნილი კუ-თხე, შედარებით მოსვენებული იყო.

სინის მთის ბუნება ძალზე მკაცრია. ზამთარი აქ თითქმის აუტა-ნელია... მაგრამ მაინც ეტანებთან მორწმუნენი. ცხადია იმიტომ, რომ იგი თვით უფლისაგან ხელდასხმული ადგილია. ეს მთა წმიდა მთაა. პირველი ქრისტიანები აქ III საუკუნიდან ჩნდებიან. მალე აქ მათ აღესპანდრიოდან წმიდა ეკატერინეს ნაწილები მოიტანეს და მის ერთ-ერთ მთაზე დასვენეს. ამიტომაც მას წმიდა ეკატე-რინეს მთა ეწოდა. შემდეგ აქ ბერები თანდათან მომრავლდნენ. კონსტანტინე დიდის დედამ ელენემ ეგვიპტის პრეფექტს მასზე ააგებინა პირველი პატარა ტაძარი: არაბებმა აქაც არ მოაყენეს

მორწმუნენი და ზვერჯი დაარბიეს და გადაწვეს მათი საბუთ-ცველები, ამოწყვეტეს ბერ-მონაზონნი; მაგრამ ქრისტეს სარწმუ-ნეობისაგან სწრაფვის შეჩერება შეუძლებელი შეიქნა. წმიდა მლო-ცველი რაოდენობა დღითიდღე იზრდებოდა... რაც შეეხება ქარ-თველებს, როგორც ზემოთ აღინიშნა, ჯერ არსებული მასალების მიხედვით, თითო-ორიოანი უკვე IV—VI საუკუნეებიდან ჩანან. VIII საუკუნიდან ისინი ბევრად მეტნი არიან. IX საუკუნეში კი უკვე მკვიდრად იკიდებენ ფეხს და საკუთარ კოლონიას ააჩვენებენ. ყოველივე ეს, როგორც ივანე ჯავახიშვილი ბრძანებს, „მთელს მას-ლობელ აღმოსავლეთსა და დასავლეთის ქრისტიან ხალხთა შორის საქართველოს პოლიტიკურ სახელგანთქმულობასაც უწყობდა ხელს“. ქართველთა ინტენსიური მოღვაწეობა აქ X საუკუნის მეორე ნა-წევრიდან ღმრავდება, სწორედ სინის მთის შედარებით მიუვალბის გამო, აქ შენახულა არა ერთი ძვირფასი ძეგლი, უძველესი — თარიღიანი თუ უთარილო ხელნაწერები. სინის მთაზე შემოუაგენ-ბულა სავანეებო ხელოც, რომელსაც „სინის მთის ხელი“ ეწოდება. ეს მეტად მოხდენილი და ლამაზი, მრავალი ხელია. რო-გორც მკვლევარები აღნიშნავენ, აქ ძირითადად ხელნაწერთა გა-დაწერას მისდევდნენ. წერდნენ არა მარტო ქართულ ხელნაწერებს, არამედ ბერძნულსაც და არაბულსაც, აქაური ხელნაწერების უმე-ტესი ნაწილი საბას ლავრიდანა გადმოტანილი. საერთოდ ირკვევა, რომ სინისა და პალესტინის საბას ლავრის ქართველ მოღვაწეთა შორის ხშირი მიმოსვლა და ურთიერთობა ყოფილა. პალესტინაში სინის მთისთვის აშენდებდნენ სხვადასხვა საკირთ წიგნებსა და ხელ-ნაწერებს, მეთუ საუკუნის მოღვაწეთა შორის აქ ცნობილია იოანე ზოსიმე, კვირიკე მიმამორელი, ბერის დათუას შეგირდი, ეზრა მღვდელმონაზონი და მესხვეტი, ბერი კვირიკე სახასტერელი, გაბ-რიელი მიქელ, გიორგი, თეოდორე კუელიდელი, იოანე კუმურ-დოელი, გიორგი იწელი, ბასილი, იოსები, მაკარი და სხვ. ყველა ესენი მონაწილეობას იღებდნენ ხელნაწერთა გამრავლებაში. ერთს ეკუთვნოდა თოსნობა, მეორე შეულობდა საწერ მასალას, მესამე ეკუთვნოდა თარგმნობა, მეხუთე წიგნებს უკეთებდა უდას, მე-ექვსე ასურათებდა და ა. შ. (კ. კეკელიძე, იგივე ნაშრომი გვ. 92).

სინის მთის ქართველთა სავანეს განუწყვეტლოვ მთარველობდნენ და მატერიალურად ეხმარებოდნენ ქართველი მეფეები და დიდებ-ულები.

დავით აღმაშენებელმა აქ, ქორეზის მთაზე ააგო ახალი ეკლეს-ია და სენაკები. დავითმა „მთასა სინასა, სადა იხილეს ღმერთ-მთხე და ილია, აღაშენა მონასტერი, და წარსცა ოქროს მრავალ-ათასეულად და მოსაყიდელნი თქსინთნი და წიგნები საეკლესიო სრულებით და სამსახურებელი სიწმიდეთა ოქროსა რჩეულსა“. — გვამცნობს „ქართლის ცხოვრება“ (ტ. I. გვ. 353).

ასევე დიდ შეწირულობას უგზავნიდა აქაურ ქართველებსა და მათ სავანეებს მეფე თამარი.

სინის მთაზე წაუღიათ და დაღუპვიანან ვალაურჩენიათ მრავალი ფრიად მნიშვნელოვანი ძეგლი... ხოლო მას შემდეგ, რაც აქ ქართველთა სამონასტრო ცხოვრება შეწყდა, ეს კი XV—XVII საუ-კუნეებში ხდება, ბევრი ძვირფასი ძეგლი უკვე ან სამუდამოდ დაი-ლუბა, ან გაიფანტა... სწორედ ამის გამო სინის მთის ხელნაწერე-ბი ევროპის სხვადასხვა წიგნთსაცავებსა და არქივებშიც მოიპოვე-ბა. და დიდი ბედნიერებაა, თუ რაღაც შემთხვევა მათ დროდარო გამოჩანეს. აი, ერთი მაგალითი:

XIX ს. ბოლოს ერთმა ავსტრიელმა მხატვარმა ვენის სა-სახლის ბიბლიოთეკაში გასაყიდალ მიიტანა რამდენიმე ძველი ქარ-თული ხელნაწერი. ბიბლიოთეკის დირექტორი დავიდა მხატვრის პატიოსნებაში და ხელნაწერი არ შეიძინა. მაშინ იგი შეიძინა ქარ-თული ენის ცნობილმა მკვლევარმა პეტრე შუხარაძემ. ბოლოს კი მთელ თავის ბიბლიოთეკასთან ერთად გრაცის უნივერსიტეტს უძნ-დებდა. ამ ხელნაწერებს სავანეებო გამოკვლევა უძღვნა აკაკი შანიძემ. (ქართული ხელნაწერები გრაცში. თბ., უნ. მოამბე. ტ. IX. 1929 წ.) აქაა ხანმეტი ლექციონარი, რომელიც VII ს. უნაყოლური ძეგლია.

გასული საუკუნის ბოლოს ქართველ მეცნიერთაგან სინის მთა-ზე იმოგზაურა ა. ცვათარემა (1883 წ.). იგი იყო პირველი მეც-ნიერი, რომელმაც საფუძვლიანად გამოიკვლია სინის მთის ქარ-თულ ხელნაწერთა კოლექცია. ზამთრის საშინელ სუსხიან დღეებ-

ში ათავალერებდა და სწავლობდა იგი სინის ქართულ ხელნაწერებს, სენაკებსა და სარადფებში, ძველი ეკლესიების ნანგრევებში ეძებდა მათ. ა. ცაგარელმა 92 ხელნაწერი ნახა და გამოაქვეყნა.

1902 წელს კი სინის მთას ნიკო მარი და ივანე ჯავახიშვილი ეწვივნენ. „გამათენიდან შუალაშემდეგ ისხდნენ ქართველი მეცნიერები მონასტრის ბნელ საკანში და ქრატის მბეჭუტავ სხივზე შორთოლვარე თითებით ეხებოდნენ სრულიად უცნობი, ვეგებრთელა ქართული ხელნაწერების ჩანაცრულ ფურცლებს; გამალებით იწერდნენ და ამხადებდნენ დღის სინათლეზე გამოსატანად“ (მ. ძიძიგური — ნ. მარი ქართული კულტურის მკვლევარი, თბ., 1965. გვ. 24). მათ სულ 88 ხელნაწერი აღწერეს და ბევრი თითონვე გამოაქვეყნეს.

1927 წელს სინის მთაზე იყო რ. ბლუიკი. მას ბევრი ხელნაწერი უკვე აღარ დახვდრია აღიღებ. მაგალითად, ვერ უნახავს ცაგარელის მიერ აღწერილი 12 ხელნაწერი.

სულ ბოლოს, 1950 წელს, სინის მთას ეწვია ე. გარიტი. მისი ცნობით, ამ პერიოდში იქ 85 ქართული ხელნაწერი ინახებოდა. მრავალი მათგანი მან შეცნობიერებულად შეისწავლა და გამოსცა.

როგორც მასალებმა დადასტურეს, აქ ქართველ ბერებს საკუთარი მიბლიოთეკა და წიგნთსაცავი ჰქონიათ. ერთ-ერთი ხელნაწერში ასეთი რამ იკითხება:

„ვიცნა ესე წიგნი ქართველთა ეკლესიით გამოიღოს, ანუ სხუასა ეკლესიასა წაიღოს, ანუ გაღმა გაიღოს. ანუ სენაკსა შინა აღიღას, ანუ ეკლესიასა სენაკსა შინა დამაღოს, კრულმცა არს ცათა შინა... ისხნენ საწიგნეთა ზედა, ვის ონდენ (!) იკმარს, ვის არა — შუკლბამი მის თანა“.

* * *

ცხადია, ეგვიპტე — საქართველოს კულტურული ურთიერთობის ტრადიციის ცალმხრივი არ შეიძლება ყოფილიყო. სწორედ ქრისტიანობის ადრე პერიოდისავე ამ ორ, ერთმანეთისაგან ტერიტორიულად საკმაოდ მოშორებულ სახელმწიფოს შორის შეიძლება კონტაქტის ერთ-ერთი მაუწყებელია ეგვიპტელ წმიდანთა ქართული ვერსიები, რომელთა შორის ერთ-ერთი მნიშვნელოვანი ძეგლია „ნისიმეს ცხოვრება“.

როგორც ცნობილია, უკვე III საუკუნეში ეგვიპტეში დედათა მთელი რიგი მონასტრები არსებობდა, რომელნიც თავიანთი ცხოვრების მკაცრი არსითა თუ მლოცველთა რაოდენობით ტოლს არ უღებდნენ მამათა საფანევებს.

ერთ-ერთი პირველი ცნობა, რომელიც ამ წმიდა დედათა შესახებ ქართულ ძეგლებში მოიპოვება, ეხება ისიდორა ტრევინიუსს. (ქართული ვერსიით ნისიმეს), რომლის ცხოვრების სამი უძველესი აღწერილობა არსებობს. არაბული, სირიული და ქართული. რაც შეეხება დანარჩენ თარგმანებს (და იგი. მსოფლიოს მრავალ ენაზეა გადატანილი), გვიანდელია. ისიდორას ცხოვრება აღწერეს ევფემ სირიელმა და პალტი ელენოპოლიელმა. ქართული ვერსიის ავტორი ცნობილი არ არის. იგი, როგორც მკვლევარები აღნიშნავენ, ოდნე გვიანდელია, მაგრამ განსაკუთრებით საინტერესოა იმით, რომ წინა ორ, თითქმის ერთნაირ ტექსტთან შედარებით, ეს უფრო განსხვავებულია. მასში მოცემულია წმიდანის ცხოვრების ბოლო პერიოდიც. ნისიმეს (იგივე ისიდორას) ცხოვრების შესახებ სხვა ენებში არავითარი ცნობა არ მოიპოვება. იგი ან არ არის აღმოჩენილი, ან არ არსებობდა, წერს აკადემიკოსი კორნელი კეკელიძე, რომელმაც საფანევებო ნაშრომი უძღვნა ამ საინტერესო ძეგლს (იხ. ეტიუდები ძველი ქართული ლიტერატურის ისტორიიდან ტ. VII. გვ. 77).

„ნისიმეს ცხოვრების“ შინაარსი ასეთია.

...ცხოვრობდა ეგვიპტეში ქალი, რომელსაც ერქვა ნისიმე. მისი შრომები ძალზე მდიდრები იყვნენ, ჰქონდათ 15 ქალაქი თავისი შემოგარენითა და სოფლებით. მისი მამა იყო მეფე, მას ნისიმეს მეტი შვილი არ ჰყავდა. მამამ ნისიმეს ძვირფასი ქვებით შემკული ოქროს გვირგვინი აჩუქა და უთხრა: „...აი, ეს გვირგვინი, როცა ჩემი მეფობის უკმა ვიფარდები, იმ ვაჟს, ვინც შენზე იტოვინებს, ამ გვირგვინით შეუმეცე თავით. ქალწული იგი იყო წყნარი და მშვენიერი, იყო თავდაბალი, მთელი დღეების განმავლობაში სამიდან ცხრა საათამდე კითხულობდა წმიდა წიგნებს და ოცნებობდა სულის მხსნელი გზის პოვნაზე. დაიბოც-

ნენ ნისიმეს შრომებით. გამოიგლოვა ისინი ნისიმემ. მამის დანატოვარი ქონება კი გლახებს დაურთავა, ვათავისუფლა მონები და სასეებით განძარცვული, სახარებით ხელში ჭრისტეს გზას აღგა... გზაში შეიმოსა ნაპოვნი ძონძებით და წავიდა შორს, უცნობი გზებით. მიადრია უდაბნომდე. უდაბნოს მხურვალე მზემ და ქვიშამ მალე დააჭნო მისი მშვენიება. მაგრამ იგი წმიდა იყო და როცა სახარებას კითხულობდა, მასთან შორიანლოს მონდობდნენ მბეცნი და ფრინველი. მათვე მოჰქონდათ მისთვის საკვები და წყალი. ასე დაჰყო ნისიმემ უდაბნოში 40 წელი. შემდეგ კი შემფთოდა: „ვინ ჩემს ცოდვას. მე აქ ცხოვრობ მშვიდად და კეთილად, ვემ და ვსვამ, არ ვხედავ აღამიანებს; ჯობს, წავალ მონასტერში, ვქმნები ჩუმად, მოვიცილებ ყოველივეს, რაც აშქვევნიური სიამაყეა, ვემსახურები განურჩევლად ყველას, დავანან ფეხებს, მოვევლი დალილს, ვიმარხულვ და არ დავიძინებ. ყველას ვუჩვენებ თავს სულელად. დაე მავფოთბონ და მცემონ. მე კი ვილოცებ მათთვის და ყოველივეს მოვიტინე სახეტისა, რათა ღირსი შევიქნა მასთან მიახლებისათ. ასე მიადრია მან ტავენის ქალთა მონასტერში. სადაც 500 მონაზონი ცხოვრობდა. 40 წელი გაატარა ამ მონასტერში. როგორც სულელსა და უვიცს, ხშირად სცემდნენ აქ მას, დასცინოდნენ და თავულებდა ამ უგებდნენ. მაგრამ იგი იყო მორჩილი და კმაყოფილი თავისი ხვედრის. ერთადერთი, რაც ვერავითარი ძალით მას ხელიდან ვერ წარტაცეს, იყო სახარება“.

და აი, ერთხელ ნეტარმა პიტრიმმა თავის კლდის განძარცობულ სამყოფელში იხილა ანგელოსი, რომელმაც ამცნო მას, რომ ტავენის მონასტერში არსებობს მასზე უფრო დიდი წმიდანი ქალი. „შენ აქ ზიხარ მარტო, არაფერი არ გაშფოთებს. იგი კი მონასტერშია, მას სცემენ, დასცინიან, სძაგთ, მაგრამ ითმენს, არასოდეს ღვთისაგან არ გამდგარა. პირიქით, ნეტარებსო“. მაშინ პიტრიმი გამოვიდა თავისი სამყოფლიდან და მივიდა მონასტერში. დედანი გაოგნდნენ, რა ემცნოთ ნისიმეს სიმძიდვე; პირველად მხნენ და თავიანთი სცეს მას... პატიება და ზიარება გამოსთხოვეს... ნისიმემ ლოცვა წარმოსთქვა, ყველანი დაამშვიდა და გავიდა. შემფთოდა. კერ აიტანა ამდენი ყურადღება. და აი ერთ ღამით მონასტერი დატოვა.

შობლოდ ქართული ვერსია გვამცნობს, რომ ნისიმე უდაბნოში წასულა. აქ მის ირგვლივ ყოველ განსაზღვრულ დღეს თავს იყრიდნენ წმიდა მამანი და მისი ლოცვებით მშვიდდებოდნენ. ეს ხდებოდა წელიწადში ერთხელ, დიდ ხუთშაბათს. ამტომაც ამ დღეს დიდი ნათელი აღვასო, გვამცნობს ნისიმეს ცხოვრების ქართული ვერსიის ავტორი. ნისიმე უდაბნოში 400 ბერს მოძღვრობდაო, წერს იგი. ეს ძეგლი ამ მხრივაც ფრიად საინტერესოა. მსოფლიოში ძნელად მოიპოვება სხვა მსგავსი ნაწარმოები, მამათა სიკვანძეში წინამძღვარი რომ ქალი იყოს.

„ნისიმეს ცხოვრება“ ერთ-ერთი უძველესი ქართული თარგმანია. ამაზე მოუთითებს მისი ღრმად მიბლიოური, ამასთან, არქაული ენა. არსებობს მისი რამდენიმე ხელნაწერი. უძველესი IX—X საუკ. თარიღდება.

* * *

ჩვენს ხელთა ერთი უღარესად საინტერესო დოკუმენტი. ესაა თამარ მეფის წერილი ეგვიპტის სულთან სალაჰ ედ-დინისადმი (იგივე სალადინისადმი), ქართველთა ფიცი, რომელიც სალაჰ ედ-დინს გაეგზავნა ქათებ ისპაჰანელის ინშადან...

...„მე, რომელიც თამარი ვარ, გიორგის ასული, მეტყველი უფლის სიტყვითა და პიროვნებით, იმ უფლისა, რომელიც სამაზხოვანია — მამა, ძე და სულწმიდა...“

... ვფიცავ მესიას და მის სიტყვას აკვანში, ... ვფიცავ უბნობასა და კდემას მარიამისა, ვფიცავ „სახარებას“, „დაბადებას“ და „ფსალმუნს“, რომელიც უფლის სიტყვანია მესიაზე, მოესხა და დავითზე (მშვიდობა მათთან) გარდამოსული...

ვფიცავ ჭრისტეს მოციქულებს და რჩეულთ დასთა, ვფიცავ ჭვარცმას...

ვფიცავ ღმერთბრივი და ნივთიერი სამყაროს კავშირს, რომ ამ დღიდან და ამ საათიდან... მავან მავანის ძესთან კეთილი გან-

ზრახვით და კარგი მტკარი ვიქნები. მისი მოყვრის მოყვარე ვიქნები და მტრის მტკარი ვიქნები, სანამდის ცოცხალი ვარ...”

სამართლიანად წერს ერთი ავტორი: „მართლაც შესაძრია ამ მკვლევარის ზედი, რომელიც მიაკვლევს ესოდენ ძვირფას სტრიქონებს, სპარსულ ენაზე შედგენილ საბუთში რომ შემონახულია და თავისი შრომის ნაყოფს შეიხვევლთა ფართო წრეს გაუზიარებსო. (იხ. ლიტ. საქართველო 1982, 22 იანვარი). რაც შეეხება „თამარის ფიცის“ მთლიან ტექსტს, იგი ვრცელი კომენტარებით გამოქვეყნებულია მ. თოდუას წიგნში „ქართულ-სპარსული ეტიუდები“, III, 1979. ამ „ფიცის“ პირველდომინანტის სიხარულიც მას ეკუთვნის.

იმ პოლიტიკური სიტუაციის ანალიზი, რის გამოც ეს წერილი დაიწერა, ამჟამად ჩვენს მიზანს არ შეადგენს. ამის შესახებ რამდენიმე მოსაზრება არსებობს, მაგრამ ერთი მთავარი, რაც ყველასათვის ცხადია, ის არის, რომ გარკვეულ პერიოდში „თამარის სამეფო კარი ეგვიპტესთან კეთილშობილური ურთიერთობის შენარჩუნებას ცდილობდა. (იხ. ლიტ. საქართველო, 1982, 22 იანვარი). თამარის სამეფო კარის კონტაქტი სალადინთან, საერთოდ, ცნობილია. ისტორიკოსი ბაპა ა-დინ იბნ შადადი გვაუწყებს, რომ 1192/3 წ. საქართველოს მეფეთმეფეს, უძველეს თამარს თავისი ელჩები წარუვლენია ეგვიპტის მპყრობელ სალად-დინ ალ-აუბთან და ორასიათასი დინარი შეუძღვია იმ ქვარში, რომელზედაც იესო ქრისტე გააყრეს და რომელიც იმჟამად (1187 წლიდან) მუსულმანების ტყეობაში იმყოფებოდა. როგორც ცნობილია, სალად-დინი (სალადინი) ეგვიპტეს განაგებდა 1171—1193 წლებში. მან 1187 წელს დაამარცხა ჯვაროსნები და დაიპყრო იერუსალიმი. იბნ ალ-ასირის ცნობით, მას იერუსალიმიდან წაუყვანია დაახლოებით 16 ათასი ტყვე. შეასრულა თუ არა სალად-დინმა საქართველოს მეფის თხოვნა, ეს არსებული წყაროებიდან პირდაპირ არ ჩანს. მაგრამ როგორც ირკვევა, ეს ელჩობა სასურველი შედეგით ვერ დამთავრებულა. ეს ჯვარი მუსულმანებს მხოლოდ 1121 წელს დაუბრუნებიათ.“

ცხადია, ეს ფაქტი სალადინთან სასურველ ურთიერთობას ვეღარ შეუნარჩუნებდა საქართველოს სამეფოს და ეს ისტორიულადაც დასტურდება. მაღე კი (1220 წ.) საქართველოს მიწაზე თათარ-მონღოლთა გამორჩენამ ეგვიპტესთან ყოველგვარი კავშირი დიდი ხნით ჩაწყვიტა. ამ დროიდან საქართველოს მძიმე ხანა დაუდგა. იგი მონღოლთა ბატონობის ქვეშ მოექცა.

მხოლოდ დავით ნარინის მეფობის ეამს აღდგა კავშირი ეგვიპტესთან, რომელმაც მონღოლთაგან ქვეყნის დასხნის მიზნით, 1265 წელს სულთანს თავისი ელჩები აახლა და დახმარება სთხოვა. როგორც ივანე ჯავახიშვილი აღნიშნავს, „სულთანს ეს გარემოება, უმეცელია, გაახარებდა, რადგან მისთვისაც სასურველი იყო, რომ ზულაღუ ყაენის მოწინააღმდეგე მისი მოკავშირე ყოფილიყო. ირანის ილხანი ხომ მისი სამეფოს დაპყრობა-დაპატრონებასაც ლაშობდა“. სამი წლის შემდეგ ქართველი ელჩები კვლავ სწყვიან ქაირის და ბაიბარისათვის მეფის წერილი მიუერთებიათ. მაგრამ ამ პერიოდში საქართველო უკვე ორ ნაწილად იყო გაყოფილი, აღმოსავლეთ ნაწილს დავით ულუ მართავდა, დასავლეთს დავით ნარინი. დავით ულუ ყაენს ემორჩილებოდა და იგი თავისი დუნეზურად ეგვიპტის წინააღმდეგ ლაშქრობაშიც იღებდა მონაწილეობას, რამაც ძალზე გააბრაზა სულთანი. დავით ნარინის გულწრფელობა ეგვიპტის გამგებელმა ბაიბარს ბუნდუკარმა თვალთმაქცობად ჩასთვალა და საქართველოს ორივე ნაწილისაღმი მტრულად განეწყო. ამის ერთ-ერთი გამოხატულება იყო ის, რომ ქართველებს აერუსალიმის ჯვარის მონასტერი ჩამოერთვათ და როგორც ალა-ინი ამბობს, მეჩეთად გადაკეთდა. ქართველებს აერუსალიმის ქრისტიანთა წმიდა ადგილებში ჩვეულებრივად წესით სიარული. ისინი ცხენ-სახედარზე ისე უნდა მსხდარიყვნენ, „ვითარცა დიაცნი“, ე. ი. ცალ მხარეს ფეხებჩამოშვებულნი. ეს ერთობ დამამცირებელი სასჯელი იყო, რასაც, ცხადია, საქართველოში მშვიდად ვერ შეხვდებოდნენ. ამის შემდეგ ქართველები უფრო ფართო

ეს საკითხი ვრცელად მიმოხილული ბ. სილაგაძის ნაშრომში „მასალები საქართველო-ეგვიპტის ურთიერთობის ისტორიისათვის“, რომელიც ეხება ქართველების ბრძოლას პალესტინის წმიდა ადგილების გააუქმებისათვის XIII—XIV საუკუნეებში, ჩვენს წერილში მოხმობილი ფაქტები ძირითადად ამ ნაშრომს ეყრდნობა.

მასშტაბით მონაწილეობენ ილხანთა ლაშქრობებში ეგვიპტის მიმართ. საქართველო ეგვიპტისაგან მოითხოვდა წმიდა ადგილების დაბრუნებას და ჯვარის მონასტრის მიტაცების შემდეგ დაწესებული უფლებრივი სასჯელის გაუქმებას; რასაც ბოლოს კიდევ მიაღწიეს, მაგრამ არა ბრძოლით, არამედ მშვიდობიანი მოლაპარაკებით. ეს მოხდა 1301—1303 წლებში. სულთნის ჯარმა სამჯერ ზედიზედ დაამარცხა ყაზან ყაენისა და ვახტანგ III შეერ-თებულო ლაშქარი. საქართველო საბოლოოდ დარწმუნდა, რომ ილხანებს არ შესწევდათ ძალა ეგვიპტის ტერიტორიის, კერძოდ კი სირია-პალესტინის დაპყრობისა. ამ დროიდან საქართველო-ეგვიპტის ურთიერთობის ისტორიაში იწყება ახალი, მშვიდობიანი დამოკიდებულების ხანა.

ჯვარის მონასტრის მატიანეებში შეტანილ № 295/288 აღაპუ-ვითხოვლობთ: „ამსვე დღეს (15 აგვ.) წირგაი და აღაბი საუკუნისა დავით მეფეთ-მეფისა და მეორედ აღაშენებლისაა წმიდისა მონასტრისაა, რომელმან სარკინოზთაგან წარტყუშნული მონასტერი და ეკლესია მიხვითად შეცვალბული ეკლესიადვე სალოცველად შეცვალა და კულად აგო ნათესავსა ქართველთასა, რომლისა საუკუნომცა არს საცენებელი... მიუხედავად აზრთა მეფეთის სხვადასხვაობისა, ამ აღაბისა და არაბული წყაროს, კერძოდ თაკი აღ-დინ აბდ არ-რაჰმან ალ-კადავი ალ-შუჰბის ცნობით ქართველთა მეფეს, რომელიც მამინ (ე. ი. 1305 წელს სულთანთან ქართველი ნასტურის გამოცხადების დროს) თბისლის განაგებდა, დავითი ერქვა. ცხადია, ეს დავითი ამ დროს სხვა არაივანა, თუ არა დავით VIII. ბ. სილაგაძე (იმავე დასახელებულ ნაშრომში) დასაყენის, რომ ქართველი მეფე, რომელმაც ეგვიპტის მმართველს მეჩეთად გადაკეთებული ჯვარის მონასტრის დაბრუნება და იერუსალიმში ქრისტიანთა მდგომარეობის გაუმჯობესება სთხოვა, დავით VIII იყო.

ამ პერიოდში, როდესაც ეგვიპტესა და საქართველოს შორის თითქმის მთლიანად ჩაწყვეტილი იყო ურთიერთობა, ადვილი არ უნდა ყოფილიყო მასთან მოლაპარაკებაზე ფიქრიც კი. ეს ძალიან ძნელი იყო. ამიტომ საქართველოს მეფემ საქმეში ბიზანტიის იმპერატორი ჩაიბა, რომელიც სულთანს ამცნობდა: თუ ჯვარის მონასტრის დაბრუნებაზე უარს არ იტყვი, ქართველები თქვენი ერთგულნი იქნებიან და როცა საჭირო იქნება, ყოველთვის დაგეხმარებიანო. ამ პირობამ გადაწყვეტი როლი ითამაშა და თუმცა უკვე მეჩეთად ქცეული სალოცავის კვლავ ქართველთათვის გადაცემა არც სულთანისათვის იყო ადვილი, (ეს მაშამდიანთა უკმაყოფილებას გამოიწვევდა), მან ჯვარის მონასტერი კვლავ ქართველებს გადასცა და ცხენ-სახედარზე ჩვეულებრივად ქლამის უფლებაც მისცა. ეს ღიადა მნიშვნელოვანი ფაქტი იყო საქართველოს ცხოვრებაში. ამით კვლავ იზრდებოდა მისი საერთაშორისო ავტორიტეტი აღმოსავლეთში... მაგრამ არანაკლებ სასარგებლო იყო ყოველივე ეს ეგვიპტისთვისაც. ამიერიდან ილხანთა ეგვიპტის წინააღმდეგ მუსულმანურ ლაშქრობებში ქართველები აღარ მიიღებდნენ მონაწილეობას, პირიქით, ქართველთა ლაშქარი ილხანთა წინააღმდეგაც კი უნდა გამოსულიყო, თუ ეს ეგვიპტისათვის საჭირო იქნებოდა. ამასთან, საქართველოს გამოსვლა ეგვიპტის მოკავშირედ ძალთა თანფარდობას აღმოსავლეთში ირანის საზიანოდ და ეგვიპტის სასარგებლოდ სცვლიდა.

ეს ფრიალ მნიშვნელოვანი ფაქტი მომხდარა 1305 წელს, დავით VIII მეფობის ეამს (ბ. სილაგაძე, დასახ. ნაშრომი). ამის შემდეგ ქართველი დიპლომატებ ეგვიპტის გამგებლის ხშირი სტუმრები გახდნენ: ქართულ წყაროებში, კერძოდ „ძველი ერისთავთაში“ დაცულია ერთი ფრიალ სინტერესო ცნობა შალვა ჭსინის ერისთავის ძის ბიბა ქვენიფნეველისა და მისი თანმსლები იოვანე ბანდისძის ეგვიპტეში ელჩობის შესახებ. აქ ნათქვამია, რომ მეფე გიორგიმ „წარმოგზავნა ძე შალვა ერისთავისა, რომელსა ერქუა ბიბა, გზასა კმელთასა მრავლითა ძლუნითა წინაშე ნისრელითა და წარაყვა თანა ბანდას ძე დეკანოზი იოვანე და მივიდა ბიბა წინაშე ნისრელისა; ხოლო მან სიხარულით შეიწყნარა ძლუნენი იფე და მისცნა ქლიტენი იერუსალიმისანი. მივიდა ბიბა ზედასა ფლავსა ქრისტესსა და შეემთვა, ეამი აწირვა, ეხიარა და დეკანოზი იოვანე აქურთხეს მოძღუარით-მოძღუარად. და მოაწერეს სამთავნელსა და ერისთავსა ვირშელსა და ყოველსა ერსა ცხრა-

ზმის კვირისა, რომელ მოძღვართ-მოძღვარება ნუვის კელ-ეწი-
ფების თენიერ ამისა, და შემდგომად ვინცა იყოს მონასტრის
(მოძღვართ-მოძღვარი)... ხოლო პიპამან მოილოცნა წმიდანი ად-
გილი და შეკრინა ნაწილი წმიდათანი და ხატნი შეუნიერნი და
წარმოვიდა მასვე გზასა ვეშლით და მოვიდა წინაშე მეფისა და
მოილო იერლაცი შეწყალებისა და აღსრულებად ყოვლისა სათხოვე-
ლისა მისისა. ფრიად განიხარა გიორგი მეფემან, რამეთუ მიეცნეს
კლიტენი ქართველთა“ (ქართლის ცხოვრება. II. გვ. 444—5). ეს
ელჩობა უნდა შემდგარიყო 1316 წელს. (იხ. ბ. სილაგაძის იგივე
ნაწილი. გვ. 103). რადგან მაჰმადიან მწერალთა ცნობებით, ქართ-
ველი მეფის ელჩები ამ დროს ჩანან ეგვიპტის გამგებლის კარზე.
სულთანმა შეიწყნარა ქართველთა მეფის თხოვნა და მისცა მას
„კლიტენი იერუსალიმისანი“, „დაასრულა ყოველი სათხოველი მი-
სისა“ და პატივისცემით გამოისტუმრა შინისაკენ: „ეს დიდად
მნიშვნელოვანი ფაქტი, ბუნებრივია სიხარულს მოჰგვირგინა გიორ-
გი მეფეს. თუ ჯერბს მონასტრის დაბრუნებით 1305 წელს საქარ-
თველომ თავისი საერთაშორისო გავლენა აღადგინა, ახლა ეს გავ-
ლენა კიდევ უფრო გაიზარდებოდა, ვინაიდან სულთანის წინაშე იესოს
საყვანის გათავისუფლების საკითხის დაყენებას და კეთილად გადა-
წყვეტას მისთვის ყველა ქრისტიანი ქვეყნის სწორედგებინაოზი-
სათვის მზრუნველი სახელმწიფოს სახელი უნდა დაემკვიდრებინა“...
და მართლაც, XIV ს. ბოლოს საქართველოს ავტორიტეტი
იმდენად დიდი იყო, რომ მას ანგარიშს უწევდნენ არა მარტო
ქრისტიანული დასავლეთის, არამედ, მაჰმადიანური აღმოსავლეთის
ისეთი დიდი სახელმწიფოს განმგებლებიც კი, როგორც იყვნენ
მაგალითად, ეგვიპტის სულთნები. მათ ჯერ კიდევ XIV საუკუნის
I ნახევარში, სწორედ გიორგი ბრწყინვალის დროს შემუშავებუ-
ლი ჰქონდათ საქართველოს მეფეებისადმი დიპლომატიური მი-
მართვის სპეციალური ფორმა, რომელიც ალ-უმარის მიხედვით
ასეთი შინაარსისაა:

„ალაჰიმ მღალა ხანგრძლივ ჰყოფს ბრწყინვალეობას (მის)
მეფურ უდიდებულესობისა, სახელოვნისა, რიხლისა. მაჰმადისა ლო-
მისა, გულადისა, შემტევისა, ლომ-გულისა, ტახტგვირგვინისა, თა-
ვის სარწმუნოებაში განსწავლულსა, სამართლიანისა თავის
ქვეშევრდომთა მიმართ, რჩეულისა, იღრიკის მეფეთა შორის,
რჩეულისა ქართველთა სულთნისა, ზღვითა და სრუტეთა განძის
მფლობელისა, რაინდთა ქვეყნის დამცველისა, წინაპართა ტახტ-
გვირგვინის მემკვიდრისა, რუმისა და ირანის ქვეყნების მფარვე-
ლისა, იოანელთა (ბერძენთა) ამოღებული მახვილისა, ასურელ მე-
ფეთა დედაარსისა, ტახტ-გვირგვინისათა (შორის) რჩეულისა,
ქრისტიანობის განმდიდებლისა, ისას (იესოს) მიმღევართა შემ-
წისა, მესიის გმირთა მცხებლისა, თავის განზრახვით წმიდა სახლის
(იერუსალიმის) განმადიდებლისა, ნათელგებულთა საყრდენისა, პა-

პის შემწისა — რომის პაპისა, მუსლიმანთა მოყვარულისა, დაახ-
ლოებულ მეგობართაგან უწმიდესისა მეფეთა და სულთანთა ერთგუ-
ლი მეგობრისა (გ. წერეთელი არაბული ქრესტომათია გვ. 78). ეს
ზეაწეული ტონი თავად მოწმობს საქართველოს იმდროინდელ ავ-
ტორიტეტზე ეგვიპტეში. მოწმობს იმ მჭიდრო ურთიერთობაზე,
რომელიც ამ ორ სახელმწიფოს შორის არსებობდა... მაგრამ ეს
გრძელდებოდა XIV საუკუნის 50-იან წლებამდე. შემდეგ კი, როცა
ილხანთა ერთიანი სახელმწიფო დასუსტდა და ბოლოს კი სულ
დაიშალა, ეგვიპტეს აღმოსავლეთიდან საფრთხე აღარ ემუქრებო-
და და ამიტომ საქართველოს მისთვის აღარ ჰქონდა ისეთი დიდი
მნიშვნელობა, როგორც ადრე და ეს გარემოება თავისებურად
აისახა ქართველი მეფეებისადმი მათი მიმართვის ახალ, თვე-
კავებულ სტილშიც... თუმცა, მათ შორის ურთიერთობა მაინც არას-
დროს შეწყვეტილა.

მოგვიანო საუკუნეებში, როცა საქართველო ირანის შაჰებისა
და თურქ-სელჯუკთა სათარეშოდ იქცა, ქართველ ვაჟაკებს ეგვიპ-
ტის მამულეთა ლაშქარში ვხვდავთ... ესენი იყვნენ საქართველო-
დან გატაცებული და შორეულ ქვეყანაში გაყიდული ყმაწვილები,
რომელთაც მოლაშქრეებად ზრდიდნენ. მაგრამ, საგულსხმოა, რომ
ქართველი მამულეები, ეგვიპტესა თუ სიარიაში თავიანთი ვაჟ-
კაცობითა და შემართებით, ასევე გარეგნული იურითა და სილამა-
ზით, მკვეთრად გამოირჩეოდნენ სხვებისგან... ბევრ მათგანს მამე-
ლეთა ბელადობაც კი ხვდა წილად...

არსებობს ეგვიპტელი იბრეიმ ბეგისა (აბრამ შინკაიშვილი)
და სულეიმან-ალა ამფიას წერილებიც ერეკლე მეორისადმი. ეს
წერილები მოწმობენ ერეკლე მეფისა და ეგვიპტელი ბეგების ახ-
ლო ურთიერთობასა და მათ შორის დიდი ხნის წერილობით კონ-
ტაქტს; ცხადყოფენ, რომ ეგვიპტელი ბეგები გამოსყიდვის საშუა-
ლებით მონობიდან ათავისუფლებდნენ ქართველებს; აძლევდნენ
მათ გასაშვებ სიგელებს, ფულს და გზავნიდნენ სამშობლოში. სა-
ქართველოს უგზავნიდნენ სასრებს ეკლესიების ასაშენებლად და
სხვ. (გ. მაჰარაძე ვაზ. „თბილისი“ 1967 2 ნომერი).


* * *

მასალები, რომელსაც შეძლებისდაგვარად თავი მოვეუყარეთ
ამ წერილში, გაფანტულია ქართულ ეურნალ-გაზეთებსა და გამო-
ცველებში. ბევრი მათგანი კომენტირებულიცაა... ბევრი საკითხი
ჯერ დაუზუსტებელი და სიღაოა. მაც ილბათ, მომავალი გამოიჩენს.
მთლიანად კი, ყოველივე ეს ღრმად საინტერესოა და მკითხველს,
ვფიქრობთ, გარკვეულ წარმოდგენას შეუქმნის ორი ქვეყნის —
ეგვიპტისა და საქართველოს ურთიერთობის ისტორიაზე; თუ არ
მიახლოებებს, დააფიქრებს მაინც კაცობრიობის უროგესი წარსუ-
ლის ერთი უმნიშვნელოვანესი მონაკვეთის უძველეს ფესვებზე.

მარგველი ეპისკოპოსი მარტინოზი (წამალაძე)




საჩხერის ეკლესიის მრევლი
ვაჟას ჩარგალში. მათ შორის:
ვაჟას ქალიშვილი გულქანი და
ეპისკოპოსი ქრისტეფორე



გერგეტის სამება. XIV ს.

ბანკურნებისათვის კაცთა



ქართული საეკლესიო მედიცინის ისტორიიდან

მედიცინა უძველესი დარგია. ყოველი ეპოქის ადამიანები ღიდი ინტერესით სწავლობდნენ წინაპართა სამედიცინო მემკვიდრეობას. რაც სასარგებლო იყო, ითვისებდნენ, ავითარებდნენ, იყენებდნენ სწავლებათა დასაძლევად. თანამედროვე სამედიცინო მეცნიერებაში არა ერთი დებულებაა შესული უძველესი მედიცინიდან და დღესაც არაერთი უძველესი სამკურნალო საშუალებაა გამოყენებული.

ბერძენ და რომელ ავტორთა ნაწერებში შემონახულია ფრაგმენტები, რომლებიც მიუთითებენ, რომ საქართველოში გავრცელებული ყოფილა სავსებით უნიკალური სამკურნალო მცენარეები. ისინი საუკეთესო ხარისხისა და თვისებების მქონედ ითვლებოდნენ. ძველი მემატიანეები მაშინდელ საქართველოს იხსენიებენ, როგორც სამკურნალო მცენარეებს, სხვადასხვა წამლების ქვეყანას.

ჩვენი წელთაღრიცხვის I საუკუნეებიდანვე (აღარ ვლახარაყობთ უფრო ადრინდელზე, კოლხეთისა და კერძოდ მედისა შესახებ, ეს ცალკე საუბრის თემაა, დიდი თემა. ამის შესახებ ჩვენ შემდეგ ვისაუბრებთ) შეინიშნება, რომ ქართული მედიცინა განვითარების მაღალ საფეხურზე იყო, უფრო მოგვიანებით, როცა ქრისტიანობა მძლავრად იკიდებდა ფეხს საქართველოში, როცა ქართულად უკვე „ფრიადი ქუეყანამ აღირაცხების და უამი ქართულისა ენითა შეიწირვის“, თავისი განვითარების ზენიტს აღწევს მედიცინაც. ამ დროს ეკლესიამონასტრებთან უხვად აგებენ მოხუცთა და უძლურთა თავშესაფრებს, აგებენ ქსენონებს. არსებობს, როგორც სამოქალაქო-პროფესიული მედიცინა, ისე საეკლესიო-სამონასტრო, რომლის არეალიც მხოლოდ საქართველოში არ შემოიფარგლება. ამ პერიოდის სამონასტრო მედიცინა, ასევე სამედიცინო ცენტრებისა და საავადმყოფოების არსებობა როგორც საქართველოში, ისე მის საზღვრებს გარედ, უკანასკნელი 30—40 წლის განმავლობაში დადგინდა. მაგალითად: — ათონის ივერთა მონასტერი, საბაწმიდის ქართველთა სავანე, გელათის, ტაოკლარჯეთის სამონასტრო ცენტრები და სხვა.

მეცნიერული მედიცინის დანერგვა-გავრცელებაში გარკვეულ როლს საეკლესიო ცენტრებთან არსებული სამედიცინო კერები და მათთან არსებული საავადმყოფოები ასრულებდა. ცნობილია, რომ ღვთისმეტყველება და მედიცინა ადრეულ საუკუნეებში ერთმანეთისგან გაყოფილი არ იყო. ღვთისმეტყველნი საექიმო საქ-

მეებსაც ეწეოდნენ და სამედიცინო ლიტერატურასაც ქმნიდნენ.

ქართული სამონასტრო სამედიცინო კერები და საავადმყოფოები ტერიტორიული განლაგების მიხედვით პირობითად შეიძლება 2 ჯგუფად დავყოთ: კერები — განლაგებული საქართველოში და კერები — განლაგებული საქართველოს ტერიტორიის გარედ. უცხოეთში განლაგებულ სამონასტრო სამკურნალო ცენტრებს ყოველთვის ცხოველი ურთიერთობა ჰქონდათ თავიანთ დედა-სამშობლოსთან. თავის მხრივ, ქართველი მეფეები, მთავრები, მღვდელმთავრები, ხალხი ამ ცენტრების ნაყოფიერ მუშაობას უზრუნველყოფდნენ შეწირულობებით.

ქართველი მეფეები საზღვარგარეთ არსებულ მონასტრებზე ისევე ზრუნავდნენ, როგორც თავიანთ განმგებლობაში მყოფი ქვეყნის რომელიმე ნაწილზე; დავით აღმაშენებელმა სინაზე, ქორების მთაზე, ააგო ახალი ეკლესია და სენაკები ქართველ მოღვაწეთათვის, გელათთან კი აღაშენა ქსენონი. თამარ დედოფალი უხვ შეწირულობას უგზავნიდა საზღვარგარეთის ცენტრებში მოღვაწე ქართველებს და მათ სავანეებს.

ყველაზე ადრეული ცნობები ქართული სამედიცინო კერისა და საავადმყოფოს არსებობის შესახებ „ბეტრე იბერის ცხოვრებაშია“ შემონახული. მემატიანე მის მიერ სასწაულებრივი განკურნების მრავალ შემთხვევას აღწერს.

ქართული კულტურის ერთ-ერთი კერა იყო საბა განწმედილის ცნობილი ლავრა პალესტინაში. აქ რომ სამკურნალო საქმესაც ეწეოდნენ, ეს ჩანს ამ ლავრის წინამძღვრის, მარტვილი საბაწმიდელის თხზულებიდან. მოძღვარი მონოზნებს არიგებს: „ეზიარე ტკივილთა მისთა გონებთა შენითა და ყოვლითა ძალითა შენითა შეეწიე მას და განაძლიერე ნუგეშინის ცემითა“, ე. ი. მონოზონი ვალდებულია „აღიხუნას“ „სალმობანი“ მისი ავადმყოფისა ისე, „ვითარცა იტყვიან მეცნიერნი მკურნალნი“, რომელნიც „გაძოციდილ არიან და იციან“. საბაწმიდის ლავრაში იყო საავადმყოფო, რომლის შესახებ ცნობა შემონახულია კირილე სკვითობოლელის „საბას ცხოვრებაში“. ეს ნაწარმოები დაწერილია 555 წელს და ქართულად თარგმნილია VII—VIII საუკუნეებში. ტექსტში ვკითხულობთ: ორმა ისაურელმა ძმამ საბას ლავრას აუშენა „არტოკოპი, რომელ არს პური საქმარი და სასნეულო“. ლავრის წინამძღვრის მარტვი-

ლი საბაწმიდელის პომილია „სინანულისათვის სიძღაბ-ლისა“ მიუთითებს ლავრის ფართო საეკლესიო მოღვაწეობაზე, მარტვილისა და მისი მოწაფეების მედიცინაში განსწავლულობაზე, რომელნიც თავიანთ საეკლესიო პრაქტიკაში იყენებდნენ მეცნიერ თუ ხელოვან მკურნალთა გამოცდილებასა და ცოდნას.

ჩვენთვის საინტერესო პიროვნებას წარმოადგენს ილარიონ ქართველი (822—875 წწ.), რომლის სახელთან არის დაკავშირებული ორი ქართული მონასტრის აშენება ბიზანტიაში. ბიოგრაფის სიტყვებით „მრავალნი კურნებანი აღასრულა წმიდამან“. მას სახავენ, როგორც სულიერთა წყლულების მკურნალად, ასევე „ხორცთასასალომობიერთა“ მკურნალადაც. ილარიონმა ლოცვით განკურნა 13 წლის სწული ვენახის მცველი, რომელსაც „სალომობა სასტიკი“ ჰქონდა, „რომელმან განახნა ფერხნი მისნი“, აგრეთვე, ერთ-ერთი თესალონიკელი დიდებულის შვილი, რომელსაც „მარჯუენა კერძო ნახევა-რი იგი ხორცთა მისთა სრულად განხმარ იყო და ყოველად უხმარ ქმნილ“.

ისეთი დიდი სახელი მოუხვეჭია ილარიონ ქართველს თავისი სასწაულოქმედი მკურნალობით, რომ მეფე ბასილუს განუზრახავს უფლისწულებსათვის ილარიონის ქართული „ენა და წიგნი“ ესწავლებინა.

საეკლესიო საქმიანობით დიდად იყო ცნობილი ათონის ივერთა მონასტერი. იქ რამდენიმე საავადმყოფო არსებობდა, მათ შორის, საავადმყოფო კეთროვანთათვისაც — ლებროზორიუმში. საეკლესიო საქმისა და საავადმყოფოთა მშენებლობის მოთავედ ითვლებოდა მონასტრის წინამძღვარი ექვთიმე მთაწმიდელი. მას რჩევისა და ხელმძღვანელობისათვის განუწყვეტლივ იწვევდნენ ათონის მთაზე განლაგებული ქრისტიანული სამყაროს სხვადასხვა ეროვნებათა მონასტრები. გიორგი მთაწმიდელს აქ უთარგმნია სამედიცინო ბიოლოგიური ხასიათის ტრაქტატი „დაბადებისათვის კაცისა“. ეს წიგნი იმავე საუკუნეებში გადაუწერიათ ხანძთის სავანეებში მოღვაწე ბერებს.

XI საუკუნის ბირეულ ნახევარში ათონზე ვინმე მიქაელს შემოწირულობით აუშენებიათ საავადმყოფო. 1412—1443 წლებში მეფე ალექსანდრე პირველს ეს საავადმყოფო კვლავ განუახლებია. 1502—1503 წწ. ათონზე შენდებან საავადმყოფოს ახალი შენობა სამცხის ათაბაგის, ყვარყვარე ჯაყელ-ციხისჯვარელის ძის ნზეჭაბუკის შემოწირულობით. გვიან, საავადმყოფოს არსებობას ათონში კვლავ აღასტურებენ კიმოთე მთავარ-ეპისკოპოსი — გაბაშვილი (1755 წ.) და იონა რუისის მიტროპოლიტი — გედევანიშვილი (1788 წ.). საავადმყოფოს განკარგულებაში ყოფილა ზეთისხილის ბაღი, როგორც დამხმარე მეურნეობა სწულთა საჭიროებებისათვის. მკვლევართა ნაშრომებიდან ვიგებთ, რომ ათონზე საავადმყოფოს კომპლექსში რამდენიმე დამხმარე ნაგებობაც შედებოდა. XV—XVI საუკუნეებში ათონის ივერთა მონასტერში ყოფილა 2 საავადმყოფო (წმ. გიორგისა, წმ. მოდესტესა) და ერთი ლებროზორიუმში.

ამჟამად დადასტურებულია, რომ საეკლესიო მოღვაწეობას ეწეოდნენ პეტრიწონის ქართველთა მონასტერში (ბულგარეთი) და რომ მსოფლიო მედიცინის ისტორიაში



პეტრე ივერი

რიაში ცნობილი „სალერნოელი“, „პეტრიცილი, პეტრონიცილი, პეტრონია, — პრაქტიკული საეკლესიო წიგნის — „პრაქტიკის“ ავტორი იოანე პეტრიწია. წიგნი და მისი ავტორი უაღრესად პოპულარული იყო მთელ დასავლეთ ევროპაში. (იხ. მ. შენგელია „მედიცინის განვითარების ზოგიერთი ძირითადი საკითხი საქართველოში. გვ. 97).

13 ასურელ მამათა და მათ მოწაფეთა მიერ საქართველოში აშენებული მონასტრების მნიშვნელოვან ფუნქციას წარმოადგენდა კურნებანი. ჩვენამდე მოღწეულია ცნობები იოანე ზედაზნელის, შიო მღვიმელის, დავით გარეჯელის, აბიბოს ნეკრესელისა და სხვათა სასწაულოებრივი სამკურნალო მოღვაწეობის შესახებ.

დიდად იყო გაშლილი სამკურნალო მოღვაწეობა ხანძთასა და მისდამი დაქვემდებარებულ სხვა მონასტრებში. გრიგოლ ხანძთელის ცხოვრების აღწერაში მოიხილება ამის დამადასტურებელი ცნობები. მკურნალობას გრიგოლ ხანძთელი და მისი მოწაფე ეპიფანე ეწეოდნენ. ერთხელ შატბერდში ყოფნისას გრიგოლს მიჰგვარეს 2 წლის ბავშვი, „რომელსა ხელნი და ფერხნი (ბოროტი სულსგან) მიხუმელ იყვნეს და არსი გარემოქცეულ იყო“. შემდეგ „და კვალად სხუად ვინმე იყო დედაკაცი, სისხლის დინებითა გუემული, მრავალთა ეამთა“, რომელიც იმდენად მისუსტებული იყო სწულეებით, რომ „ვერ შეძლებელ იყო თვისსა მას სენსა სააჯმონ ყოფად, არამედ მღუმრიად სულთქმით დაალტომდა ფერხთა მისთა ცრემლითა და ითხოვდა კურნებას“. გრიგოლ ხანძთელმა, როგორც მოგვითხრობს მისი ცხოვრების აღწერა, ლოცვით ორივე განკურნა.

უმნიშვნელოვანესი ანატომიურ-ფიზიოლოგიური ტრაქტატი არსენ იყალთოელის მიერ გადმოღებული „გარდამოცემა“. ეს წარმოადგენს იოანე დამასკელის, დიდი საეკლესიო მოღვაწის, ყველაზე მნიშვნელოვანი ნაწარმოების „წყარო ცოდნისას“ ბოლო ნაწილს. „გარდამოცემა“ ერთი სახელმძღვანელო იქნებოდა, რომელსაც არსენი გაზიჟენებდა გელათსა თუ იყალთოში

ანატომია-ფიზიოლოგიის სწავლების დროს. იგი ხომ ანატომიის მოძღვართმოდვარია. ეს კი საქართველოში სამეცნიერო წოდება იყო და არა ჩვეულებრივი ეპითეტი.

ყოველივე ამის შემდეგ საეპეოდ არ უნდა ჩაითვალოს გელათში საავადმყოფოსა და სამედიცინო განათლების კერის არსებობა.

საქართველოს სამონასტრო სტრუქტურაში საერთოდ ყოფილა სნეულთა, მოხუცთა და უძლურთა თავშესაფრები და ავადმყოფთა მოვლა-მკურნალობის გარკვეული რეჟიმი. მაგალითად: ვანის ქვაბთა მონასტერი თავის წესდებაში ითვალისწინებდა სასნეულოს:

უძლურად მყოფ ძმათათვის „მესნეულს“ თანამდებობას, დღეში სამჯერ სნეულთა შემოვლას, სნეულთა „უშურველ“ უზრუნველყოფას კვებითა და ყოველგვარი საჭიროებით.

ამჟამად უკვე დადგენილად ითვლება, რომ საქართველოში არსებობდა სამონასტრო მედიცინა. იგი სახელმწიფოებრივი ზრუნვის საგანს წარმოადგენდა, სამონასტრო-სამედიცინო საქმეს განაგებდნენ საეკლესიო-კულტურულ ცენტრებში მოღვაწე ქართველი მღვდელმონოზონნი და რაც მთავარია, მეცნიერების ეს დარგი განვითარების მაღალ საფეხურზე იდგა.

მ. ბარაზიძე



ატენის ხოწი. VII ს.



ახალციხის ეკლესიის სამრეკლო



ახალციხე. წმ. მარინეს სახ. ეკლესია.
ეპისკოპოსი ანანია (ჭაფარიძე) წირვის დროს

ლექსიკონი და განმარტება



საეკლესიო ღვთისმსახურების სახეები

ღვთისმსახურება, საზოგადოდ, ფართო ცნებაა. იგი გულისხმობს ლოცვას, მარხვას, ქველ-მოქმედებას, ძველი აღთქმის „ათი მცნებისა“ და ახალი აღთქმის „ცხრა ნეტარების“ დაცვას, შვიდი საიდუმლოს აღსრულებას და სხვა ღვთივ-სათნო საქმიანობას. მამაჰასადამე, ღვთისმსახურება, ფართო გაგებით, — მორწმუნე ადამიანის მთელი ცხოვრებაა.

რაც შეეხება საეკლესიო საეკლესიო ღვთისმსახურებას, იგი სრულდება ეკლესიაში, მოციქულთაგან გამოცემული მადლით შემოსილი სამღვდლოების მიერ, ღმერთსა და მრევლს (მორწმუნე საზოგადოებას) შორის კავშირის დასამყარებლად და მთელი ერის საცხოვრებლად.

ქრისტიანულ მართლმადიდებელ ეკლესიაში ძირითადად სრულდება სამი სახის ღვთისმსახურება:

- წირვა, ანუ საღმრთო ლიტურდია.
- ლოცვა.
- საეკლესიო წესები.

წირვა ანუ საღმრთო ლიტურდია საეკლესიო ღვთისმსახურების უმაღლესი ფორმაა. თვით ბერძნული სიტყვა *λειτουργία* (ლიტურგია) ნიშნავს „მსახურებას“ („საღმრთო მსახურებას“). ქართული ტერმინი „წირვა“ (ძველად ხმარობდნენ, აგრეთვე, ტერმინს — „ყამის-წირვა“) ზუსტად გამოხატავს საღმრთო მსახურების ძირითად შინაარსს: წირვაზე ხდება მსხვერპლის შეწირვა (ძღვნის მირთმევა) ღვთისადმი.

სამსხვერპლოდ, მაცხოვრის მცნებით, დაწესებულია პური და ღვინო. სამსხვერპლო წმიდა პურს ეწოდება სამეფო (სამეფო) პური, ანუ სეფისკვერი (მეფედ, ანუ მეუფედ იგულისხმება მაცხოვარი ჩვენი იესო ქრისტე). სამსხვერპლო წმიდა ღვინოს, რომელიც აუცილებლად სისხლისფერი (წითელი, ან შავი) უნდა იყოს, ეწოდება ზედაში. აქვე შევნიშნოთ, რომ საუფლო მსხვერპლის (ძღვნის) სიწმიდეს ძველთაგანვე განსაკუთრებული ყურადღება ექცეოდა. სეფისკვერის გამოცხობის უფლება ჰქონდათ და დღესაც აქვთ მხოლოდ განწმედილ და კეთილმსახურ მამებსა და დედებს, ხოლო წმიდა ღვინოს (ზედაშის) მარანს, რომელსაც, აგრეთვე, ზედაში ეწოდებოდა, სალოცავის მნიშვნელობა ჰქონდა. დღესაც მთელ საქართველოში, განსაკუთრებით — ქართლ-კახეთსა და აღმოსავლეთ საქართველოს მთიანეთში, სავარაუდოდ ზედაშეებზე ისევე ლოცულობენ, როგორც ეკლესიაში. დღემდე შემორჩენილი მშვენიერი ჩვეულება ქვევრებთან სანთლების დანთებისა, საკმეულის კმევისა და საღმრთო მსხვერპლის შეწირვისა.

მსხვერპლის შეწირვა, ანუ წირვა (ყამის წირვა, — როგორც ეწოდება ძველ ქართულ ძეგლებში) დაწესებულია თვით მაცხოვრის, იესო ქრისტეს მიერ საიდუმლო სერობაზე. მანამდეც სრულდებოდა ღვთისადმი ძღვნის მირთმევა, მაგრამ ძველად შეიწირებოდა სისხლიანი მსხვერპლი, — ზვარაკი, ტარიგი (ბატკანი, კრავი), ხოლო იესო ქრისტემ დააწესა უსისხლო მსხვერპლი — სეფისკვერი და შავი ღვინო. სეფისკვერი სიმბოლურად გამოხატავს საღმრთო ტარისგან, — იესო ქრისტეს, რომელიც კაცობრიობის ცხოვრებისათვის, „ვითარცა ცხოვარი, კვლად მიიგვარა“ („კვეთის წესი“. კონდაკი).

წირვის დაწესება მოხდა, როგორც ვთქვით, საიდუმლო სერობაზე („სერობა“ ახალ ქართულად „ეხშამს“ ნიშნავს), როცა მაცხოვრებმა გატეხა პური, დაურიგა მოწაფეებს და უთხრა: „მიიღეთ და ჭამეთ, ესე არს ხორცი ჩემი“ (მათე 26, 26). დაურიგა აგრეთვე ღვინო და უთხრა: „სუთ ამისგანი ყოველთა, ესე არს სისხლი ჩემი ახლისა აღთქმისისა, მრავალთათვის დიფხელი მისა-ტივებულად ცოდვათა“ (მათე 26, 27—28).

მაცხოვრის განხორციელებამდე სჯულის სახელმძღვანელოდ დაწესებული იყო ძველი აღთქმის საღმრთო წერილი (ბიბლია), რომელიც დაწერეს ღვთივ-განბრძნობილმა წმიდა წინასწარმეტყველებმა. იესო ქრისტემ თავისი განხორციელებით „აღასრულა“ ძველი სჯული — ძველი აღთქმა და მის ნაცვლად კაცობრიობას ახალი სჯული, — ახალი აღთქმა მისცა.

შევნიშნოთ, რომ ძველი ქართული სიტყვა „აღსრულება“ ნიშნავდა როგორც რისამე შესრულებას (საქმის, წინასწარმეტყველების და სხვ.), ასევე „შევსებას“, „სრულად, უნაკლებოდ გადაქცევას“. როდესაც ვამბობთ, რომ იესო ქრისტემ აღასრულა ძველი სჯული, გვულისხმობთ ამ სიტყვის როგორც პირველ, ისე მეორე მნიშვნელობას. მართლაც, მაცხოვრის განხორციელებით, ვნებით, ჭვარცხით, აღდგომითა და ამაღლებით შესრულდა ის, რაც იწინასწარმეტყველეს წინასწარმეტყველებმა „პირველ განცემებისა“, ე. ი. მაცხოვრის განხორციელებამდე. ასევე, როცა ვამბობთ, რომ იესო ქრისტემ ძველი სჯული აღასრულა, აქ იმასაც გამოვხატავთ, რომ მაცხოვარმა შეიავსო, სრულმანა, „აღასრულა“ ძველი აღთქმის სჯული.

ამრიგად, უფლის ნებით შეიქმნა ახალი აღთქმის საღმრთო წერილი, რომელიც დაწერეს მაცხოვრის წმიდა მოციქულებმა: პეტრემ, პავლემ, იოანე ღვთისმეტყველმა, მათემ, მარკოზმა, ლუკამ, იაკობმა და იუდამ.

მართლმადიდებელ ეკლესიაში, მისი დარსებიდან რამდენიმე საუკუნის განმავლობაში სრულდებოდა წირვის პირველი წესები, რომლებიც დაწერეს მოციქულებმა — პეტრემ, მარკოზმა და იაკობმა.

მოციქულთა წირვები შუა საუკუნეებიდან თანდათანობით შეცვალეს კონსტანტინეპოლურმა ლიტურგიებმა, რომლებიც შეთხზეს ბასილი დიდმა და იოანე ოქროპირმა. კერძოდ, საქართველოში იერუსალიმური ტიპიკონი მოქმედებდა X საუკუნემდე. კონსტანტინეპოლური ლიტურგიების შესრულება ჩვენი მხოლოდ XI საუკუნიდან დაიწყო ათონის ქართული ლიტურგიატურული სკოლის მოღვაწეობის შედეგად. საერთოდ კი, აღმოსავლეთში თითქმის XII საუკუნემდე იყო მიღებული მოციქულთა ლიტურგიები, განსაკუთრებით — იაკობისა. ბიზანტიაში კი ბასილი დიდისა და იოანე ოქროპირის წირვები სრულდებოდა (ე. კეკელიძე: ძველი ქართული ლიტურგიატურის ისტორია, ტ. I, გვ. 580—583. 1980 წ.).


ეკსარია-კაბადუციის მთავარეპისკოპოსმა ბასილი დიდმა (დაახლ. 330—379 წწ.) რედაქციულად დაამუშავა და გაამდიდრა წმ. იაკობ მოციქულის წირვა.

კონსტანტინეპოლის მთავარეპისკოპოსმა იოანე ოქროპირმა (324—407 წწ.) თავის მხრივ დაამუშავა ბასილი დიდის წირვა, შეამკირა მასში საიდუმლო ლოცვები და შეეცალა ზოგიერთი მითვანი.

დიდი მარხვის ოთხშაბათ-პარასკევს შესასრულებლად რომის პაპმა გრიგოლ დიალოლონმა (დაახლ. 540—604 წწ.) დაწერა სპეციალური წირვა. მის ეწოდება „პირველ განწმედილის“ ანუ „პირველ შეწირულის“ წირვა. ძველი ქართული სიტყვა „პირველ“ ნიშნავს: „აღრე“, ე. ი. ეს წირვა წარმოადგენს აღრე (წინასწარ) შეწირული ძღვნის შეწირვას.

წირვის წესების კრებულს ეწოდება კონდაკი. წირვის დროს გამოიყენება, აგრეთვე, **სახარება, სამოციქულო და საგალობლოთა კრებულები.**

კონსტანტინეპოლური წირვების (ბასილი დიდისა და იოანე ოქროპირის) შინაარსი მოთხრობილია ჩვენი **ეურნალის, 1979**



წლის პირველ ნომერში. იხ. დიკონ რაფაელ (გია) მიჩაბლის წერილი „წირვა — მართლმადიდებელ ეკლესიაში“ გვ. 42—43.

ლოცვა, ბასილი დიდის განმარტებით, არის „უბნობა კაცისა ღმერთთან“ (საქართველოს მეცნ. აკად. ხელნაწერთა ინსტიტუტის A 81 ხელნაწერი, — ღირსი შამის ბასილის სწავლანი ლოცვისათვის). ლოცვა სხვადასხვა შინაარსისაა: სადიდებელი, სავედრებელი, სამადლობელი. ამასთან, იგი ორგვარია: პირადი და საზოგადო (საერთო).

ყოველი მორწმუნე ვალდებულია შეასრულოს ყოველდღიური პირადი ლოცვები, როგორცაა დილის, საღამოს ლოცვები, ლოცვა სადილის, ან ყოველი სემის უწინარეს სათქმელი და სხვა.

საზოგადო ლოცვები სრულდება ეკლესიაში. მისი სახეებია:

— **უამნობა** (არსებობს I, III, VI, IX, სადილის, შუაღამოს, სამეუფეო უამნობები).

— მწუხარი.

— ცისკარი.

— დიდი და მცირე სერობა.

უამი დროის გარკვეულ მონაკვეთს აღნიშნავდა, მის შეესაბამება თანამედროვე „საათი“. I, III, VI, IX „უამები“ დღე-ღამის გარკვეული დრო იყო, და თითოეულ მათგანს თავისი ლოცვა (უამნი) შეესაბამებოდა. ლოცვისათვის საგანგებოდ ამ აღნიშნული დროების შერჩევა და არა სხვა რომელიმეს, დაფუძნებული იყო ახალი აღთქმის საღმრთო წერილზე. კერძოდ, მესამე უამს მონდა სულწმიდის გარდამოსლვა მოციქულებზე („სამეფნი წმიდათა მოციქულთანი“ 2,1—15), მეექვსე უამს — მაცხოვრის ჯვარცმა (მარკო 15, 33), მეცხრე უამს — მაცხოვრის სულის განტევა ჯვარზე (მათე 27, 46—50).

თანამედროვე ღვთისმსახურებაში უამნების კითხვა შემდეგნაირადაა განაწილებული:

— პირველი უამნი იკითხება საღამოთი, ცისკრის ლოცვის შემდეგ:

— მესამე და მეექვსე უამნი იკითხება დილით, ერთმანეთის მიყოლებით, წირვის დაწყებამდე.

— მეცხრე უამნი კი წინ უძღვის მწუხრის ლოცვას (საღამოთი).

— შუაღამოს უამნი („შუაღამიანი“) სამრევლო ტაძრებში არ სრულდება (გამონაკლისია აღდგომის სპეციალური „შუაღამიანი“, რომელიც სააღდგომო ლიტონიობის დაწყებამდე იკითხება), მონასტრებში კი კითხულობენ ღამის თორმეტ ან პირველ საათზე, მონასტრის ტიპიკონის მიხედვით.

— სამეუფეო უამნები ეწოდება I, III, VI და IX უამნების თანამდევრულ კითხვას, რომელიც დაწესებულია დიდ პარასკევს (ვენების შეიღებულში), აგრეთვე, შობისა და ნათლისღების დღე-სასწაულთა წინა დღეებში. სამეუფეო უამნების თავისებურებაა ის, რომ თითოეულ უამნში (I, III, VI, IX) ჩართულია სათანადო საკითხავები (საწინასწარმეტყველო, სამოციქულო და სახარება).

— სადილის უამნი სრულდება დიდი მარხვის ზოგიერთ დღეს.

I, III, VI, IX უამნების კითხვის წესი ორგვარია, — სამარხვო და სახსნილო.

მარხვის წესით (მარხვის ტიპიკონით) უამნები იკითხება დიდი მარხვის სადავ დღეებში, დანარჩენ დღეებში კი, — ბრწყინვალე შეიღებულის გამოცლებით, — უამნი „სახსნილო“ ტიპიკონით იკითხება. ტერმინ „სახსნილო“ ჩვენ ვხვდებით პირობითად, რადგან ამავე ტიპიკონით ვკითხულობთ უამნს დიდმარხვის შაბათ-კვირებში და სხვა მრავალდღიან და ერთდღიან მარხვებში (მარიაშობის, პეტრე-პავლობისა და ქრისტეს შობის მარხვები, ოთხშაბათ-პარასკევი, — გარდა მსგეფსებისა და სხვა). არსებობს, აგრეთვე, სპეციალური „აღდგომის უამნი“, რომელიც იგალობება ბრწყინვალე შეიღებულის დღეებში, თითოეული უამნის ნაცვლად.

I, III, VI, IX უამნების, აგრეთვე, სადილის უამნის, შუაღამიანისა და აღდგომის უამნის ტექსტები შეტანილია საღვთისმსახურო კრებულში, რომელსაც, აგრეთვე, უამნი ჰქვია; სამეუფეო უამნები კი შეიძლება მოეძებნოთ „მარხვანსა“ (დიდი პარასკევისა) და „სადღესასწაულოში“ (შობისა და ნათლისღების წინაღღებების). ჩვენი ქურნალის მომდევნო ნომრებში მიმოვიხილავთ ყველა საღვთისმსახურო წიგნს, მათ შორის — უამნს, მარხვანსა და სადღესასწაულოს.

„მწუხარი“ ანუ მწუხრის ლოცვა სრულდება საღამოთი (მწუხარზე, შებინდებისას). არსებობს „დიდი“ და „მცირე მწუხრის ლოცვები. „დიდი მწუხარი“ სრულდება დიდი დღესასწაულებისა და კვირა-დღეების წინა-საღამოს. „მცირე მწუხარი“ კი — სადავ (სადა, უბრალო) დღეებში.

დღესასწაულებზე მწუხრის ლოცვაზე ხშირად ჩაერთვის სწინასწარმეტყველები და ბურის კურთხევის წესი.

„ცისკარი“ ანუ ცისკრის ლოცვა, ძველი სამონასტრო პრაქტიკის მიხედვით, სრულდებოდა განთიადისას, მზის ამოსვლამდე, მაგრამ რადგან სამრევლო ტაძრებში ამ დროს ლოცვა მოუხერხებელი იყო, ცისკრის ლოცვა გადაიტანეს წინა-საღამოს, როგორც მწუხრის ლოცვის გაგრძელება.

ცისკარი, მწუხრის მსგავსად, ორგვარია, — „დიდი“ და „მცირე“, — იმისდა მიხედვით, დღესასწაულის თუ უბრალო დღეების ცისკრად ილოცება.

დიდი და მცირე ცისკრის ყველაზე მნიშვნელოვანი განსხვავება ის, რომ დიდ ცისკარზე სახარება იკითხება და მცირეზე — არა. როცა დიდ მწუხრს მოეძებნა დიდი ცისკარი, ასეთ ლოცვის ეწოდება „ღამისთვის ლოცვა“.

„მწუხრის“ და „ცისკრის“ ძირითადი ტექსტი წერია „უამნსა“ და „კონდაქში“. უამნი მედავითნის სახმარი წიგნია, კონდაქი — მღვდელმთავრის, მღვდლისა და დიაკვნისა. გარდა ამ წიგნებისა, მწუხრისა და ცისკრის ლოცვისას ხმარდება საგალობელთა წიგნები: პარაკლიტონი (რვა ხმათა წიგნი), თვენი, სადღესასწაულო, მარხვანი და ზადიკი.

— პარაკლიტონი ხმარება მთელი წლის განმავლობაში; მასში საკითხავები გამოირჩევა ხმისა და შეიღებულის დღეების მიხედვით.

— თვენი ყოველდღიური საკითხავი წიგნია; შეიცავს წლის ყველა თვისა და რიცხვის შესაბამის „განგებებს“. განგება ანუ აკოლუთია (ბერძ. *აკოლუთია*) ეწოდება ერთი რომელიმე დღის ღვთისმსახურებისათვის (მწუხრის, ცისკრისა და წირვისათვის) საჭირო წესებისა და სპეციალური საკითხავების კრებულს.

— სადღესასწაულოში წერია მხოლოდ დიდი დღესასწაულების „განგებები“.

— მარხვანი მოიცავს დიდ მარხვის თითოეული დღის „განგებას“.

— ზადიკი — ერგასის (აღდგომის მომდევნო ორმოცდაათდღიანი პერიოდის) თითოეული დღის „განგებებს“.

მწუხრისა და ცისკრის ლოცვებს აქვთ მნიშვნელოვანი თავისებურებები დიდ მარხვაში, ერგასში, ანუ ორმოცდაათში (აღდგომიდან სულთმოფენობამდე), აგრეთვე, ზოგიერთ სხვა დღესაც. ტიპიკონის ეს თავისებურებანი მითითებულია შესაბამის საღვთისმსახურო წიგნებში: დიდ მარხვისა — მარხვანში, ერგასისა — ზადიკში და სხვა.



საქართველოს ეკლესიის დელეგაცია ეგვიპტეში.



მთვარანგელოზი შიქაელი. მხატვარი რ. აღამია

მწუხრისა და ცისკრის ლოცვის შესრულება საეკლესიო საკლდედგელოა ყოველთვის, როდესაც მეორე დღეს საღმრთო ლიტურგია — წირვა შესასრულებელი.

დიდი ხერობა სრულდება დიდი მარხვის სადაგ დღეებში, აგრეთვე, სხვა დღეებშიც (შობისა და ნათლისღების წინა საღამოს, სულთმოფენობის დღეს, და სხვ.), როცა მწუხრის ლოცვა შესრულდებულ იყო დილით, უშუალოდ წირვის ან ეამნობის შემდეგ. ამრიგად, დიდი ხერობა ილოცება მწუხრის დროს, — საღამოობით.

დიდი და მცირე სერობის ლოცვები წერია „ეამნში“, ხოლო მათში ჩასართავი კანონები (საგალობლები) — მარხვანში (დიდი მარხვისა), ზაღიკა (ერგასისა) და სადღესასწაულოში (შობა-ნათლისღების წინა დღეებისა).

საეკლესიო წესები სრულდება მორწმუნეთა შეკვეთით მათი ცხოვრების მნიშვნელოვან ამბებთან დაკავშირებით. საეკლესიო წესები მრავალგვარია. აქ ჩამოვთვლით ზოგიერთ მათგანს:

— **ნათლისღება ანუ მონათღვა** — ესაა ერთ-ერთი საღმრთო საიდუმლოთაგანი, როდესაც ადამიანი სულიერად იხადება და შეწყნარებული იქნება წმიდა ეკლესიის წიაღში. ნათლისღების დროს ხდება მეორე საღმრთო საიდუმლოც — **მირონცხება**. ამით ადამიანს მიენიჭება საღმრთო მადლი და განმტკიცდება შემდგომი სულიერი ცხოვრებისათვის.

— **ზიარება** — ესაა მიღება უფლის ხორცისა და სისხლისა, რითაც მორწმუნე განიწმინდება სულითა და ხორციით და მიიღებს საღმრთო მადლს. ამდენად, ზიარებაც — ერთი საღმრთო საიდუმლოთაგანია. იგი, როგორც წესი, სრულდება წირვის დროს, მაგრამ მძიმე ავადმყოფების ზიარება შეიძლება სასაღმრთო.

ქორწინებაც საღმრთო საიდუმლოა. იგი შეუძლებელ ქალვას ჰკრავს საღმრთო კავშირით. არსებობს, აგრეთვე, მეორე ქორწინების წესი, რომელიც სრულდება მღვდელმთავრის, ან პირადი მოძღვრის საგანგებო ლოცვა-კურთხევით.

— **პარაკლისი** — ესაა ლოცვა ცოცხალთათვის, მათი ჯანმრთელობისა და ცხოვრებისათვის. არსებობს პარაკლისი თითოეული წმიდანის მიმართ. ამ შემთხვევაში მიგმართავთ ამა თუ იმ წმიდანს, რათა გვიშუამდგომლოს უფალთან და გარდამოგვიღონოს საღმრთო მადლი. არის, აგრეთვე, პარაკლისი მაცხოვრისა (იესო ტკბილისა). ამ პარაკლისით მიგმართავთ უშუალოდ უფალს. სპეციალური პარაკლისები არსებობს მრავალგვარი: სახალწლო, სწავლის დაწყებისა, მთავრობისა და ერისა, თითოეული საუფლო დღესასწაულისა, ბრძოლის დაწყების წინ მტერთა წინააღმდეგ, ავადმყოფისა, საამაღლობელი, უწყვირობისა, ავდრისა, რღვნისა, მგზავრობისა, საბრძოლო გემის კურთხევისა, სამხედრო დროშის კურთხევისა, სამხედრო საპურგლის კურთხევისა, ხომალდის კურთხევისა, ახალი ჭის კურთხევისა, საშინელი სრვისა (ანუ გადამდები ავადმყოფობის ფართოდ გავრცელების დროს) და სხვა.

— **მიცვალებულის წესის აგება, ანუ ანდერძი** — სრულდება ქრისტიანი (მონათლული) ადამიანის დაკრძალვის დღეს. არსებობს ანდერძის სპეციალური წესები მღვდელთათვის და ბერ-მონაზონთათვის, — ისინი ერისკაცის ანდერძის წესისაგან საკმაოდ განსხვავდებიან და უფრო ვრცელია. გარდაცვალებული ჩვილის წესსაც აქვს თავისებურებანი; და ბოლოს, თუ მიცვალებულის დაკრძალვა ბრწყინვალე შედეგულში ხდება. ანდერძი სრულიად სხვაგვარი, — საადგომო წესით სრულდება.

— **პანაშვიდი** — ესაა ლოცვა მიცვალებულთათვის. იგი სრულდება თითოეული მიცვალებულის ორმოცზე, წლისთავზე და მიცვალებულთა საზოგადო მოხსენების დღეებში (ხორციელის შაბათი, სულის შაბათი ანუ სულთაობა, დიმიტრის შაბათი და სხვა).

— **ზეთის კურთხევა და ცხება** — სრულდება მძიმედ სნეული ადამიანის საკურნებლად. შეიკრიბება შვიდი მღვდელი, ერთობლივად ილოცებენ სნეულისათვის და სცხებენ ზეთს. ზეთის კურთხევა ერთ-ერთი საღმრთო საიდუმლოთაგანია.

— **ალხარება** — ესაა ცოდვების აღიარება მოძღვრის წინაშე. აღსარებას უნდა აუცილებლად ახლდეს სინანული. მღვდელი წაიკითხავს შენდობის ლოცვას და ამით მორწმუნეზე გადმოდის ღვთის კურთხევა და ლოცვათა შენდობა. სინანულიც ერთ-ერთი საღმრთო საიდუმლოთაგანია.*

— **ეკლესიის კურთხევა**. ეკლესია არის სახლი ღვთისა, სა-

დაც მორწმუნენი იკრიბებიან ქრისტეს სახლით და სადაც მლოცველებზე უხილავად გადმოდის საღმრთო მადლი. ეკლესიის კურთხევის უფლება აქვს მხოლოდ ეპარქიის მღვდელმთავარს (ამის შესახებ დაწვრილებით იხ. ეურნალი „ჯვარი ვახისა“ 1979 წ. № 1, გვ. 51).

— **სახლის კურთხევა** — ძველთაგან დადგენილია საეკლესიო წესი არამარტო ეკლესიის, არამედ ყველა საზოგადოებრივი და კერძო ნაგებობის კურთხევისა. სახლის კურთხევა აუცილებელია, როგორც აშენებისთანავე, ისევე ყოველი შეკეთების შემდეგ და იმ შემთხვევაშიც, თუ სახლი რაიმე არაწმიდებით (მაგალითად, მოჯადოებით) შეიბილწება („ლოცვა სახლსა შეგარძნებულსა“).

— **დალოცვა ქრისტიანთა ყოველი საქმე რენიო საქმიანობისა**: „ლოცვა თესლთა ზედა სათესავად“, „ლოცვა კალოსა ზედა“, „ლოცვა დანერგვასა ვენახისასა“, „ლოცვა სილობასა ვენახისასა“, „ლოცვა ყინასა, ვენახსა და ბოსტანსა ზედა“, „ლოცვა საკირის დაწვისა“, „ლოცვა უკეთე არაწმიდა რაიმე შთავარდეს ჭურჭელსა ღვინისა, ზეთისა და თაფლისასა, ანუ სხვასა რასამე შინა“, „ლოცვა ჭურჭელსა ზედა შეგინებულსა“, „ლოცვა შეგინებულსა ხვარბალსა, და ფქვილსა და სხვასა რასამე ზედა“, „ლოცვა სამწყსოსა ზედა“, „ლოცვა აღმოთხრასა ტისასა“, „ლოცვა ნაეის გავეთებისა“, „ლოცვა ბადისა“, „ლოცვა სახლის საფუძვლის დადებისა“, „ლოცვა შესლვასა ახალსა სახლსა შინა“.

— **მშობიარე ქალის დალოცვა** („ლოცვა დედაკაცსა ზედა მშობიარესა, პირველსა დღესა შობისასა“, „ლოცვა აბეშდვასა კრმისასა დღესა მერვესა, ოდეს უწოდდნ სახელსა“, „ლოცვა დედაკაცსა ზედა მშობიარესა, მეორეობესა დღესა შობითან“, „ლოცვა დედაკაცსა ზედა, რაჟამს მუცელი წაუხდეს“).

— **ლოცვები ავადმყოფთათვის** („ლოცვა ყოვლისა სნეულები-სათვის“, „ლოცვა სნეულთა ზედა, და სულთა არაწმიდათა კვეთებულთა“, „ლოცვა სნეულისათვის, სიყვითლისა და ეამისა“, „ლოცვა შვილთა ყრმათა, სნეულსა ზედა უძილოებისათვის“, „ლოცვა სნეულსა ზედა წმიდითა ლახვრითა“, „ლოცვა შეგინებულს მკაპელსა ზედა“).

— **ლოცვები ერისა და მამულისათვის** („ლოცვა ვენებისათვის ერისა და სნეულისათვის“, „კანონი და ლოცვა მტერთა მბრძოლად ჩვენდა მომავალთათვის“, „ლოცვა ქრისტესმოყვარეთა ერთობისა“, „ლოცვა მთავრობისა და მხედრობისათვის“).

— **ლოცვები სტიქიურ მოვლენათაგან დასაცავად** („კანონი და ლოცვანი უწყვირობისანი“, „კანონი და ლოცვა წვიმისაგან შემზღვართათვის“, „კანონი და ლოცვანი საშინელისა ძრვისათვის“, „კანონი და ლოცვანი საშინელისა სრვისათვის“, „ლოცვა საშინელისა ქუხილისა და ელვისათვის“, „ლოცვა ავის-ქარისა და დღვლისათვის ზღვისა“).

— **კურთხევა წყლისა** (დიდი და მცირე აიაზმა), მარლისა, წანდლისა, ყველისა, კვერცხისა, პირველი ხილისა, ყურძნისა, ახალი ღვინისა, და სხვა საზრდელისა.

— **კურთხევა ყოველი საეკლესიო და პირადი ნივთისა**.

გარდა ზემოაღნიშნულისა, საეკლესიო წესები სრულდება წარმართობისა და მწვალებლობისაგან მოქცეული ადამიანებისათვის, სასწავლებლად გამზადებული ყრმებისათვის, შვილობილობის, ან ბერად აღკვეცის მსურველთათვის და ა. შ. უფლის სახელით იყრთხევა და დაილოცება ყოველი კეთილი საქმი, ყოველი კეთილი განზრახვა.

საეკლესიო წესების კრებულს ეწოდება „კურთხევანი“. ზოგიერთი საეკლესიო წესი შეტანილია სხვა წიგნებშიც: ლოცვანში, სამღვდელმთავრო კონდაკსა და სავდრებელ გალობათა წიგნში.

* **ზემთ ჩამოვთვალეთ** შვიდ საღმრთო საიდუმლოთაგან ექვსი: ნათლისღება, მირონცხება, ზიარება, სინანული, ქორწინება, ზეთის კურთხევა. ამით გარდა არის კიდევ ერთი საღმრთო საიდუმლო — მღვდელთაობა (მღვდლის კურთხევა), როდესაც კეთილმსახურ ქრისტიან მამაკაცზე მღვდელმთავრის ხელდასმით (თავზე ხელის დადებით) და სათანადო ლოცვების წარმოთქმით, გადმოდის საღმრთო მადლი მღვდელობისა. დიაკვნის, მღვდლისა და მღვდელმთავრის კურთხევა ხდება წირვის დროს.

მწიგნობრონი ექვსი (კოლმანაშვილი)



წმიდა ზიარება

საეკლესიო ფოტო



კათოლიკოს-პატრიარქა ილია II სინის წმ. მთაზე მოგზაურობიდან დაბრუნების შემდეგ
თავის რეზიდენციაში მიიღო ქართველი მეცნიერები და ესაუბრა მათ

ცხოვრების მატიანე



კათოლიკოს-პატრიარქ ილია II ქადაგება:
სინის წმიდა მთაზე



წირვა სიონის საკათედრო ტაძარში.
მირქმა უფლისა ღვთისა და მაცხოვრისა ჩვენისა, იესო ქრისტესი

ნაშრომი განკად დაუთების

თამარ მეფის სახე ბათანიის ეკლესიაში

შენს წმინდა სახეს,
შვენიებით საესეს,
სახიერებით განსხივებულსა,
ვუმზერ კრძალვითა,
თაყვანცემითა,
ცრემლ-მორეული გემთხვევი ფერთხა!
მიხარის — გიმზერ,
გპსწუხვარ — და გიმზერ,
და ესრეთ მზერა მსურს სიკვდილამდე,
არ გამოფხიზლდე,
რომ აღარ ვპვრძნობდე,
ჩემი სამშობლოს სულით დაცემას!..
ყვაგილოვანი
წალკოტი შენი,
შენის დიდების სხივ-მოკლებული,
აღარა კშვენის,
აღარ გეიბრწყინვის
შავ დროთა! ძალით, ფარ წახდენილი!..
და, ვით განვილილსა
სიზმარსა ტკბილსა,
მზეს დიდებულად ჩასვენებულსა,
ვიგონებთ შენს დროს,
გული გვიმაგროს,
სრულად არ წავკსწყდეთ ცის შემრისხავნი!
ხნით დამაშვრალი,
დაღონებული,



ბათანიის მონასტერი

შენადვე, მეფევე, მოველ ვედრებით:
მოხედო ბედრკულს
შენს სატრფოს-მამულს,
და ჯვართი² შენით აკურთხო კვალად.
შენი ივერი
აღსდგეს ძლიერი,
და დადგეს ერად სხვა ერთა შორის,
წმიდით საყდართ,
ენით მდიდართ,
სწავლისა შუქით განათებული!
ზნე-ამაღლებით,
ძლევის დიდებით,
სამშობლო მიწის სიყვარულითა! —
და გაგვიცოცხლდეს,
რომ კვლავც მოგვესმეს
სიტყვა ქართული რუსთაველისა.
რომ განვიღვიძნეთ,
სულთ განვახლდეთ,
და განქრეს ხელი უმეცრებისა!..
... მარამ ცად თვალნი
გაქვს მიქცეულნი,
და მე ველარ მცნობ გულ-შემუსვრილსა,
დამცირებულსა,
ზმა-პიღებულსა,
ბედ-დაკარგულის ივერიის ძეს!
ეჭვით აღვსილსა,
უსასოდ ქმნილსა,
გულ-უიმედოს, გაუხარებელს!
ვაჰ თუ რაც წახდეს,
ველარა აღჰსდგეს,
ველარ აღყვავდეს ახლის შვენიებით?
და რაც დაეცა,
ის წარიტაცა
შავმან ყორანმა ვით უმწე მსხვერპლი!
ჰე, ცრუ სოფელო,
დაუნდობელო,
შენში კეთილი სად არს ფერ-უცველელ?
დიდება ჩვენი,
ცად სხივ-მიმფენი,
ნუთუ ესლა გვაქვს, ვპხედავთ რასაცა?
დაფრუებულსა,
გზა შეუვალსა,
უდაბურს ტყეში ტაძარს დარღვეულს,
სად სახე მეფის,
სჩანს ძველს კედელზე გამოხატულად!..
დიდის თამარის.

გრიგოლ ორაბლიანი

1. შემოსვლა ლანგ-თემურისა დ შაჰ-აბაზისა, რომელთა საშინლად გააოზრეს ჩვენი ქვეყანა. ქართველთა დაარქვეს შავი დრო ამათ შემოსელსა.

2 როდესაც საქართველოს ჯარი შეიყრებოდა სალაშქროდ, თამარ მეფე თვით აკურთხებდა მას ჯარსა ჯვართით.

„ДЖВАРИ ВАЗИСА“

(Крест из виноградной лозы)

В первой половине сего года в жизни Грузинской Православной Церкви произошли два знаменательных события. Первым из них было пономничество Святейшего и Блаженнейшего Илии II, Католикоса-Патриарха всея Грузии в Египет и на Синайскую Святую Гору, где он поклонился Синайским святыням. Вторым событием явилось 800-летие коронации великой царицы Тамар, почитаемой в лике святых Грузинской Церкви.

Журнал широко освещает эти два важных события.

На первой странице, предопределяющей тематическое направление журнала, помещена молитва Католикоса-Патриарха Илии II, вознесенная им на Синайской Святой Горе. К тексту приложены фотоиллюстрации.

Под общим заглавием «Мир всем» объединены письма, статьи, информации.

Как известно, история взаимоотношений между Грузией и Египтом, имевшая место задолго до Рождества Христова, уходит в глубь веков. Египет со своей разнообразной природой, свойственным ему философским духом, часто по сей день недоступным, зачастую совершенно непостижимым искусством или же библейскими чудесами, всегда привлекал внимание соседних государств и отдельных мыслителей. В то же время Египет является страной, где возвысился христианский дух. Из находящихся здесь многочисленных святых мест, самым дорогим для нас является Синайская Святая Гора, где пророком Моисеем были получены от Бога 10 Заповедей и где, начиная с VI века (по мнению некоторых ученых с IV в.), служили Господу Богу святые отцы-грузины.

В связи с этим велико значение посещения паломниками Грузинской Православной Церкви Египта и Синайской Горы.

Святейший Патриарх Илия II прибыл в Египет по приглашению Его Блаженства Николая VI, Папы и Патриарха Александрии и всея Африки. В журнале помещены несколько писем, касающихся этого события, дается об-

ширная информация — «Паломники Грузинской Православной Церкви в Египте», письмо Митрополита Константина (Меликидзе) — «Египетские впечатления».

Здесь же помещена проповедь Католикоса-Патриарха Илии II — «Синайская Святая Гора», которую он произнес по возвращении из Египта в Синодском Патриаршем соборе.

Эти письма объединены под общим заглавием: «Да любите друг друга».

Под рубрикой «Из прошлого» помещено письмо Епископа Христофора (Цамалаидзе) — «Некоторые сведения из истории взаимоотношений Грузии с Египтом, из которого читатель, согласно историческим материалам, приводимым как грузинскими, так и иноземными летописцами, сможет узнать о взаимосвязи этих двух древнейших стран.

Как уже отмечалось, в текущем году исполнилось 800 лет со дня коронации великой царицы Тамар, причисленной к лику святых Грузинской Церкви. Царица Тамар, фресками, изображениями которой освещены церкви Грузии, о святости и доблести которой существует множество легенд и преданий (не говоря уже о литературных произведениях, и, в частности, о гениальном творении мирового поэтического искусства, поэме Шота Руставели «Витязь в Тигровой шкуре», которая была создана в эпоху царствования святой Тамар и посвящена ей), была личностью, под мудрым предводительством которой достигли расцвета Грузия и Грузинская Православная Церковь.

Грузинский народ святой любовью запечатлел в сердце своем память о своей прекрасной матери — царице Тамар. В лике царицы Тамар воочию воссоединилась истинная мудрость великого государственного деятеля, моральная светлость и религиозная чистота. Она была одарена и поэтическим талантом.

До наших дней дошли созданные с высоким поэтическим мастерством глубоко-философские ямбы, принадлежавшие царице.

В журнале напечатано письмо выдающегося грузинского писателя и уче-

ного Павле Ингорква о литературном значении ямбов Тамар. Здесь же печатается песнь, созданная на один из ямбов Тамар. Автором является композитор Ш. Шилакадзе.

Под рубрикой «Поэзия» в журнале печатаются стихи Архиепископа Тадеоза и М. Чахава.

«Молебен»... Под этим заголовком, читатель знакомится с письмом М. Сумбадзе, в котором поэтическим вдохновением автора открывается верность и любовь жен-мироносиц к Пресвятой Богородице.

Здесь же напечатаны две проповеди Епископа Зосимы: «Равноапостольная святая Нина» (IV в.) и «День прощения и искушения».

В мае сего года во время пребывания в обители Давида Гареджийского неожиданно скончался профессор Иванэ Лолашвили. Вся научная работа покойного была связана с древнегрузинской духовной литературой. Грузинская Православная Церковь с глубокой скорбью восприняла кончину профессора И. Лолашвили. Под заголовком «Профессор Иванэ Лолашвили» в журнале печатается письмо Н. Папуашвили.

Прощальное письмо посвящается также скоростижно скончавшемуся Г. Болгашвили, пресвитеру Грузинской Общины Евангелистских Христиан-Бaptистов.

Здесь же читатель ознакомится еще с одним прощальным письмом. Оно посвящено шестерым грузинским альпинистам, молодым людям, которые погибли во время восхождения на сложнейшую высоту Ушба (Кавказ). На сороковой день трагической гибели альпинистов в Патриаршем Соборе Сиона была отслужена панихида, которую совершил Святейший и Блаженнейший Илия II.

«Во исцеление людей». Под этой рубрикой, в письме рассмотрены некоторые вопросы истории грузинской церковной медицины. Автор — врач-референт Грузинской Патриархии Е. Барамидзе.

Словарь и толкование для журнала составлены монахом Еквтимием (Кочламазашвили).

„DJVARI VAZISA“

(Gaoss of Vine)

Two main facts were marked in the first half of the current year. The first one was the visit of His Holiness and Beatitude Ilia II, Catholicos-Patriarch of All Georgia to Egypt and Mount Sinai... seeing the sanctities of Sinai and celebrating the 800 anniversary of enthronement of the Great King-of-Kings, St. Qween Thamar... the journal fully covers these two important facts:

The journal opens with the prayer of the Catholicos-Patriarch said on the Holy Mount Sinai ... where Moses received the ten commandments from God.

Letters, articles and various information is printed under the common title „Peace to All“.

It's quite well known, that the relations between Egypt and Georgia started many centuries ago B. C. ... Egypt with its fascinating nature, spirit and often completely mysterious art, or Biblical miracles, was always attracting minds and thoughts of many peoples. At the same time, it was the country, where the Christian spirit was risen... and among all the Holy places existing there, the Mount Sinai was always mostly dear for us, where Georgian monks lived and served, beginning from the 6th century and even earlier (some scholars mention the 4th century). That's why the visit of the representatives of Georgian Church to the ARE was of such a great importance.

His Holiness and Beatitude Ilia II, visited Egypt on the invitation of His Beatitude Nicholas VI, Pope and Patri-

arch of Alexandria and All Africa. The two articles cover this visit: „Georgian Church Delegation in Egypt“ by B. Gagua, Secretary of External Relations Department of the Patriarchate and „Impressions of Egypt“ by H. E. Constantin, Metropolitan of Urbisi, who were the members of the delegation.

The preaching of the Catholicos-Patriarch „On the Holy Mount Sinai“, delivered at Sioni Patriarchal Cathedral after the return from Egypt, is also printed here. All this information carries the common title „To Love Each Other“. This section of the journal gives also the information concerning the history of Egyptian-Georgian relations author, Bishop Christophor (Tsamalaidze).

This year, the 800 anniversary of enthronement of the Great Qween Thamar, whose image is immortalized in numerous frescos of many Georgian churches and monasteries, was celebrated here. Her sanctity and power is depicted in many stories and legends, not mentioning the works of literature and particularly the world-famous masterpiece of poetry „The Knight in Panther's Skin“. It was created during the reign of the Qween and dedicated to her. The voice of nation is the only righteous judge and the Georgian nation carried the heartfelt love of St. Qween Thamar through the centuries, love towards the person who strengthened and raised her kingdom and church, being image of wisdom, moral light and religious

purity. „Poetry“—some verses by Archbishop Thadeos (Ioramashvili) and S. M. Chakhava are printed here.

„Entreaty“—under this title is represented a letter by M. Sumbadze, where deepest love and devotion to Mother of God and Myrrhbearing Women is given. Here are also two preachings by Bishop Zosime (Shioshvili) „St. Nino—the Right to Apostles“ and „The Day of Mercy and Forgiveness“.

A letter „Prof. I. Lolashvili“ by N. Papushvili, dedicated to the distinguished scientist who devoted his whole life to the hygeographical literature, is published in the journal. He suddenly died in David Gareji monastery, where he led a scientific research in May of 1984, and whose sudden departure brought a great sorrow to the hearts of Georgian believers.

The parting letter about the leader of Georgian Baptists, G. Bolgashvili, is also published in the journal.

Readers will be able to read one more parting letter about six young alpinists, died in the mountains while ascending the most high mountain in the region, Ushba. His Holiness and Beatitude Ilia II himself conducted the last service to their memory.

„For the Men's Care“—a very informative review on the history of medical treatment in Georgian Church by Dr. E. Baramidze, the Referent of the Patriarchate. The issue is supplied with dictionary and comments by Monk Ekvtime (Kochlamazashvili).



წმიდა მოწამე აბო ტფილელი.
საბინის ალბომიდან

შ ი ნ ა ა რ ს ი

ლოცვა, რომელი ვთქვი მე ცოდვილმან, მდაბალმან ილია II, კათოლიკოს-პატრიარქმან სრულიად საქართველოვსა, წმიდასა სინის მთასა ზედა	5
მ შ ვ ი დ ო ბ ა ყ ო ვ ე ლ თ ა	
საქართველოს ეკლესიის დელეგაცია ეგვიპტეში	8
მიტროპოლიტი კონსტანტინე (მელიქიძე). მოგზაურობის შთაბეჭდილებანი	14
ქ ა დ ა გ ე ბ ა ნ ი	
ილია II, კათოლიკოს-პატრიარქი. სინის წმიდა მთაზე	20
ეპისკოპოსი ზოსიმე (შიოშვილი). დედაო ნინო, დღე შენდობის და პატიების	23
პ ა ვ ლ ე ი ნ გ ო რ ო ყ ვ ა . თამარ მეფის იამბიკონი	28
პ ო ე ზ ი ა	
მთავარეპისკოპოსი თადეოზი (იორამაშვილი). იყვნენ დიდნი, დიდნი სულნი	35
მ. ჩახავა. ლოცვა მამა ღმერთისადმი	35
ს ა გ ა ლ ო ბ ე ლ ნ ი	
შ. შილაკაძე. „ცასა ცათსა“	36
მ. სუშბაძე. სავდრებელი ღვთისმშობლისა და მენელსაცხებლე დედათადმი	39
გ ა მ ო ს ა თ ზ ო ვ ა რ ი	
პროფესორი ივანე ლოლაშვილი	41
პრესვიტერი გიორგი ბოლაშვილი	41
ნეტაე, რა ზნე სკირს სიკვდილსა	42
წ ა რ ს უ ლ ი დ ა ნ	
ეპისკოპოსი ქრისტეფორე (წამალაიძე). ზოგი რამ ეგვიპტე-საქართველოს ურთიერთობის ისტორიიდან	45
გ ა ნ კ უ რ ნ ე ბ ი ს ა თ ვ ი ს კ ა ც თ ა	
ე. ბარამიძე. ქართული საეკლესიო მედიცინის ისტორიიდან	51
ღ ე ქ ს ი კ ო ნ ი დ ა გ ა ნ მ ა რ ტ ე ბ ა ნ ი	
მწიგნონოზონი ექვთიმე (კოჭლამაზაშვილი). საეკლესიო ღვთისმსახურების სახეები	57
ნ ა შ რ ო შ ი გ ა ნ ძ ა დ დ ა შ თ ე ბ ი ს	
გრიგოლ ორბელიანი. თამარ მეფის სახე ბეთანიის ეკლესიაში	60
რეზიუმე რუსულ ენაზე	61
რეზიუმე ინგლისურ ენაზე	

საგამომცემლო განყოფილების თავმჯდომარე — მიტროპოლიტი კონსტანტინე (მელიქიძე).

ქურნალის რედაქტორი — თ. გურიელი.

საქართველოს საპატრიარქო. თბილისი, 1984 წ.

სიონის ქ. № 4. ტ. 72-24-27.

ტირაჟი 1000, შეკვ. 1873.

საქართველოს სსრ მეცნ. აკადემიის სტამბა, თბილისი 380060, კუტუზოვის ქ. № 19.

Грузинская патриархия.

«Джвари вазისა (Лозовый крест) № 1, 1984 г.

Тираж 1000, зак. 1873.

Типография АН Груз. ССР, Тбилиси, 380060, ул. Кутузова, 19.

ქართული ანბანი

ა	Ⴀ	Ⴁ	a	1	ბ	Ⴂ	Ⴃ	s	200
ბ	Ⴃ	Ⴄ	b	2	გ	Ⴅ	t	300	
გ	Ⴅ	Ⴆ	g	3	დ	Ⴇ	y		
დ	Ⴇ	Ⴈ	d	4	ე	Ⴉ	u	400	
ე	Ⴉ	Ⴊ	e	5	ფ	Ⴋ	p	500	
ვ	Ⴋ	Ⴌ	v	6	ქ	Ⴍ	k	600	
ზ	Ⴍ	Ⴎ	z	7	წ	Ⴏ	x	700	
ძ	Ⴏ	Ⴐ	ē	8	ყ	Ⴑ	q	800	
თ	Ⴑ	Ⴒ	t	9	შ	Ⴓ	š	900	
ი	Ⴓ	Ⴔ	i	10	ჩ	Ⴕ	č	1000	
კ	Ⴕ	Ⴖ	k	20	ც	Ⴗ	c	2000	
ლ	Ⴗ	Ⴘ	l	30	ძ	Ⴙ	z	3000	
მ	Ⴙ	Ⴚ	m	40	რ	Ⴛ	r	4000	
ნ	Ⴛ	Ⴜ	n	50	ს	Ⴝ	š	5000	
ო	Ⴝ	Ⴞ	o	60	ე	Ⴟ	x	6000	
პ	Ⴟ	Ⴟ	p	70	ყ	Ⴚ	q	7000	
ჟ	Ⴚ	Ⴚ	ž	80	ჩ	Ⴛ	č	8000	
რ	Ⴛ	Ⴛ	r	90	წ	Ⴜ	h	9000	
				100	ჭ	Ⴝ	ω	10000	

